


41280/10  
11  
印1025

75999

5

人物志上  
鄉宦  
行誼

江浦縣志  
卷





江津縣志卷七之一

人物志上

鄉宦

行誼

文學

先烈

列女

流寓

鄉宦

漢

然温江州人爲度遼將軍守桂陽長於治民能得其心祀鄉賢祠

謁渙 陳爲 譙章俱江州人渙仕至汝南太守有公直稱爲官司隸校

尉秉正嫉邪立朝有聲章度遼將軍嚴正剛直時號江州三傑均祀鄉賢

祠

蜀漢

董和其先江州人徙南郡枝江漢末率屬西還依劉璋仕成都令時俗侈

江津縣志

卷七之一

鄉宦

一

甚和躬率以儉遷益州守清廉潔已推誠服彝南方信愛之先主定蜀徵

和爲中郎將與諸葛亮并署大司馬事外牧殊域內幹機衡二十餘年卒

之日家無儋石亮追思稱歎不置祀鄉賢祠

晉

母雅江州人居邑屬二賢山學貫四科貢於朝除涪陵漢平令爲夜郎太

守殊域感其惠化卒年八十有二祀鄉賢祠

宋

馬邈仕驍騎將軍前志列入武功事蹟無考

石公恕以武功大夫知威州有能名常作文刻碑戒子縣勿得分異祀鄉

賢祠





張弦舉進士名對直言無所避忌累仕至湖廣總領有幹局長於籌邊祀鄉賢祠

明

江英字順中歷官貴州浙江雲南左參議有威政卒祀鄉賢祠

吏部尙書王直江公神道碑云江氏之先黃州黃岡人公高祖萬九曾祖文友祖世禮皆有隱德而不仕元季兵亂世禮避地入蜀居江津之石橋里考必達讀書勵行不事表暴夏明玉珍欲用之不就公其仲子也諱英字順中幼聰敏喜學日記數千言爲文必以理勝而尤工於詩朋輩皆推讓之舉於鄉進於禮部授綏寧教諭綏寧襍夷獠不樂學公循循善誘俗爲之變公有治理才慨然欲見於用奏疏言時政得失上

### 江津縣志

#### 卷七之一

鄉宦

二

可之召爲寶鷄丞外嚴內恕百務備舉盜賊屏息囹圄空虛他邑有不平者亦請質焉永樂初應求賢舉知滄州州當南北之衝兵革之後凋弊未蘇供結力役不勝其煩公量緩急度輕重應之各適其宜而人不告病郡以治聞太宗皇帝初設貴州布政司擇才賢以撫其民命公爲左參議時苗未盡化其首有苗普亮者號普天王聚眾叛朝廷命鎮遠侯率兵勦之久不克公因上方略上知其謀可用命以民兵偕行公嚴偵伺重賞購得其情實率敢死士徑擣入巢穴擒斬普亮並斬僞開天侯僞軍師楊質二等傳首京師一境以寧丁外艱服除調浙江羣僚皆以軍繫獄公獨理無不治藩省吏有大姦雖元僚莫能制公臨之以法或<sup>缺一</sup>字或斂避人皆快之公不以爲異念羣僚以糧入不實逮繫而已



乃幸免請從坐上亦察其無他皆宥之人以是服公之義丁母憂過哀寢處於地水漿不入口者七日因得風疾既愈造朝調雲南未幾疾復作請假乞歸舊例年未七十者皆罷官公時年五十五以貴州平寇力獨得以官歸治病士大夫榮之公自謂荷上厚恩無以報遣子淵受學邑庠學成取進士入翰林爲編修公雖累佐大藩而未受誥及編修顯乃授公雲南布政司左參議誥命進陞朝請大夫迨後編修累陞佐戶部長翰林朝廷復以其官贈公追榮至三品此可以觀德矣公初爲丞時迎親就養凡衣食器物皆躬理之曰吾親所服用也王氏姊蚤寡撫二甥安寧如己子諸兄弟析產業自占十七八公僅獲一二終不校族弟旭孤貧不能娶公爲之娶嘗從蘇伯瑜先生學事之如父始終未嘗

## 江津縣志

### 卷七之一

鄉宦

三

廢禮見人有急排難解紛不惜貲其厚於仁多此類生於洪武辛亥十二月二十七日以宣德丙午八月二十一日卒享年五十六娶周氏有賢行封淑人子男六曰漢曰浩曰淵今官至太子少師吏部左侍郎兼翰林院學士曰淮曰濟曰深郡庠訓導女三嫁白子貴蘇缺一翟茂字

孫男某某諸子以公卒次年丁未正月二十日葬於里之三河口幟旗山之原至是少師以內艱得奉命奔喪念公之墓未有文以昭德垂遠乃自述其行來請銘將刻諸神道於戲公之德積於身刑於家施於政事而又成其子之賢荷上之寵命光榮盛大如此奚可以不敏不銘乃按狀序次其事而系以銘俾刻焉銘曰蜀山崇崇靈秀所鍾篤生偉才以相天工始以文進與有民社遂理一州政復優暇擢副方伯皇仁用



施苗頑弗恭亦震以威彼昏卒狂猶敢肆逆公宏厥謨乃底成績浙右  
滇南是曰大藩公往佐之秋肅春溫帝欲用公而以病告功名未終誰  
不嗟悼公德之茂子也克賢三品之榮寵贈自天刻銘墓碑負以龜趾  
燁其休光垂示無已

石溫洪武中領鄉薦擢陝西鳳翔府同知才能著稱尋陞交趾布政司參  
議祀鄉賢祠

黃德洪武間任甯峩知縣草勅之初一以寬大馭之

鄒瑾字公瑾洪武初以經明行修授江津教諭拜監察御史建文中改大  
理丞靖難兵薄金川門徐增壽李景隆謀內應瑾與御史魏冕毆增壽幾  
死瑾當陞大呼請速誅帝手刃增壽併欲誅景隆不果景隆同谷王穗開

## 江津縣志

### 卷七之一

鄉宦

四

門迎降瑾死之祀忠義祠

李鑑永樂鄉舉教諭蒲圻得士子心歷常德知府遇荒善賑多所全活祀  
鄉賢祠

劉澶宣德中貢生任南直安慶府推官誠篤而慈惠能明法律凡所推讞  
務爲詳審不使冤抑獄無留滯見安慶志名宦傳中

江淵字時用號定菴縣北杜市里人起家侍講入閣預機務當土木之變  
正統北狩明祚幾危淵與于謙等五人奉太后命立景泰明捷錄云不以  
金注而以瓦注不迎實以迎之也旣果鑾輿得旋英宗復辟淵謫戍卒著  
有觀光錦榮諸集崇祀鄉賢祠

明史傳云江淵字時用江津人宣德五年庶吉士授編修正統十二年



詔與杜寧裴綸劉儼商輅陳文楊鼎呂源劉俊王玉共十人肄業東閣曹鼎等爲之師郝王監國徐有貞倡議南遷太監金英叱出之踉蹌過左掖門淵適入迎問之有貞曰以吾議南遷不合也於是淵入極陳固守之策遂見知於王由侍講起擢刑部右侍郎也先薄京師命淵參都督孫鏜軍事景泰元年出視紫荆倒馬白羊諸關隘與都指揮同知翁信督修雁門關其秋遂以本官兼翰林學士入閣預機務尋改戶部侍郎兼職如故明年六月以天變條上三事一厚結朵顏赤斤諸衛爲東西藩籬一免京軍餘丁以資生業一禁訐告王振餘黨以免枉濫詔悉從之又明年二月改吏部仍兼學士是春京師久雨雪淵上言漢劉向曰凡雨陰也雪又陰之陰也仲春少陽用事而寒氣脅之占法謂人君

江津縣志

卷七之一

鄉宦

五

刑法暴濫之象陛下恩威溥洽未嘗不赦過宥罪竊恐有司奉行無狀冤抑或有未伸且向者下明詔免景泰二年田租之三今復移檄追徵則是朝廷自失大信於民怨氣鬱結良由此也帝乃令法司申冤濫詰戶部違詔下尙書金濂於獄卒免稅如詔東宮旣易加太子少師四川巡撫僉都御史李匡不職以淵言罷之母憂起復初侍講學士倪謙遭喪淵薦謙爲講官謙遂奪哀至是御史周文言淵引謙正自爲今日地帝以事旣處分不問而令自今羣臣遭喪無濫保五年春山東河南江北饑命同平江侯陳豫往撫淵前後條上軍民便宜十數事并請築淮安月城以護常盈倉廣徐州東城以護廣運倉悉議行時江北游饑淮安糧運在塗者淵悉追還備賑漕卒乘機侵耗事聞遣御史按實淵被



劾當削籍廷臣以淵守便宜不當罪帝宥之閣臣既不相協而陳循王文尤刻私淵好議論每爲同官所抑意忽忽不樂會兵部尙書于謙以病在告詔推一人協理部事淵欲得之循等佯推淵而密令南輅草奏示以石兵江工四字淵在旁不知也比詔下調工部尙書石璞於兵部而以淵代璞淵大失望英宗復位與陳循等俱謫戍遼東未幾卒初黃珙之奏易儲也或疑淵主之邱濬曰此易辨也廣西紙與京師紙異索奏視之果廣西紙其誣乃白成化初復官

清邑令曾受一論云士君子當國家危難之際以一身任社稷之重識見精明志意堅定卒能措拄國是奠安宗祏曾子所謂可託可寄而不可奪者三代以後若明之于忠肅庶幾近之而夸考當時能與之同幹

## 江津縣志

### 卷七之一

鄉宦

六

濟共功名者實爲江淵方英宗土木之變人心洶懼徐有貞倡議南遷當時于忠肅謂議者可斬淵亦極陳固守之策也先入紫荆關力助忠肅拒守退敵卒迎鑾輿以歸英宗復辟有貞竊柄忠肅被刑淵亦謫死跡其始終計議行事洵足附忠肅以成偉烈垂不朽讀本傳詳哉其言之矣其見於他傳若王文希權璫王振指欲坐薛瑄死罪淵上言法司斷獄多枉雖非直論薛事而心實爲薛由此觀之淵不特于忠肅之流亞抑亦薛文清之徒也此事本傳所未及予故表而出之至於薦倪謙奪情他日毋憂起復御史周文謂昔之薦謙正爲今日則似不能以禮處人又不能以禮自處貽人口實亦固其所然其生平樹立忠義根於天性勳猷炳於史冊堪與日月爭光豈以一眚掩大德哉



石敏中景泰歲貢任湖廣松滋縣知縣清慎廉介居官如治家運軍餉築城垣民不知困祀鄉賢祠

江孟綸字廷緒成化進士拜浙江道監察御史諤諤敢言以直節著巡按陝西平滿四之亂上賜綵帛陞三品俸巡按山東大賑飢民嘗糾銓曹選法爲典選所忌出遷湖廣按察司僉事尋轉浙江擢河南副使奉勅提督河南學政所在有聲卒於官著有梅菴集祀鄉賢祠

楊銓成化甲午舉人任雲南易門縣聽訟明決興學校弭盜賊清廉自矢士民戴之祀鄉賢祠

楊彝字几川正德庚辰進士幼有大志博究經史初令宿松慈祥愷悌民慕如父母三載行取宿松士民遮畱不得建祠肖像祀之任雲南道監察

### 江津縣志

#### 卷七之一

鄉宦

七

御史在臺端多直言奉勅清戎浙江尋命巡按貴州時重守令之選擇知吉安府事巡按交薦授河南按察副使未幾致仕歸以書史自娛四方搢紳書幣問遺無虛日年六十有五卒邑人戶部郎中周世遠誌墓稱其天姿純厚才識敏達歷官中外建立不虛居鄉尤以道自重云

李臨陽嘉靖甲辰進士歷官岳州府廉平惠愛歲饑多方賑濟全活以數萬計擢陝西按察司副使去之日士民遮道送之爲著貞惠錄祀鄉賢祠周世遠嘉靖甲辰進士歷官山西右布政居官廉明仁惠清慎潔己屢經薦列民感其德建生祠祀之祀鄉賢祠

徐效賢嘉靖舉人爲澄城縣令清廉恤民澄城人繪像祀之祀鄉賢祠

程典字五江嘉靖戊午舉人任湖廣遠安令止一僕自隨奏最當內召適



江陵張相憂歸檄典爲治喪事不應拂張意外補沔陽知州考滿入都以當路索賄致仕歸沔人懷之爲之歌曰一主一僕不貪不酷飯有粥菜無肉可謂清白吏矣

程大猷字允軒以明經選道州倅轉山東泰安州同知有以陋規累千金進者卻不受陞濱州守興利除弊州人德之爲立祠明季喪亂孫源過其地有大俠某知爲守孫脫之於難其遺愛可想也

楊姜舉人歷任蘇州府同知居官清正忤織造監被謫事載明紀祀鄉賢祠

曹邦化以明經授吉安府通判嚴正不阿郡人劉給事忤時相時相銜之欲誣以事邦化力爲之辨獲免遷寧州知州子進可登科報至遂辭不就

## 江津縣志

### 卷七之一

鄉官

八

任致仕歸里操行純備祀鄉賢祠

曹進可縣南筍溪里隆慶舉人歷任蘇州府通判黃平州知州山東萊州府同知乞休歸適奢酋以援遼兵叛據渝城進逼成都巡撫朱燮元調官兵進勦進可以鄉紳贊畫賊平燮元過訪卽起復爲貴州平越府陞按察司從黔撫王三善監軍進勦大方屢言苗性叵測不宜懸兵深入王不聽以及於敗進可馬上中矢石幾死與所部數百人突圍出未幾致政歸優游二十餘年慕義好施鄉人德之壽八十四卒葬梁灘戶部侍郎倪斯蕙銘其墓曰擊楫祖逃免胃汾陽制勝諸葛籌邊贊皇其誥贈中憲大夫神道碑乃總督朱燮元題也祀鄉賢祠

卞孔時字汝行任武昌同知勦播酋有功以剛直忤璫繫獄十三年僅得



釋後起用未幾卒祀鄉賢祠外孫程源爲之傳

傳云外王父卞公諱孔時字汝行卞壺之後世家江東至正末江東壯兵起移楚楚亂入蜀居江津外曾王父瑤邑廩員稱長者以嘉靖丁未產外王父生時有聲如雷起于寢眾咸辟易性孝友兩尊人恙卽減食諸弟姪孤貧不能自立者必身訓之皆至仕宦有弟曰孔周孔唯官學博姪曰承憲壬辰進士官吏部皆其孝友之一也又素剛直不喜隨時疾惡嚴才大學博于書無所不讀而好談王伯之略萬歷丙子中黃輝榜鄉試三名數上春官不第顧輒取副榜高等不能不歸之數云時外曾王父年七十因以戊戌就職試銓部第一人補武昌同知祖制簡選天下貢士同知只二人誠重之也到任後興利除弊善政不勝書聲稱

# 江津縣志

## 卷七之一

鄉宦

九

赫然武昌士庶戴之如父母萬歷己亥播州酋楊應龍叛廷議川黔楚分路進師以大中丞李化龍總之駐重慶大將軍劉挺等繇蜀大將軍陳璘等繇楚楚撫江鐸請于朝以公監璘軍從白泥入庚子四月破青蛇固三渡關大戰壁大水田焚桃溪莊八路俱集海龍囤賊勢急水西會安疆臣與應龍世姻戚近鄰悲狐兔亦繇落濛壁海龍囤後數與賊通賊因專力備囤前公知之計當事夜易陳璘吳廣兵急攻之遂破賊應龍自焚死俘曾子楊國棟等時庚子六月二十四也捷奏奉旨值大璫陳寧以礦稅奉上命來楚寧大得幸能呼吸變冬夏勢甚熏灼楚當事皆欲屈己事之公力持不可羣議公先入謁公卒與抗賓主禮比眾入惟司李滿朝薦如公約璫領之時稅礦驟增每省各有璫而楚璫善



聚斂尤當上心故楚稅尤橫舉國騷然親王院道束手而已公又力禁之遇璫役恣縱輒加朴責仍面斥璫投揭兩院求合疏爲百姓請命不應因列其狀於朝璫大失望武昌民吳良球家富鉅萬田遍郡邑璫利之有所要不遂遂疏球逋賦下撫院委公踏丈良球田公又直之得不坐璫忿甚遂以阻撓稅法特劾公事連滿朝薦上震怒庚子冬月遣緹騎逮治公方開讀百姓數萬聚哭爭毆驍騎殆斃又羣趨璫署毀門入執璫欲甘心焉公以身衛璫泣諭禍福璫得不死因叩頭謝公曰初不知公如是好人也百姓擁公不得行公夜覓漁舟趨金陵赴大都下北鎮撫司旋改刑部獄吏部尙書孫丕揚都給事中許宏綱給事中孫繼善等交章數十上有江漢之間難忘者德播曾之役未酬者功之語閣

# 江津縣志

## 卷七之一

鄉宦

十

臣葉向高屢疏請釋公及滿朝薦等俱不省是時上靜攝幾二十載厭聽政故璫惡雖未得肆而公之羈禁猶經十三年之久也四十年壬子八月聖壽節屆輔臣葉向高疏陳目前急務一請補閣部九卿一請起林下廢棄一請釋久繫五臣疏奏杜門不出以去就爭之癸丑春公與滿朝薦等始得釋又缺三未定公投揭內閣事聞欲復逮治缺葉輔極力缺三獲免庚申光宗卽位召起公天啟辛酉補南京刑部郎先是畱都有冤獄不決繫者禱于神曰遇下而明不知是何指也公至立昭雪然則公之官南黔定於詔獄之日豈非天哉甲申陪典雲南參政時魏璫擅政公鬱鬱不樂方欲有所建白銓部郎王任傑以公素仇璫阿忠賢旨左遷漢陽府知府越二日無疾卒于刑部任未卒前數日有大星



墜于署臨絕復有聲如雷轟正寢公目瞑聲始息云南都爲之罷市趙探花師尹以詩哭之曰嶙峋正氣摩高天磊砢剛腸軼古賢只奈秋曹多約結寧當楚郡更勞騫徘徊几席空追憶彷彿音徽杳若仙從此錦城人物志三朝忠介照青編蓋實錄也崇禎三年有旨下部議諡卹裔孫卞先傳貧窘格不行其著述甚富詩奇雅雄壯董復亨爲之序甲申蜀大亂先傳死盡付灰燼惟同郡大學士王應熊得其序文一二首錄以傳公爲人頎而長銳上豐下精彩懾人讀書至老不倦負經世大略一時謂如漢汲黯宋唐介而才百十過之行事襍見神廟紀載中惟剛直不阿故坎壈終其身學不遭時君子惜之外史氏曰公官未一載而勳著西南庚子六月捷上十二月獻俘甲辰春敘播功文武皆進級蔭

江津縣志

卷七之一

鄉宦

七

子而公卽以庚子冬得禍矣當其忠介不回忘身爲國豈復有性命功名之念足以動其中與光宗恭己南面天啟閣豎奸鼎公得卒官倖也然浩氣一往震盪天下才雖不竟夫何傷乎

卞承憲萬歷壬辰進士歷吏部稽勳司郎中杜絕私謁京師目爲鱉子典試河南一時稱得人甲申殉難忠臣劉理順亦出其門年七十六卒何圖字三明舉人萬歷中官六安州知州爲政三月威惠大著及病萬眾祈禱至有割股者卒之日哭聲振野

周禮山字敬亭天啟中明經由新貴令陞石阡知府所至多善政士民懷之甲申之變解組歸隱五脈里後吳三桂屢徵不就講學以化其鄉人咸稱其行誼焉



夏衍虞天啟丁卯舉於鄉任臨漳知縣有惠政陞曲靖司理署道事丁亥孫可望陷滇衍虞貽巡按羅國瓛書約共舉義兵事覺與國瓛俱闔門遇害

龔三級字堯階崇禎鄉薦操履方正學問淵洽以躬行實踐爲本著有讀史摭異尙志齋集四方負笈出其門者多知名之士仕遵義府儒學訓導先是五屬學官俱領於府三級以地方闊遠訓課非便請於巡按御史米督學王分設五學三級兼署綏陽日與諸生講論造就多方綏學登雋自此始陞安順府推官阻亂未赴旣歸值兵燹顛沛之際手不釋卷片言細行兢兢矩矱未嘗少弛訓蒙厲俗條範秩然士林遵述不替懋熙其子也祀鄉賢祠

# 江津縣志

## 卷七之一

鄉宦

三

程源崇禎癸未進士時闖賊窺潼關上書陳勦寇十策不報甲申之變舉義天津出入寇穴攜毒藥以死自矢唐王聿鍵立於閩召官太常卿使粵聞唐王敗死擁立永明王授都御使晉東閣大學士兵部尙書經理滇黔蜀楚督戰克捷有功偏橋之役爲王祥所執七日不食卒以大義服祥解黔蜀諸鎮爭鬩之難明祚旣終悲憤疽發於背卒

清邑令曾受一論云從來功大者當表其功節盛者宜著其節而疾風知勁草板蕩識忠臣忠之難尤莫難於國祚旣斬顛沛流離之日比閩筍湄抄志列程源武功中竊謂源之武功非無足稱而其孤忠亮節非區區武功所得而掩也考源釋褐於故明崇禎之癸未值闖賊窺關伏闕上書奏防河勦寇十策乞勅秦督孫傳庭憑關固守書奏不省賊勢



益熾申申三月陷燕京源乃舉義天津出撫臣馮元颺於危城南都敗  
唐王聿鍵立閩中覽燕邸三疏奇其才召官太常寺使粵閩敗擁立桂  
王子永明王授都憲晉東閣大學士兵部尚書苦戰柳慶間蔽遮南寧  
旋命經理滇黔蜀楚時張獻忠孫可望等先後竊據源疾馳思南號召  
田儒英等力戰有菖蒲塘九杆關石火爐之捷乘勝恢復擒周成朱盛  
祚黃卷等雪夜攻復思州筍涓志之所謂武功者此也然予嘗綜其生  
平自北而南而閩而粵而楚出入戎行崎嶇險難方倡義山東卽佩毒  
藥以死自矢迨王祥乘虛襲源於偏橋執之入遵源誓死勺水不入口  
者七日責祥以大義悲號憤詈髮豎皆裂祥感泣聽源所爲當是時川  
黔構釁稱兵門穴諸將相攻自爲魚肉源乃解皮熊王祥兩鎮之怨諸

# 江津縣志

## 卷七之一

鄉宦

三

將輯睦因而有烏江之會其時諸鎮各受封爵等勢齊量源惟仗忠誠  
灑血淚大聲疾呼檄之會勦諸將俯首唯命非其忠義根於天性而能  
百折不變感動人心有如是哉迨王師勦亂漸次削平源知天命有歸  
而匡復之志鬱鬱不遂疽發背卒誠可謂鞠躬盡瘁死而後已矣予故  
論其軼事改列忠義嘗言文文山不以海隅棄宋但做一日臣子當爲  
臣子一日之事全一日社稷乃了臣子一日之心諸葛武侯謂成敗利  
鈍非所逆觀何嘗期其必成必利而後爲之嗚呼觀其語足以見其志  
矣又言同襄厥事克殫忠勤者里人曹恢也考曹恢前志列仕績中今  
觀此言則恢之忠義亦可附源而見云

刁爾昌前志失名惟刁家場豎有神道碑題貴州遵義總鎮而事實莫考



民國十年其後裔始搜其遺炤來志局三百年物也炤曰欽命恢復秦蜀  
援剿湖南太子太師榮昌世伯晉榮昌侯王爲恭報全川恢復等事炤得  
參將刁爾昌等隨師恢復全川身經百戰忠貫日月功蓋一時除會疏具  
題加級以示鼓勵外合行給炤爲此劄付本官遵炤卽以新題副總兵職  
銜體統行事整禦兵馬共圖底定中原奠安宗社補報朝廷仰副新恩毋  
得怠誤自隳懋典有辜本爵培養至意等語末署永曆三年正月二十九  
日鈐榮昌侯印四字是爾昌戰績確有可紀且當明室顛亡奔竄流離之  
時能不易其志孤忠蹇蹇効命疆場至足悲矣特備錄之以發潛德之幽  
光云

清

# 江津縣志

## 卷七之一

鄉宦

古

王命來字綸如崇禎壬午舉人任貴州石阡府推官清初轉蒙化同知多  
惠政尋遷黔西府知府黔西卽土司安慰地改土新設撫綏有方苗眾悅  
服尸祝之書法尤精妙世比鍾王云

周伯胤順治庚子舉人任嘉定州學正喜讀書工小楷手錄秦漢古人諸  
子唐詩及所訂黃岐等書各尺許一字不苟甲寅滇藩亂作授以職屢脅  
不從幾罹於禍不恤也年七十三猶手錄史記文選各一帙彌畱之日檢  
舊作改九日詩爲易簣占一絕示二子乃逝其暇豫如此著有隨身詩集  
劉鎰號屏山康熙甲戌進士任浙江桐鄉縣署海鹽石門德清多惠政己  
卯高宗南巡駐驛阜林賜御書筆墨鷄燭等物在任勤於課士祀名宦祠  
袁州鑿康熙甲子舉人性敏目可數行仕河南光山令潔己愛民歷任五



載以憂歸光邑士民建祠祀之抵家日囊篋蕭然壽七十著有質可詩集  
李伯順康熙舉人任簡州學正生平操潔行方學問淵洽喜獎進後學訓  
課多所造就

王名符字輯瑞命來少子康熙舉人任順慶蓬州訓導從游者眾有惠愛  
士人感戴三年辭職歸送者數百人生平淡情榮利肆意林泉種竹栽花  
以自誤樂太守陳邦器常書仙池花史以贈因號花史作花史傳尤工書  
善畫著有淡墨詩集

述懷詩長繩難繫日自苦共悲酸石火與電光倏忽轉移間惟有洞中  
人不知悲與歡溪山爲侶伴松月寄幽閒瑤草住長生白髮等朱顏我  
願與之游長嘯天地寬去去勿復顧乾坤多反覆世事盡茫茫浮生空

### 江津縣志

#### 卷七之一

鄉宦

五

碌碌天地爲衮枕風月隨予誰其好長生同與遊五嶽

邑人周佑祚贈詩松林古寺占山腰雨雨風風萬壑濤虎觀先生方罷  
講龍眠居士起揮毫花翻舊譜編成史人誦新詞盡是騷珠玉由來無  
蹉走商飈吹句到蓬蒿 曹龍文訪輯翁不遇詩溪轉橋迴竹徑斜門  
庭寂寂鎖烟霞踏開苔砌迹初去露出粉牆梅半遮烏向檐前窺好日  
魚從鏡裏啖空花圖書滿壁撩人看無主蘭亭興亦賒

王書升字秀菴幼失怙事母孝待兄弟友愛康熙癸巳舉人任直隸河間  
府吳橋縣值邑大旱禱雨立應設立文武義學有廉能稱時鄰邑東光寧  
津景州被水災奉委查辦賑恤有方會上官欲於境內開河分殺水勢士  
民泣請以爲未便卽自繕文力陳其害曰吾官可去河不可開也後得免



開亦以此獲咎三載被議囊橐蕭然卒於保陽各邑醵金助之

潘治字子政雍正癸卯舉人任陝西咸陽縣會審白蓮教案頗多全活被議後復委辦甘肅柳林湖水利著有勞績歸里奉母盡孝養居喪一准家禮不作佛戲茹素三年究心理學著有四書體認錄五經輯要菜羹記一得錄婚喪禮說教子廷颺成進士勉以居官當潔己愛民壽七十二

柳林湖屯田圖說柳林湖周圍數百里一望平蕪紅柳鱗比高二三尺許大如拳如指枝幹離奇皮甲層起細葉婆娑間有極大如碗者長六七尺屈曲斜倚有降心平林之狀皆千年物也風翻紅浪色浮紫煙迴勝江南楓葉東爲鎗杆山南爲抹山北爲馬鞍山是山春秋多山市樓臺亭塔人馬旌旗升降飛揚倏忽變幻令人目眩神搖洵宇內奇觀地

# 江津縣志

## 卷七之一

鄉宦

十六

居鎮番縣東北邊牆外一百六十里卽禹貢豬野之壤漢武休屠縣治也今雖屬賀蘭山額駙實中外一家云當策凌踵父跳梁大軍駐巴爾庫爾糧餉是急西安長途輓運率數石而致一鍾河西就近採買又地產無幾籌邊者遂以屯田爲第一義屯田之最著則推柳林湖雍正癸丑春余自咸陽解組將歸適奉制軍劉公於義侍郎蔣公洞奏准委辦柳林湖屯務屯務首重水利茲屯之水則來自永昌武威古浪各縣春夏秋三時內地存在在堵截澆灌冬寒冰凍乃退流於河過鎮番至抹山東北海子卽蘇武牧羊處於抹山河陽開外東渠一道河陰開外西渠一道抹山東北三里許堵築大河開總渠一道下分中東西三大渠各設長官以統屬員綜庶務使余爲東渠長涼莊道劉某實總理焉繼命



余代其職一切相度挑渠經營佈種稽查收穫戴星出入幾勞心計而澆灌冬水辦理尤難一片冰湖必須舍騎步行紛奔董率日七八十里道遠暮難歸則以紅柳燒地火炭拌沙和衣而寢名曰熱炕仰視冰筋冉冉而下長尺許垂掛樹間腹枵買黑餅數枚雜冰塊嚼咽辛苦期年屯務始底於成用銀四萬五千餘兩獲糧三十餘萬石蔣公贈余有安仁政績畱花縣充國農功著柳林之句因之讒忌釀釁幸當事持平相繼奏請開復劉公贈余有邊屯奏績垂青史雲霧開時見赤心之句亦蔣公前聯意也自歸里後優游林下久樂安閑迴思當年匹馬夕陽躡蹠顧盼臥雪餐冰情意纏結慷慨悲歌有不能自己者聊圖梗概書於後以著往蹟云

江津縣志

卷七之一

鄉宦

七

周章煥字堯文甲午舉人任直隸南和縣多惠政開豐河除災害建書院興學校調吳橋後陞山西永寧州禁止鹽行以便民食經收倉穀免民苦賠年六十餘卒於任

羅其參字敬輿雍正己酉拔貢歷任霍邱懷寧和門知縣以賢能著生平言行不苟婚祭一準家禮力排異端臨終戒子無作佛事其崇正黜邪有足嘉云

程昇字明高丁酉舉人任陝西西河縣潔己愛民聽斷明允士民感戴三年辭歸年七十卒

吳槐字茂三雍正壬子舉人性孝友自幼苦志讀書兼通數學任直隸懷安縣令多惠政士民感戴致仕歸里儉約一如寒素垂老手一編不輟恂



恂鄉里人稱長者年七十

潘廷颺字賡虞號植菴乾隆戊辰進士歸班選江西安仁縣有惠政禁俗溺女調繁彭澤縣丁父憂服闋補河南扶溝縣折獄平允上游多委辦疑案俸滿陞貴州麻哈州知州撫綏苗民革除陋規署思州府知府釐奸剔弊官民便之歷任俱潔清自矢以實心行實政乾隆四十五年春委運楚鉛卒於重慶鉛局年六十二子五登乙科者三咸以爲清德之報云

周文權字梧岡乾隆辛未進士歸班選江西大庾縣課士愛民告病回籍病痊補山西神池縣知縣壤接邊牆俗不向學多方培植士風漸變婦女裸體相習成風悉禁除之俸滿陞江蘇太湖同知未到任卒於神池官署楊長江字清溪乾隆辛巳進士歸班選江西萬載縣知縣潔清白矢聽斷

## 江津縣志

### 卷七之一

鄉宦

六

嚴明士民德之丁酉回籍年五十餘卒人咸惜之

王椿年字仙芝號玉峯乾隆壬申舉人丙戌揀發借補蒼溪縣訓導選廣東吳川縣知縣廉以律己寬以愛民培植人才興起庠序以老去官士民愛戴不忘回籍日囊橐蕭然仍主邑講席藉束脩度日性孝友待宗族雍睦處眾樂易和平尤好獎勵後進喜爲時文年八十餘能日作三藝以課諸孫著式穀齋至性編詩文等集壽九十

和邑侯林公勸農賑飢詩序國之所重惟民民之所重惟食無食則民非其民矣故爲政首曰足食足食者平時盡其力於田畝以令其有餘及其歉也復爲周卹以補其不足是以民無困阨得遂其生而視牧民者親如父母也我朝重本愛民凡所以輕徭薄賦而利之者周其賑濟



之也動以億萬計百數十年海宇宴然永沾利賴矣自嘉慶改元年以來楚北邪匪不靖達匪繼之儲精徭役供億爲勞加以歲比不登黎民艱食邑侯林公蒞任津邑清廉仁愛以撫其民其他庶獄庶政悉就清釐而尤以迫饑饉臥道途者爲念作歌數章以勸農並爲道其疾苦卽首捐清俸設糜郭外以集流亡更勸邑殷富隨地賑給一時感侯德意者咸出蓋藏自春徂秋全活無算旋際有年向之困顛連者慶重生焉余嘗攷古足食之政周以前載於書者不詳唯周以農事開基如豳風雅頌中勸誡農人者不一而六官一書其任民斂賄設官置輔無不備而遺人之委積司徒之荒政以待不虞者更無或遺焉我侯以名儒家學來宰下邑而偶焉區畫詳善如此知其涵泳於經術者深矣今歲豐

## 江津縣志

### 卷七之一

鄉宦

九

人和沐侯惠者咸思壽侯士大夫之能文者更述侯歌詩而和焉夫作於下爲風而頌上功德者亦登諸雅其躋堂稱觥又愛戴父母者之所必至也余故樂爲稱道卽以爲歌詩之弁

李昉嘉慶戊辰進士以知縣分發直隸任贊皇時有城隍祠鬼卒爲祟鞭之怪遂絕任青縣時有弟欲奪亡兄產礙於兄妾謀諸鄰嫗以他死孩置之室中妾含冤欲自盡堂訊時謂凡產必有乳驗之果無斷令以弟之子爲兄承祧有葛姓養媳胡氏年及笄未婚一日鄰子近窺之女怒歸告其翁姑與夫越數日又挑之適女翁來怒毆鄰子并將女休還當訊明原委仍令婚配葛氏而重懲鄰子焉其他善政多類是

李瀛號壺山以拔貢授戶部七品京官由主事遷郎中奉差寶源局監督



辦事精勤杜絕苞苴時管錢法堂事者爲白小山鎔謂人曰辦事認真如此人者正未易得道光十年出知衢州府江邑有王志彬案縣令失入爲平反之西邑有曹發祥案縣令濫刑爲劾去之時以察吏安民爲念十二年臺灣土匪滋事巡撫富公素稔其行奏請兼護道篆衢係瘠郡爲閩粵衝酬應浩繁嘗於風雪中往來數百里因受風溼乞病寓客邸年餘屬吏之供張邑人之趨謁俱如故則政治可思矣

蹇滋善字廉山嘉慶己未進士選授廣東和平縣清廉不苟民得其便有循吏聲性剛烈不畏強禦致忤當道被議去職和民慕之爲建生祠邑紳赴懇上官仍得奏請錄用補署開平縣三越月沒於官署

誠玉衡姪秀才晚酒傷目詩阿咸明睿我所服瞳子瞭然光煜煜卓犖

### 江津縣志

#### 卷七之一

鄉宦

三

觀書無遁形青戶看人善類族精明君真小阮才昏瞶我慚退之叔重

瞳遺跡已塵埃

東坡句

特具慧眼信所獨惟有酒癖不可醫一生沉溺趨

如鶩問君何日到醉鄉一年三百六旬六辨味並不分新陳候火那肯

計寒燠一杯落手百不知虎視眈眈欲逐逐豈知汗漫搖其精年甫三

紀髮半禿去年傷足跛能履前月又聞中厥目窮高空上一層樓不覲

如入于幽谷耳目之官應窒誤心君無乃太貪黷我聞目主腎與肝兼

備水火土金木酒官號令尋干戈谷神關隘相魚肉水火下上不旣濟

土木爲災遂迷復追原禍首作俑誰杜康不爾分謗讟自今莫謂眇能

視眼前便已豐其屋爾縱爾飲誰爾憐我惜爾明爲爾祝知章不愁馬

上花汝陽不見車中麴急救好覓方瞳翁小阮無效窮途哭庶幾撥雲



見青天我詩一日百遍讀

登黃鶴樓

時有題詩於壁者自謂即騎鶴人故詩中及之

黃鶴樓

中黃鶴飛騎鶴仙人歸未歸題詩漫說前身是試問仙人是耶非我來  
此地一登樓玉笛無聲風颼颼江漢滔滔日東下伊誰砥柱當中流虹  
山北來似蛇伏大別西望如龜浮此樓屹立獨千載佳勝徒供閑人遊  
對景當歌發慷慨有詩無酒添新愁君不見自昔青蓮曾擱筆而我強  
聒將何求詩成擲筆楚江頭我不願識韓荊州 遊大小甕塘寄謝李

太學書賢華蓋山源如瀕洞奔若駿馬雙飛鞚中途棄馬復登舟

漕形如船

兩山橈棹疊迎送中有老龍屈曲蟠天然闢開兩石甕其一左腋大甕  
名石骨齧水自磨礮平於鏡面半圓缺羣山遮護爲幘幪右腋一潭深  
且幽迴環映帶互引控微波激盪皴綺紋大氣盤旋蒸雲夢深藏若虛

# 江津縣志

## 卷七之一

鄉宦

主

受小名隱與大甕相伯仲終古源源流不竭脈絡自是交聯綢有時風  
發漢泉生雲濤萬頃疑兵鬩有時月映水底天白璧一雙誰獻貢我遊

華蓋訪清泉一見令我神飛動山色倒影吸湖光一重一掩無缺空仙

人庵前日正斜

庵在岸東

射入鮫宮浮高棟蕩搖止水萬象呈珠光定是馮

夷弄好放小艇入波心漫釣長竿施短纜頃刻松濤雜水聲彷彿風鸞

鳴鐵鳳此境邑乘未能傳

前志未載

落日荒煙增惋恫傳與不傳何增虧物

理無乃太膏膏李君爲塘作主人爲我進酒發清哢新醅釀出甕泉香  
一飲百觚嫌未痛酒酣試與發潛光地以人傳言切中作詩寄君酬宿

逋聊因騷情雜嘲諷并投潭水慰老龍隆冬莫遣冰霜凍

與王東山

共事志局月餘臨別賦贈仙人鑿池山之阿池上石爛跡不磨昔日王



喬飛鳧處樓邊香草紛婆娑年又千年萃靈異其人磊砢嗟以我好好古  
識古窮媯宓倘生媯宓之上當如何汲冢秘書不足道岫嶠軒轅相摩  
挲離奇鬱倔一發泄似與典謨誓誥呼吸而噓呵投之晚近不省識年  
將半百常慙軻邇來遊戲弄三昧稍降風格生餘波有時興酣與古會  
有時感慨增悲謔追韓逐杜走北海躡揚蹂馬馳東坡嗟予好古見恨  
晚短檠嘗對三更過咄咄聯吟苦聲倔尺喙施箝難調和安得至老與  
唱和長偕仙人交切磋

袁坦字平軒嘉慶丁丑進士歸班選江南海州贛榆縣初下車訪問疾苦  
觀風課士與諸生講論躬行實踐教民力農勤者勞之貧者助之循行所  
至亦攜卷牘其居地近者立喚訊結獄訟因以衰息治盜最嚴所捕獲者

## 江津縣志

### 卷七之一

鄉宦

三

出則拘繫隨行至市鎮笞械示眾見有衣冠不正及攜籠鬪雀者諄諄誠  
諭之士民咸服其化去任之日遮道攀轅三宿始出境贛人稟稱腹詠在  
民口碑盈路教深鱸序士樂奉爲良師耕勸鱗塍民皆戴爲慈父云禮部  
核奏祀名宦祠

江思濬字蘭陔號古槎生四歲而孤母氏顧苦節撫之成立嘉慶癸酉選  
拔廷試列優等以知縣用簽分浙省歷任孝豐松陽餘杭烏程海鹽嘉興  
等縣多惠政其署孝豐也前任性疏略案山積思濬至按日決獄不數月  
訟衰息民馮姓者爭產案八年不結思濬爲陳大義遂泣而止其署松陽  
也民樸案簡公餘則釣於溪有訟每臨溪決之觀者如堵弗禁也苦地瘠  
易旱則捐千金倡立義倉儲穀備荒民感之建生祠以報其任餘杭也浙



東西大旱復被水中丞某素嚴厲不欲以辦賑耗公帑府道希旨思濬獨請於郡守守曰此中丞意也況萬無一縣辦災理思濬曰各縣無災餘杭實有災且各縣豈真無災者爲民父母忍坐視死亡乎竟謁中丞力爭中丞亦廉知其實許之各州縣遂援案請賑全活者不下數十萬人歲多蝗相傳里中黑將軍廟蝗神也禱之蝗頓滅秋禾無害邑庠王某與鄰不睦陰囑俞姓稱逐賊約往山僻處斃之研訊時王屢翻供思濬具獄詞上之大府案遂定烏程鄰邑有冤獄經年不決思濬承審爲平反之會郡守挾嫌故駁斥中丞則命案自縣報不必由府轉詳以示優異海鹽吾氏者巨族也常聚賭破人產歷任不敢問思濬至陽置勿理一日呼役突至其家破壁擒之奸民斂迹嘉興縣令鄭某與洋商某俱閩人有郤適海鹽案發

## 江津縣志

### 卷七之一

鄉宦

三

鄭遂以私逋坐商商不服治是獄者多袒鄭而屈商思濬則力開脫之有寅僚詣托拒不允時道光丙申嘉興任內事也是年丁糧除批解外尙羨餘八千金悉分撥書院育嬰堂縣城公所曰此地方之脂膏吾還爲地方用之不私爲己有也其政績大要如此性長聽訟嘗謂折獄之道不外三平六審三平者平理平情平氣六審者分審合審詳審略審嚴審寬審也故去官之日民皆攀轅遮道泣歸里後與兄醒齋友愛彌篤分田畀之建宗祠以妥先靈置義田以贍宗族豫計蜀將亂則闢地洪洞坪作仰止山莊老焉年七十一長子載愔三子炳琳自有傳

江載愔號式琴舉人廣西麥嶺同知勤賊陣亡著有慎獨齋詩草梓行綦江進士伍輔祥爲之傳



傳云公諱載愔字星垣一字式琴蜀之江津人生而倜儻道光十七年  
丁酉舉京兆咸豐二年壬子謁選赴都道出襄樊時武昌失守土匪郭  
大安糾眾搶劫爲行旅害官軍不能制公往謁羅觀察問策安出觀察  
曰大兵已調武昌餉復不繼奈何公曰荆襄天下咽喉也萬一有失割  
據勢成大局壞矣且賊非豪傑士若遣人以禍福說之宜可降觀察曰  
誰可使者公毅然自任觀察酌而遣之次日匹馬造其營安出延公上  
座問何來公曰來弔汝耳汝構彌天禍死將及幸遇我生乃不知耶安  
艱然曰官軍伎倆已悉命健卒往來擊刺揚目而視曰不佞不才有死  
士千人官軍何懼哉公曰有死士千人而爲盜賊老乎夫若輩特以利  
聚耳朝廷近下寬大之詔從賊而自拔來歸者赦之彼皆有父母妻子

## 江津縣志

### 卷七之一

鄉宦

古

能舍而從若死乎吾恐有賣汝求免者利歸人而害歸己智者不爲也  
且未可以一勝狃也邑令不知兵驅市人而戰之故汝得偷生旦夕耳  
近聞調禁旅火器營若干健銳營若干救武昌便道剿滅土匪汝自揣  
能當乎安俯首尋思曰不能也然今日之勢已成騎虎矣公曰識時務  
者爲俊傑若自首歸誠率若輩爲官軍先剿除賊匪不惟免死且可立  
功高爵厚祿名震一時如本朝羅襄勤張國樑非皆由賊來者乎安喜  
嘆曰安得能用人如公而先驅以效死乎公往矣安誓死不敢負公言  
於是具悔狀呈道府並親率其黨送公行咸豐三年癸丑禮闈罷公以  
知縣分發廣西是年八月抵省大府詢以用兵之道洞中機宜深器重  
之隨委署荔浦縣事公請於方伯曰荔浦新經賊破軍器蕩然無存撫



瘡痍募壯勇需用孔急請領經費軍器爲禦敵計方伯有難色謂各州縣紛紛請領不以禦敵而以資敵不能再蹈故轍公曰載愔初入仕途手無斧柯則載愔反得藉口倘俯如所請不能盡力死守不惟無以對皇上亦無顏再見我公方伯笑而允之未啟行警報至張鄭兩太守被賊圍去勢甚張分爲三一據永寧州城一據鹿寨一據塞沙永寧匪首韓鳳有投誠意大府欲遣人直入賊巢察其意之誠否而難其人因命公往公至東泉韓鳳已率眾至柳城公單騎往諭以禍福察其意無他且係有用才遂收之爲己前驅封監獄倉庫檢卷宗收軍器裁老弱留精壯八九百人其尤者與以雙糧爲百十長爲選鋒督陣東泉六品黃清優於武事人所共推公交勇數百飭其管帶聞蕭亞紀匪黨喬老苗

## 江津縣志

### 卷七之一

鄉宦

五

率匪四五百人來上雷墟招鳳散勇公率韓鳳馳往勦捕殺喬匪先鋒一人鎗斃跌死者十餘人奪馬十二匹追至東泉蕭亞紀率眾二千人繞至山嘴墟勾結太平匪首顏大修蒞逃匪所過村墟逼令家出一人共六七千人公調撥驍勇二百潮勇一百至金村河船爲賊焚繞至壩頭高處率眾跣足渡甫過二百餘人蕭顏二匪率眾直撲未渡者不前已渡者欲退公慷慨誓師斬其不前者一人眾始渡分爲二隊公與鳳各率一隊爲犄角之勢蕭顏二匪亦分兩路相持二時許匪忽出三百餘人跳盪而前公選健勇數十人俟已近突前搏之後軍嚴陣以待殺賊二三十人擒先鋒四人匪氣奪公率眾追賊遁復止恐有伏且無退路乃還復跣渡將所擒四人斬之移營沙布蕭顏二匪來二百餘人欲



由沙布東泉遁公率勇自嶺大呼馳下適調撥之勇前來兩路夾攻殺賊十三人梟示頭目四人釋脅從三人移營至太平墟蕭顏喬三匪遁西村距太平三十餘里更後賊撲營公率勇出墟伏四路暗處賊不敢逼踰半時退次日三匪率一萬餘人來公飭令黃清帶勝勇居左韓鳳韓受率壯勇居右侯國藩梁醴泉率驍勇居中齊廷芳率潮勇居後賊匪施放連環鎗礮韓鳳等於礮子分飛之際各執藤牌匍伏涉河大呼殺入賊右隊敗黃清等攻其左賊左隊敗追至前山賊死拒礮如雨下曾鳳何勝又用藤牌滾入賊又敗追二十餘里大雨如注衣盡溼整旅而還是役也斃匪首顏大一人賊黨三百餘人擒四十餘人奪獲偽印二大礮三子母礮三擡鎗二驍勇潮勇不肯前進撤之移營至東泉村

# 江津縣志

## 卷七之一

鄉宦

美

民齊圍六七千人紛紛呈訴云守備萬明魁帶勇四百餘人來樟木北岸等村妄殺平民焚燒房屋搶劫馬匹財物是以會團相敵公作書貽明魁乃去初明魁爲撫軍信用之人帶勇擅作威福於外言明魁者輒獲咎以是人無敢言公至省大府慰勞殷勤稱爲濟世才倚爲左右手公隨稟明魁事撫軍云安知所殺非賊近來粵西情形時爲賊時爲民勿爲所蒙公曰是匪是賊他不可知而在牀被殺之病人與十二三歲被殺之牧童則非盜無疑聞前在修仁之石塘象州之黃茅二塘連燒四十餘村毆民爲盜以致大旗書官逼民反敗壞不可收拾且虛報勝仗賊去東泉已五十里樟木去東泉十里明魁報在樟木大獲勝仗殺賊多名奪馬六匹其中五匹卽載惜壯丁馬也又前在象州連敗四仗



報連勝四仗前後所報均不足憑撫軍曰據汝所陳似確有所見然我所探全不如是何也公曰探子知公素信明魁早存一迎合之心而去而明魁又奸詐百出市恩惠以買小人之心結黨羽以惑明公之聽展轉彌縫故所探全偽我公鑒空衡平委員查辦虛則參劾載愆以爲妄言之戒實則嚴辦明魁以雪覆盆之冤不然載愆亦惟有自行告病而已撫軍曰俟汝稟到卽派員前往查辦後廉訪聞之喜向公揖曰汝眞廣西官中之第一奇男子也公見大府謂柳郡羣盜如毛蕭喬張何孔各匪不下三萬人各處搶劫民不聊生非大加懲辦不可現在兵勇實不堪戰徒糜糧餉若令載愆挑選一千人持二月糧可以滅此羣醜大府壯其言許之得融縣失守信請經費募壯勇挑兵器束裝而行而張

# 江津縣志

## 卷七之一

鄉宦

七

何各匪已會合蕭喬二匪率三萬眾至太平墟公命韓受拒太平黃清拒中渡已與韓鳳前往平頭接戰賊夜遁追二十餘里不及而返斬臨陣私逃壯丁一人以徇賊竄至柳城於頭塘隘口據山臨江掘濠插籤拒守公命束草填濠而過韓鳳率眾撲入殺賊多名賊敗走復出數百人由廟連村來抄後軍黃清率眾截殺賊復敗追至河邊溺死無數擒殺十餘人追至二塘賊接戰復敗勦殺二十餘人追至三塘爲賊巢穴所劫貲財俱屯於此賊分三路拒戰韓鳳攻其中韓受攻其左黃清攻其右公見左軍單督師由左進三路進攻勢如山岳賊大敗蕭匪受傷墜馬爲匪眾救護免遁六塘喬匪棄馬撲小溪越山而遁幾獲之譚伯福李貴率二百人護餉賊伏數百人蔗林中行劫譚李率眾迎敵賊四



散是役也殺賊八九十人擒喬匪之兄九敕一人餘匪三十二人奪獲鎗礮藤牌旗幟無算時張英何滿何五四據對河墟攻柳州甚急蕭喬二匪亦與張何會合公聞信馳往賊分數股齊出公命韓受攻雲頭嶺黃清沿河而進賊敗走乘勝追至墟前賊蜂擁出殺壯勇三人敗回韓鳳攻漁村中路乘勝追入賊閉柵以大礮轟擊二人敗回賊大隊追勇紛紛退不能止公下馬親斬壯丁一名眾始定再督進再敗公念此時若收兵則背水爲陣無船可渡卽有船而輒亂旗靡全軍豈能生還且郡城必不保於是提刀爲士卒先眾勇懷公恩義者多爭先擁護賊刃公胸傷左無名指隨以右手持刀砍入傷賊首何洪勝旁刺其臀遂殪賊退據山坡公督眾進勦而韓受由雲頭嶺得勝反攻其首韓鳳擊其

# 江津縣志

## 卷七之一

鄉宦

三

後賊披靡餘匪據墟守韓受韓鳳等拋擲火罐火發煙起撲入柵內獲銅礮一大礮二焚其屋賊盡潰殺賊四百餘人擒百餘人追十餘里而還聞蕭匪逃匿三都鄭家只三人公乘夜往捕而匪黨余福才以礮拒天明始克渡蕭匪已聞風遁擒余福才戮之移營馬山墟地爲賊巢喬匪約同韋扶果之眾三千餘人來攻韓受韓鳳直前迎敵右爲大山黃清從左繞出抄其後殺五六人賊敗走退十餘里逃入山洞不見一人追至六塘獲喬匪之辦糧臺韋清者云韋扶果遣藍朝安帶人前來由三义遁去又長山村有武生韋良楷者爲蕭喬二匪總理喬匪現匿伊家公命韓受黃清帶勇追藍匪而自率韓鳳十餘人入山喬匪見疾遁去獲韋良楷譚伯福追至三义殺賊十餘人撲水死者無數賊潰撤勇



畱二百餘人備調遣大府委公署麥嶺同知雒容告急匪首劉四聚三千餘人書反清復漢旗屯鹿塞復分三路至羅錦墟張葆光迎戰未能得手時公住柳州勦另股匪聞信兼程至縣令周宗文亦至議一攻左一攻右公率劉天才身先士卒殺賊多名賊敗追至松林伏賊起時後勇並宗文之勇截斷公與天才僅數十人隨勇勸公小路退公怒叱執長矛殺賊數十力盡遇害天才亦斃賊數人遇害時咸豐四年甲寅二月二十六日事聞大府悼惜奏請卹典奉旨同知銜廣西試用知縣江載愔加贈知府銜給雲騎尉世職襲次完時給恩騎尉罔替贊曰公筮仕粵西纔七月耳當是時賊勢方張嘯聚者不可勝數大府以公精明強幹命帶勇勦捕公毅然以滅賊爲己任奮不顧身東逐西馳迄無暇

## 江津縣志

### 卷七之一

鄉宦

完

日而天未厭亂不獲盡公之才沒於王事惜哉然而撻伐之勳光於史冊忠勇之氣炳於日星迄今讀其事猶凜凜有生氣焉可不謂賢乎公與余弟丁酉同年長子世忠爲余家壻持公日記乞爲傳余不文次其崖略如右

慎獨齋詩縛虎行礮火連山飛霹靂驕嘶戰馬催歸急前途有客虎而冠坐使關河作荆棘我行日夜衝風雪計偕早逐雞聲發虎忽磨牙嘯遠山公車百輛無人色萬眾合圍呼逐虎虎一唬唬竄如鼠可憐虎帳屢徵兵不及當時有馮婦市虎流言聽轉驚紛紛擊轂避襄城我獨豪談呼匹馬誓將猛虎繫長纓襄陽觀察古豪傑許我輕車探虎穴吾戴吾頭冒險行夾路遙觀皆吐舌初履虎尾虎猶縱繼捋虎鬚虎不動談



笑酣隨虎窟眠凌晨虎轉相趨送從此危途一旦開征車輾轉飛紅埃  
虎亦垂頭聽驅策狼煙暫掃登春臺吁嗟乎我意虎中有豪友豈意虎  
竟倏如狗男兒破浪拔鯨牙口上談兵復何有從來臨事惟明膽雖千  
萬人吾往敢粵荆連報失堅城阿誰縛虎如縛犬 浩歌行豐城劍氣  
冲牛斗懸向腰間蛟龍吼是誰敢作負心人頭掛刀環肝下酒白光騰  
蹕雙丸弄變化離奇飛電送自從磨得刃如霜身際太平長不用荆粵  
連年羣盜起虎饜人膏狼吸髓壯士魂消烈焰中將軍膽落銀刀裏九  
重宵旰威靈振黃金新鑄元戎印向欣然軍門時  
為欽差大臣騰驤萬馬救中原會  
掃欃槍風葉迅平生恥作汗漫游一劍橫腰急國仇生慚光弼未奉詔  
死憐李廣不封侯斯民盡室多遭燬敢疎保障肆蛇虺縱教馬革裹尸  
其所真男子

# 江津縣志

## 卷七之一

鄉宦

三

江炳琳字介侯舉人貴州遵義縣知縣戰歿湖北進士王柏心爲之傳

傳云公諱炳琳字介侯四川江津人道光丙午舉於鄉咸豐三年癸丑  
會試挑取謄錄是科大挑一等以知縣用籤掣廣西回籍候咨四年佐  
邑中防禦兼運軍餉隨蜀軍復黔之温水遂從徵連戰有功黔撫蔣公  
爲奏畱五年檄權仁懷黔地界蜀粵之交山箐阻深險遠自恃吏治久  
不修民多愁苦怨歎者粵西賊氛大熾黔之莠民相從煽亂盜庫兵攻  
城戕官吏者所在蜂起壤瘠賦薄不能募兵則乞援於鄰所遣之軍未  
能殄寇或暴害閭里民以是益怨附賊者益多公賦性忠勇且嫻將略



始受事卽以殺賊衛民自任大吏才之旁州邑瀕於危則檄往權之前  
後凡兼權四邑劇寇無不殲雖百戰武夫自以爲莫及也仁懷自楊逆  
亂後餘黨焚掠蔓延不絕公至則有紅巖頭分水埡之捷或行招撫或  
用封閉六年助勦桐綬則有中岡分水嶺之捷其攻分水也嶺絕峻險  
賊於隘處掘重壕植木爲夾牆翼以礮公按視嶺後水田稍可攀躡分  
奇兵由田塍梯巖而上自引師當其前卒有退者斬以徇皆股栗賊迎  
戰而陣後亂則奇兵進擣其背遂大潰敗斬穆二童陳蠻蠻趙煥章唐  
和尚皆積年逆首也已又戰中岡奪據其巢凡三甲關隘悉攻下之安  
其柔良寬其脅從且撫且團散給門牌從逆者勿容有則縛以獻民大  
悅方移勦桐梓螺蛳而遵義團首王安國之變作安國前以立團助勦

# 江津縣志

## 卷七之一

鄉宦

三

楊逆有勞父子敘績得武弁職後漸不法納逋逃劫商旅強鄰團附己  
班以團旗聯絡至千餘里欲及仁懷公不可安國遣其黨入仁懷以游  
團爲名聚眾立幟脅村堡入團不則燔殺公聞諸當事頗曲加容忍久  
之漸肆阻眾納糧洶洶且爲亂當事檄公權遵義令密圖之公以兵往  
馳書諭縛獻其黨安國不從進攻其巢盡殲其黨俘安國至郡斬於市  
當事偉公膽識上攻狀以同知直隸州陞用會丁外憂士民上書大府  
涕泣請畱從之奪情起視事賊圍襄安中丞檄公往援圍解賊走追至  
上塘圍之時援兵大集檄公督辦進攻大小冷水仰天窩諸賊巢入其  
壘斬獲甚多士疲甚公又中石乃還營賊乘夜劫營敗走霧雨兼旬軍  
士寒甚又缺精公加意拊循然竟以乏饟多潛散功不能就八年賊犯



綏陽趙里告警一爲宿賊楊應棗周三八一爲思南逸賊大小白滿而桐梓余張等賊又潛相羽翼太守檄公馳勦方伯令兼權綏陽時護協戎祥君戰歿於旺草場賊鋒甚銳公急募練勇調團卒部署畢鼓行轉戰進屯中山偪羊巖賊巢賊遁入飛梯洞公察其上有打猴坪寬闊水二隘外援之賊來必經此分兵據之以毒煙熏山後氣孔賊障以溼絮煙不能入又斷其汲道賊稍窘乃出鬪鬪輒敗俄而外援至奪打猴坪寬闊水與洞內之賊懸絕相合且分踞龍身坳又結營羊巖對河我軍左右三面受敵賊探知我軍有餉乏譁潰事鼓銳來攻公先已置伏賊陷伏中大敗竄走川煮麻亡兩洞公移軍進擣麻亡仰視山半飛巖突出數十丈如懸雷覆洞口下臨深溪右惟鳥道一線蜿蜒上洞門疊石

江津縣志

卷七之一

鄉宦

三

砌堞列礮環峙迤左小洞亦然度不可驟進乃築長圍分兵擊旁近各洞以孤其勢先破仙人洞俘首逆楊秀友誅之擊敗川煮洞馬腹坪援賊於石門坎而石板塘賊何元驥聞麻亡糧將罄糾羣賊往援公會桐梓兵敗之於鄧子巖又攻破馬腹坪賊巢擒斬渠魁周視其巢歎爲天險窄徑凡二十四折折處皆有礮臺厚貯木石上則內牆緣牆內外有壕防守之具尤密其後絕壁萬仞公始用千斤大礮後用分番迭戰僅乃克之乘勢並克陽跳洞計綏境山洞險隘無過麻亡馬腹云復進攻川煮洞洞爲楊應棗嘯踞有年何元驥之弟元驥亦竄此公度洞非可遽拔相其左有小嶺可建礮臺資轟擊命於道狹處作棧道運大礮置其上造擋牌以鐵絙下懸洞口障其火器工乃得施旣畢撤擋礮發石



牆崩落賊懼乞降僞撫之其黨皆投戈泣拜楊何二逆猶死拒土涌入生繫二賊斬之於郡仍旋麻亡軍次先是公召工於洞後石坑及洞頂氣孔用開地道法鑿之將及兩月至是始穿透攻之初入賊聞轟聲驚起力拒殲吾前行眾稍卻賊旋取木石填窒閱日再攻以地雷轟裂之賊居盡圯士乘而入賊植木數層自蔽士戰苦是夜卽營地道中逆首趙帽頂出竄不能脫翌日以火藥焚所植木攔排而入洞前兵練亦相繼騰躍進遂斬趙逆餘黨以次就擒移攻小洞亦克綏邑以清公將受代士民復上書大府乞命公移勦螺蛸則又檄公往時正安桐梓軍皆營附近之石筍公亦連營相次遣兵攻粽子溪破之擒首逆周蹇六又攻破喇叭刺豬等洞連克其四十三洞時逆渠余麻鄉約者不敢穴居

# 江津縣志

## 卷七之一

鄉宦

三

移營馬嘴公卽督軍奪其三隘次日復攻逼其壘賊排牆下壓礮石如雨士卒多死傷不能前公亦中礮負傷而返追賊方信公忍痛激厲將士力戰卻之逾日賊攻營分奇兵夾擊賊大敗走追至紅溪河殲戮殆盡賊遁入螺蛸大府上公績九年有旨賞加固勇巴圖魯勇號旋兼權桐梓率師會勦遂次訪誅內奸整理團防進營鼻孔山下與賊隔一溪是山高十餘里垂石脊一道俯臨深溪形如象鼻左石皆懸巖石脊皆賊築牆疊建礮臺攻之不便左癩子溝右中山寨皆有賊分踞勢若猿臂公計必先克左右二巢遂連破之擒誅首惡乃圖鼻孔賊環山築石爲城內列子營建立石礮森列鎗礮山右龍子岡下連三洞曰同心洞皆有石牆亦皆列礮以衛汲道賊名之爲鐵桶山信然公視溝左散地



不足攻溝右龍子岡高與鼻孔等但可用礮不利格鬪惟山後峰巒叢雜近子營處有小堡跨據連岡可以進攻於是分師列屯其上賊來犯不爲動重圍旣立晝夜苦攻以千五百斤大礮轟擊賊懼潛於營中穴地通溝鎗礮環擊士不得近盡其攻擊之術賊皆隨機以應方議造木城木礮攻其上地道地雷轟於下公慮多傷士卒乃以計給之遣辯士入爲閒誘其入營就撫卽罷兵矣賊信之詣營則次第反縛麾軍疾上偽黨盡獲遂犁其穴所俘賊百五十人若白大滿等尤號元惡蓋桐邑山洞不下數十百所廣袤二百餘里總稱爲螺蛳皆賊老巢最險且堅鼻孔山爲首鼻孔旣下同時石筍諸山洞之賊亦爲正綏各軍招降螺蛳賊至是始平一切漏網餘逆莫不伏法論功以知府補用未幾龍泉

## 江津縣志

### 卷七之一

鄉宦

雷

賊陷涪潭襄安賊犯遵義南鄉復檄公往禦公不俟練集親率壯士數十人馳徇南鄉聚圍議守賊遙望公旗憚之皆散走調練稍稍有至者不滿三千賊乃逾二萬公偵賊聚兩路口不及傳餐躍馬先驅士從之鏖戰良久斬獲頗多日晡下令結營壕塹未周夜半賊蜂至圍之數重公督眾分禦賊至愈多士潰勢不敵公率殘兵揮戈突圍出未及里許伏賊又起公受創數十死之是年十一月十四夜事也大府以公死事狀聞於朝追贈道銜詔遵義及原籍地方並建專祠公仕於黔所治皆軍事無日不戰無戰不捷尤難者羣盜如麻城邑邱墟糧糗樵蘇恒憂不繼所將兵眾大率單寡又師行之處皆懸巖深窞鳥道崎嶇梯空架險蟻緣猱升蹈萬死不一生之地賊則黨援密邇設守嚴固憑恃窟穴



以逸待勞而公沈謀密運臨危決勝剗剔蛇虺屠磔豺豕如獵師之逐  
獸漁人之捕魚無得逃其弋畢網罟者何神速不測乃爾晚節數奇倉  
卒出師徵調未集遽爲蟻賊所乘身膏原野惜哉嗟乎公不亡黔疆妖  
孛盪滌無餘也久矣宜邊徼父老語及公事至今猶拊膺浩歎也公爲  
余同年聶陶齋太守妹壻陶齋以公事狀見示因詮次之爲傳贊曰陶  
士行用勳伐顯所殄石冰陳敏杜曾杜弼王貢王機諸劇賊自江漢至  
交廣轉戰數千里莫不盪定功冠南服遂督八州爵上公年垂八十以  
功名終何其盛也公之血戰芟夷凶醜兼資文武亦略近陶公矣何寵  
榮年壽不相逮之遠也豈所謂有命焉不可強耶然公之末路銜鬚厲  
節凜然忠壯其光芒貫尾箕而英氣沮金石也惟令名爲無窮區區榮  
壽公豈以是爲加損乎哉

# 江津縣志

## 卷七之一

鄉宦

三

潘泰行道光壬午副榜考充武英殿校錄書成議敘選授井研教諭旋中  
戊子乙榜俸滿保奏知縣簽發直隸歷署豐完兩邑有政聲上憲器之將  
實授尋病沒著有詠歷代名臣詩註八卷退一步齋試帖遊峩詩記蒲亭  
誌別詩鈔各一卷梓行

楊維翰號墨齋爲人豪宕年十六援例按經歷居鄉好善樂施置義渡義  
冢義學及桂林書院道光乙巳以同知分發雲南直隸鹽課司提舉赴部  
引見得旨試用丙午春至滇制府伊白山偉重之命賑白鹽井水災措辦  
無畱事杜侵冒民困以甦秋調武閣同考官旋署鄧川州事戊申奉委運  
銅辛亥調署大關同知所至有政聲著詠史詩草



李綸號桂巖嘉慶戊午舉人選廣元教諭爲人溫厚學問淵洽友教四方獲雋甚眾在任以實學課諸生受業者庠舍不能容終日講論條範秩然廣邑文風丕變孫廷楷以孝廉任冕寧教諭人謂其遺澤孔長云

熊紹伊字莘臣由舉人大挑選射洪縣訓導喜誘掖後進偕胡孝廉炳奎究心濂洛能得先儒要領滇匪犯蜀趨邑令講防守之策既度勢不支期以死自效辛酉春賊攻太和鎮距射四十里礮聲晝夜不息鎮陷射人洶洶無固志公猶登陴勉以大義未幾賊逼城南民已啟東西門奔潰公頓足曰事至此乎急趨泮池慮水淺不即絕手鳩酒將服諸子環跪泣阻叱之退不得則奮臂擊之遽仰藥投池死時二月二十一日也長子亦罵賊不屈死越三日賊得紹伊屍面如生爲之具衣冠瘞於鄉賢祠外題曰忠

江津縣志

卷七之一

鄉宦

美

義熊公相率羅拜而去

邑人李洪昕輓詩一判雞窗袂談心曠幾時鵬程君獨捷驥尾我何爲

視膳悲養母同館時曾見買魚奉母窮途泣宦嫠莘臣自京回曾以金助宦喪之婦斯人全大節

香繞水盈池楊濤係莘臣門生領袖羣英地楊濤係莘臣門生戈矛破卯辰淚空垂老友魂應

滯孤臣生死妻孥恨宮牆骨肉新回頭冰署在愁殺宰官身

李嗣元號春甫由庶吉士散館分刑部主事咸豐六年遵籌餉例以同知分發雲南七年捐升知府八年奉扎解散練回賊突圍攻眾寡不敵遂遇害卹贈太僕寺卿并給雲騎尉世職恩騎尉著有日慎齋詩草行世

張三元縣西游溪人咸豐中洪楊竄擾湖北江西等處三元以外委從征所在出力克復多城閣督部會撫部院胡及彭累次會摺保奏洊陞副將



借補黔彭都司

陳麟圖字星槎光緒己卯舉人由國史館謄錄官議敘知縣改教職挑選八旗教習光緒十年法越構兵邊防緊急麟圖兩次條陳時事前八條曰詳審機宜以禦外侮大開洋學以裨時事變通兵制以應急需籌辦商務以固利權整理邊境以奠邦基添脩要隘以防陸路力主人和以成勁旅嚴核保薦以取真才後八條曰餉欲其速籌則事宜求其易辦事欲其耐久則計宜策其萬全兵欲其早息則措置不僅在疆場越民可使內潰則法人可盡驅除海兵不容盡撤則船廠宜用武職治欲其兼顧則設官尤貴因時事有妨海運則興利即可備患財源宜廣開則土地不可或曠約萬餘言由都察院代奏均被採擇因是輯成歷代籌邊略一書十六年上

江津縣志

卷七之一

鄉宦

七

之仍請代奏文曰伏思邊防變局無窮數條未足資籌策歷代陳迹具在千秋庶可備楷模爰取三代至明華夷交涉之事擇其可法可鑒者輯爲歷代籌邊略一書於文義奧衍處隨各節以詳注之於籌畫罅漏處據所見以補苴之又於每段將要領撰爲目錄以便遇事披尋並於每事將要害論以總批以便提綱醒露因而僨事者爲之指陳所誤有濟者爲之伸論其原事有兩難爲之求其至當時有數說爲之擇其所從功見於前而禍乘於後爲統前後以斷之績奏於此而端肇於彼爲合彼此以明之有命意同而收效異者爲指其何以忽微而偶失有持論略而收效周者爲指其何以好謀而克成有今時可酌用者更就其時勢以擴充有今時不能行者亦倣其智計以變化有弊所從出之處爲之析其微芒有利所從



興之處爲之求其本末然內綏始能外攘故兼權政事以固邦基治法貴有治人故精別賢奸以爲首務而用人行政在講學更推其明理之功亦運籌決勝在知言並集其納諫之識合此全局萃爲一編共成八十四卷訂爲八十本裝作十函書上得旨畱覽後以是書係依正史編年體未分事類復添目錄類編三卷是年選廣安州學正念寒峻多則勸辦學田三年始成並著切時要務說刊行之督憲批云仰卽廣爲刊佈以化書生拘墟之見俾開風氣等語隨印送萬本凡六年卸任計麟圖一生精力盡於籌邊略一書民國六年其鐫板爲兵燹所燬略無存者惜哉

陳鏡蓉字咨堯任廣西興業縣知縣政清平退食之餘好講學建立石南書院刻石南課士集存院中繼調壬戌科內簾官歷任陽朔荔浦博白等

## 江津縣志

### 卷七之一

鄉宦

三

縣清廉執法歸里後設帳授徒泊如也年六十卒於家

李平先字聲菴同治甲子舉人辛未進士籤分兵部主政改授廣東陽山縣知縣升授萬州知州任陽山時縣界毘連徭山山數百里皆徭人不服

治化屢擾縣境平先以柔道行之卒爲所格在任十載人民呼李青天

程德音字農初舉人以勞績知縣簽分甘肅歷任安定隆德靈臺等縣知

縣靜寧州知州直聲惠政口碑載道歸里後辦學務尤具熱心士林稱之

民國九年任志局總纂未歲事而卒臨終猶以爲憾云邑人張彝仲爲之

傳

傳云民國十稔秋九月程農初先生卒於志局邑人爲之開會追悼弔者肅肅觀者逐逐識與不識異聲同息柩還之日引紼送者傾其城越



日抵里迎柩於江皋者以萬計感嘆及於婦孺何動人之深也先生諱  
德音字農初考倬雲公績學食餼以才氣聞於鄉清咸豐中妖人劉萬  
燕頭山之役公冒險全活者數千家有隱德焉育丈夫子三人先生其  
長也生國紀元前七十年辛丑性敦敏勤恪母氏傳嫻於教育言動  
食息無所苟先生一生細行必飭養正於蒙得母教云先生資性既穎  
異且勤學倬雲公恐其溺於章句思大其器而晚成之年十四令廢讀  
而耕塗足沾手共傭牧作息者六年間及拳技以自鍛鍊手足便捷有  
膂力身雖中材而聲音宏亮目炯炯有光識者知其爲有用才也年二  
十始復就學越二年而游泮旋領鄉薦畱京供差以勞績得知縣簽發  
甘肅歷署安定隆德等縣光緒二十五年告終養回籍其次年丁外艱

## 江津縣志

### 卷七之一

鄉宦

三

在籍守制長聚奎書院以身示教邑人尊之曰農先生服滿赴京引見  
仍坐補隆德到甘委署靜寧州旋改署靈臺縣當是時清政失御先生  
雖年近七十而宏毅有遠識知非教育不足以救國且亦憬然於光復  
大義遂決計去官回縣任中學校長不三年而鐵路事起先生則命學  
生等布散印刷物分頭講演時郵電均斷密製木牌數千投江中以川  
情告之長江下游諸省冀響應辛亥反正吾津舉義不後於他邑者先  
生之力居多焉彝仲識先生卽於中校課餘之暇嘗從容叩其生平先  
生之初委安定也安定城惡甚回目復有蠢動風息恐倉卒無以爲備  
詳請補修上憲疑爲好興作不允然念城惡召寇責在有司自信無他  
遂直撥糧款興工修葺一面重爲詳請城工甫畢而匪果大至相持數



十日城固守嚴幸無恙董帥兵至匪乃解圍去董帥者名福祥本回目就撫於左季帥有功官至提督爲西太后所寵信特派爲欽差大臣許專摺奏事部下兵勇倚勢張甚平民輒遭魚肉鳴冤控案者日有所聞一再據情詳請嚴約士兵均不見應一日拘其肇事營勇杖收之分詳各憲董帥大怒副將吳某力主糾參藩司曾和向董帥緩頰一面移書責公曰試問十八行省中有州縣責營勇者乎先生覆書曰遠事不及具舉近之如黃淳熙責曾文正水勇今時不可謂無也卽令今古俱無有之自卑職始苟當其罪當無不可卒記過三次事始寢清例記過官當罰俸繳銀後回省稟見藩署曰董帥事卑職有功無過記過三次應繳銀百八十兩卑職在任未取百姓錢無銀可繳藩司曾公笑曰誰要

# 江津縣志

## 卷七之一

鄉宦

卑

你錢不過與董帥顧面子耳嗟乎今之武人如董帥者何限牧令求謹守繩墨不倚防軍以侵剝平民者已罕安得宰守千百如公者以保障吾民哉先生在甘日久剛直聞於上下所在之處革弊除害勸農興學字下盡矜慎之心而非故市其惠事上無逢迎之習而不缺於禮遇回漢交涉尤能持平故回民感公尤深靜寧人祠而生祀之數年前有甘省回民馬某者於白沙鎮邂逅先生於市猶跪而請安問曰程青天胡在此嗚呼此豈因緣得官倚兵媚上徒飽囊橐不恤民隱者所能得哉先生服官二十年通計宦囊不足六千金且皆縮節得之又以其半散之親族其他且勿論在外三十餘年未嘗以眷口隨倬雲公在時嘗爲之置妾先生聞之婉稟諫阻送妾者已就道而止此雖私德然亦人所



難也自中校解職後先生於沙鎮勸立一高等小學事繁款絀不稍懈若自忘其爲八十許老人者買墓地於校側曰死瘞我於此猶得朝夕聽讀書聲也志局甫成立不五月先生病旋因兵事局務亦停先生富於責任心復於今年扶病來局不及一月病日劇初勸其歸堅不可其後病將不起乃亟亟謀歸留之不能買舟將發門人樊汝河力尼之先生猶曰萬無不歸之理語未幾而目矐矐上視遂卒於局所時民國十年陰九月六日也年八十其德配王孺人先先生十二年卒有子一有孫四嗣君名積勤者誠樸敦厚能守業諸孫能讀知先生之澤長也彝仲自辛亥八月在中校別先生後忽忽十載今復晤於志局先生雖老且病而神采英爽言論眞摯叮嚀周至之意無殊往時病中與人筆札

江津縣志

卷七之一

鄉宦

聖

皆作蠅頭楷書無一筆率意草者其平日之莊敬自強可知也未卒之十日前向余索書破岑寂余以蔡子民言行錄與之次日謂余曰蔡先生中國教育界之天使也奈何以新潮罵之八十歲行將就木之老人而知解如此豈可多得耶病已漸篤舌木強語聲不能明了猶向來客誦自治哄人追悼哄鬼之語而致慨於時局嗚呼可以傳也贊曰聞之邑人云先生之與諸弟析產也亦人所難能諸弟中有所謂八弟遵海者非親弟也以其幼爲父母所愛養推先人之志以所應得者與之己則僅取一磬一盃曰此亦先人遺物意若甚得而世多爭產者何也

又劉澤嘉寄懷農初師詩不坐春風十二年文章衣鉢幾人傳一朝鴻

雁來天外滿紙雲煙落眼前

時接來書

寧夏官聲今召杜伊川丰骨古神仙



挑燈讀罷叮嚀語茶半香初月上弦

按書生得尺寸之柄本其抱負加之於民行道濟時豈不快哉吾津自  
明清來山鷹民社聲施爛如者實已美不勝搜儻亦前事者後事之師  
乎雖然世異變成功大烏乎同昔之民愚今之民智昔之世閉塞今之  
世開通昔之國君主今之國共和烏乎同且循新學者之言則官公僕  
也民主人也以僕道事主夫焉敢侮後之君子其知本哉其知本哉

江津縣志

卷七之一

鄉宦

聖



江津縣志卷七之二

人物志上

行誼

元

張孝子逸其名元末兵亂孝子負其母餬口四方十有二年明兵平蜀後孝子始負其母南歸行至筍溪時水偶漲母曰吾以老憊累吾子至此今隔一衣帶水天將不使吾見家鄉乎仰天長嘆自躍入江孝子倉皇從之於水覺足下隱隱有石載之得渡孝子與母俱無恙及顧江中乃一石牛也今指渡處爲臥牛灘祀孝弟祠

趙天澤元至正間至江東常同劉基游武林泛西湖見異雲起眾目爲慶

江津縣志

卷七之二

行誼

雲將分韻賦詩基獨滿飲不顧曰此天子氣也應在十年後有王者起我當輔之時杭城猶全盛諸人駭以爲狂無知基者惟天澤奇之以爲諸葛孔明之流乃爲文以贈基天澤歸基亦以詩贈之

明

曹璋性高潔與學士江淵爲布衣交淵欲官之辭不受後以經明行修舉薦徵辟邑人咸稱曹徵君

龔懋熙字孟章號筍湄崇禎庚辰進士生而穎異二歲識太山石敢當數字七歲能文十八鄉舉聯捷南宮任太常博士甲申三月賊陷北京以二親故間道歸備極艱難旣旋里侍親避遵黔山中順治戊戌清師平蜀始奉親歸里總制大司馬李國英疏於朝以原品徵用固辭不就怡情山水



畱心著述學宗朱程博通典故撫軍以下咸諮禮焉居平慷慨太息謂甲申之變惓惓雙親不獲殉難每一念及耿耿於懷其志良可憫矣所著有四書講語梧竹居草詩文集督學會稱其與同邑曹恢文章畱先輩典型行誼樹後生模範雖韜孤芳於一邑實存碩果於三巴云仲弟懋烈崇禎壬午舉人性孝友生平無疾言遽色人擬之黃叔度季弟懋勳避地永寧死節詳先烈

敘略付兩孫云予家世業儒素履清貧然幼志讀古人書不在溫飽爲諸生時竊擬得一第便辭官歸耕肆力搜討既叨籍例授民社一時師友愛我者謂京官散秩差遂讀書之願遂援甲戌進士楊玄錫例奏上得改北京太常寺博士此曠恩也甫二載甲申三月日痛遭國難一時

## 江津縣志

### 卷七之二

行誼

二

殉節者尙書倪元璐等三十人從賊受官者若干人索財桎梏死者若干人予痛懷親老愧不能死因同邑在京者行人表兄程君玉成孝廉李君世揚謀間道歸汝祖母陶氏時隨任亦微服與俱囊中有銀七兩銀帶一束銀杯十數隻而已三月日出彰義門議所向會賊發大隊掠山東南路爲阻有客結伴適三元遂買驢隨之涉晉入秦皆被賊蹂躪一路化離驚怖之狀無適不爾雖冀都遺跡鎬京盛概過而不暇問也悵哉四月日抵寶雞人煙俱斷連雲古棧久無問道者予偕同侶望鳳翔村煙走覓食得燕麥回寶雞敗屋磨餅各貫索肩上度棧飢則啖餅渴則飲水抵夜倚坐樹下繫驢坐側樹有隙光輒起行及抵鳳縣傳有賊韓姓據漢中遂從兩當走徽州擬取道階文入川旣抵徽子資斧分



毫已盡恃同邑兩君乃兩君所挾亦不出兩許汝祖母男裝偕行勢不能遠赴階文乃與兩君詣關廟決之籤謂水路吉廟近城里許有客過忽識予曰此四川某予不顧客前曰此江津某予應之曰我雖川人爲客被劫來此勿以貌似錯認客曰我曾受恩豈錯耶歷述在渝往事渠姓淡字鳳亭以私鹽坐渝獄予爲言於太守王公行儉得脫歸者也邀至其家殷勤過當與商覓舟南下之計徽俯白水江源方涸甚淡於舊年賃閩中船至徽不得還者一載矣淡爲予等曲償驢價與舟子賃舟俟水剛五日大雨江泛淡闔室持酒食江干大慟而別北人用情之摯如此予等乘漲過略陽城上人大譟傳呼急追不能及過陽平仍奮楫以往江干巡卒矢鏃雨集乃語之曰我等四川舉人下第道被劫有國

## 江津縣志

### 卷七之二

行誼

三

子監水引可驗巡卒上船見襪襪數人遂無難色素水引起臨羌州守驗放州守慟曰我亦楚中庚午孝廉也李姓持帖促解纜比倉卒亦不知臨羌爲誰守矣尋入保寧更舟所賃卽江津船也先是從予役者癸未冬俱以疫死京師艱中依我獨男孩一女孩一訊篙工鄉信得所自跪而言乃吾弟仲武僕也又以得家音無恙爲喜六月十八日抵合州尙擬下渝遽報獻賊圍渝二十二日城已告陷川撫龍公文光駐師順慶予過晤之猶曰破夔者小寇黑雲祥渝何足慮也嗚呼節鉞軍中偵報一至此哉汝祖母壁山人也急挽舟至合小江李市村與壁近遣僕篙工往使來接應乃達銅梁之箕山壁中諸姻友咸避此予阻道不得渡江歸因止焉凡四十日土人附賊者以予等名報賊賊發兵眾掠箕



山偃旗卒至諸姻友不及逃行李塞道予與祖母得匿草走箚中絕粒者四日同邑兩君一時驚散賊去始合予歸覲父母於祖居高樓臺父母訝予之奚歸也形貌頓改不復認識備述所以痛哭幾絕自愧一死未能以致有生皆累雖身經百瘁通天之罪亦奚贖哉時天下無主官兵所過尤烈於賊里巷恣睢雄傑之徒借起義爲名驅民爲兵眾至千萬文士反往依焉督撫崇銜侯伯重爵攫而取之在廷唯唯而已其究也民盡爲兵廢耕絕食旋亦自相食以盡全川自此煙火斷絕凡十五年予時奉父母避遵黔空囊遠涉行止無地仲弟懋烈適粵季弟懋勳隨玉成兄適滇相繼淪亡予長子亦以飢殤國破家亡羈途相對潛然竟日遑計有生乎雖國統再續綸音疊加悵予熒熒一身侍養無助瞻

## 江津縣志

### 卷七之二

行誼

四

望閩海則麻鞋莫前晚詣滇雲亦鴛行如寄徒歎大運之莫挽自悼我生之不辰爾順治十五年王師定蜀予得侍二人歸里奉旨敘用接丁大艱尋以報疾允辭歸耕優游堯天衣食贍足迴憶疇昔艱辛吾父母暮年缺甘旨之奉而予顧得以飽煖逍遙餘生理亂不侔甘苦相絕每一念至何以爲心哉吾今行年七十有七風鶴是虞姑述大略俾爾後人知我生閱歷之艱險如此竊謂讀書素懷林泉可賞而桑梓大劫經籍罔存或有行笥惟營負米晚年隨所購得點次娛老著有詩文若干卷四書輯解若干卷歷圖撮要若干卷八大家抄選若干卷古文五刪選若干卷古唐明詩歸選若干卷歷朝八股制藝選不在是匪云著述聊識手澤汝等其善藏之吾家世業惟讀書力田云



清邑令曾受一論曰人臣不幸當宗社覆亡之際見危授命死節其正也然孟子有言可以死可以無死死傷勇則其中貴有權衡焉齊靈被弑晏子曰君爲社稷死則死之爲社稷亡則亡之若爲己死而爲己亡非其私暱誰敢任之此不易之理也明懷宗可謂爲社稷死矣當時尙書倪元璐等三十人死之正也其他污賊官職與被拷掠取財死者均不必言其不被索財不污賊官者廷臣多人其可謂之忠乎抑概謂之不忠乎此未易爲俗人論也或曰子將何以論之予曰一視其責任一視其志趨以是二者論之而已職任者官爵之崇卑事權之屬不屬是也禮君之喪大夫居廬士居堊室又大夫公子食粥朝一溢米莫一溢米士疏食水飲疏家謂士卑恩輕故殺於大夫蓋哀戚由心不容勉強

江津縣志

卷七之二

行誼

五

故居處飲食亦各不同聖人所以因人情而制禮也準此以推則官至大夫當以死報而士可無責也至於受軍旅之委任膺一城之寄託則士亦當死所謂視其職任也當闖賊蹂躪都城洶洶不死不降非逃不可然有心存君國爲父母而遁歸者有意忘宗社祇以全軀保妻子而奔竄者所謂視其志趨也合而論之職任當死而不死與不死而志在苟免以不忠罪之雖百喙其何辭儻職任處不必死而不死與不死而志係乎君親苟以不忠律之豈得爲平恕之道哉邑人龔懋熙崇禎庚辰進士後官太常博士甫二載值甲申之變懷宗殉社稷懋熙以盜賊充斥杳無家信莫悉父母所在走間道歸奉二人避養遵黔間至國朝順治戊戌侍親歸里制軍李公國英屢招不出居常痛自切責謂一死



未能有生皆累通天之罪夫何能贖而世俗亦微有不滿之者予謂龔  
官博士士秩散曹又未嘗參帷幄任偏裨屬以軍事其職任固可以無  
死而其遁歸也志爲父母初非苟免然猶以不死自責耿耿中心常有  
餘恨迨至國初起用堅辭不就抗不事之高節作興朝之逸民以自附  
於謝枋得卻聘之義觀其心跡夫固不害爲忠孝兩全者也世俗烏得  
而議之哉至其他文學行誼彰彰在人耳目固無俟予之揄揚獨生死  
重事關係君父大倫予故取而論之或曰如子之說將位卑而死者皆  
未合於義耶曰子不云乎見危授命死節其正也食焉不避其難守正  
之道豈可嘗之但孔子以夷齊恥食周粟爲得仁未嘗以八百諸侯爲  
非義由也其死聖人未嘗褒之柴也其來聖人未嘗貶之道有經權非

江津縣志

卷七之二

行誼

六

可概論然未能達節要不若死節之爲守正耳

曹立卿郡庠生賦性端方潛心經史以躬行實踐爲學持功過格二十餘  
年言動不苟爲鄉黨所矜式明末闖逆陷京師立卿聞之北向泣血悲憤  
成疾洎獻賊據川懸僞職逼勒士紳籠絡甚眾立卿誓死不污僞命易簪  
時戒子恢曰吾家世受國恩爾弱冠登賢書茲大節攸關之曰失身取義  
只爭些子吾一生自反無愧今日可謂得全所生爾其勉之爲聞曰我此  
時只存一貪生念便如烈火燒身想到守身全歸真入清涼境界囑畢而

逝祀忠義祠

曹恢字鼎麓崇禎壬午舉人官行人資敏博極羣書獲雋後尤究心於誠  
正之學時明亂鼎沸閣部程源經理黔蜀恢多所贊畫源嘗言同襄厥事



克殫忠勤者曹恢也旋里後不求聞達以積行力學教家子弟子衍琦孫龍文俱登賢書年八十三與同里龔懋熙并稱逸獻學者宗之祀鄉賢祠送弟懌赴真安任詩自驚垂老惜連枝況是干戈話別時匹馬徑征湘水去做裘不畏雪風吹異鄉瘴癘猿聲急故里蕭條雁影遲苜蓿齋頭何所事遺經好取課諸兒

余江字海如蘭曾之亂守津有功詳前事志邑人康斌爲之傳

傳云余江字海如江津鼎山人也幼有膽智弱冠補博士弟子年及壯以秋闈屢蹶遂廢舉業博羣書天啟元年秋蘭宣慰司奢崇明叛陷渝城全蜀大震津聞變邑令周禮嘉議守城學博黃暄曰諸生余江奇士也請召商之飭紀往不至令怒將罪之學博以聞江曰吾一書生焉知

## 江津縣志

### 卷七之二

行道

七

兵卽知亦不能取眾信非邑侯宏獎諸公復相推重雖出言不信令不行也令遂親往以旌聘入署中一時見者皆驚江至大會邑紳出堅壁清野二十策復薦其友康斌吳偉何奇書不日城守皆備賊至江出奇計誘賊抵城下復襲其營盡殲之遂築土城石子山與城犄角賊怒大舉來攻旌旗蔽山衝梯肉薄登城卒爲江敗去當是時賊圍成都急瀘敘及川東邑城多陷告警無地外援亦絕次年二月賊奢寅潰師東下復率數萬眾來攻旱船鈎梯木驢百巧皆備我師出奇決策大小數十戰殺賊無算而我土城陷旋復津當賊衝九閱月圍攻者四卒以保全江之力也是年五月大兵克渝津難始解邑令謁督師於渝督師朱燮元聞其事欲聘置幕府江以疾辭不就令叩其故慨然曰吾竊料天下



不可爲奢安特發難耳仕宦非其時也遂隱山中疊石蒔花十年不履  
城市崇禎末獻賊圍津邑令方應時堅守八十三日城始陷論者謂令  
守江遺法故陷爲獨後云康成齋曰余與海如同里閭共學十餘年時  
諸友景慕東林而海如獨與余喜談兵輒爲鄉黨笑及藺曾難作同人  
束手海如獨指麾部署出奇無窮爲邑人捍患禦災卒高隱不與人事  
其殆今之虞允文魯仲連歟海如崇禎末與余偕隱播州蒿目時艱日  
以詩酒自遣閣部程源親訪山中勸駕不出源痛哭去海如以是悲感  
永曆丁酉八月卒於黔中嗚呼才人生逢陽九賚志以終若海如者當  
世豈少人哉

康斌吳偉何奇書斌字成齋偉字健齋奇書字玉堂三人皆邑諸生與余

## 江津縣志

### 卷七之二

行誼

八

江友善奢曾陷重慶攻江津余江佐邑令周禮嘉守城薦三人於令晝夜  
防堵出奇制勝實大有力事具前事志奇書旋力戰死偉中箭七日亦死  
斌獨全避寇黔中著江津守城日記附於家乘後徙新都清咸豐初邑人  
江含春始得藏本於新都康友石家爲梓行之亦故實上一瓌寶也

施彥寧母沒廬墓三年思慕哀切沒齒不衰祀孝弟祠

楊溫以孝友稱按察副使邑人江孟綸爲之記

記云友人楊氏本宏祖興祖生子五人曰溫良恭儉讓溫卽宏父永樂  
甲午興祖公遘疾臨終呼溫等諭之曰吾家自祖宗來百餘年惟力農  
生理雖皆讀書不求聞達子孫繁衍恥以分異爲言孝友之風聞於鄉  
里爾弟兄宜勉效之無玷家訓吾死無恨矣溫等承命唯唯公卽瞑目



而逝自是悉遵遺言總治家務諸弟凡百必咨稟而行歷三十餘年不變其初迨宣德己酉歲旱甚眾艱於食不得已議暫分異從便自給遷延至正統戊午溫追慕先德號泣諭諸弟曰吾輩領父命不久而遂背之異日何面目見之地下耶諸弟感悔遂復同居且曰兄弟生則共衣食死則聯冢壙永無異也遂共立祠堂以奉宗祀爲家塾以教諸子事無專行財無私積孝友著聞人皆羨之天順改元初宅之西隅有各本柞櫨二株合生枝幹暢茂若一本然越壬午旁有枯死冬青一株復生如初邑之人士莫不驚異以爲是其感也是歲本宏亦第鄉榜遂自匾其堂曰異感云

程之英字英人性至孝棄官奉母母死守柩不去賊至死之兄源爲之傳

## 江津縣志

### 卷七之二

行誼

九

傳云程之英字英人蜀之江津人也七歲喪父幼甚慧過目卽成記長而學大進渝守王公行儉見其文嘆曰漢重董賈宋首蘇曾兼之者其在斯人之徒與顧不合學使者英人進曰某日可行文三十首學使者拈七題窘之文立就學使者大驚異取冠蜀東乙酉蜀破罷鄉薦永曆二年戊子以明經高等補黔之獨山州時黔亦亂英人不歧不求飲獨山之水而已性至孝甫數日離太夫人卽不食時太夫人避亂寓都勻去獨山百里英人以親近爲喜官之得失不計也旣太夫人旋蜀英人請隨養不俟報而去當事怒甚檄健兒遣騎追之英人遂不克行四年內翻然掛冠與兄都勻守洵單騎從兄源於西粵五年辛卯冬隨兄省母於蜀卜居津之四面山山甚深幽攀援罕到英人率蒼頭一二躬耕



其中居常絕糧食芹者累日怡然也暇卽肆力於學淹博條貫各極其要爲文汪洋曲折詩奇古峭絕無一時字句敢近指下而尤精於史學甲午冬杪太夫人棄諸孤自仁懷扶柩之津之石子崗二百里英人晝夜繞親柩行且哭至嘔血先是有叛兵數十自遵義越南川縣縣多山箐綿亘數邑複壁拔天巖壑無際從未有窺其涯涘者亂兵據之時出入真安綦江界上殺劫居民略其壯者以自益眾百餘百姓復據險自守兵頗集賊不得掠又綦江涪州各有鎮兵惟津邑空虛荒殘行無人之地賊偵知之自南川突焚綦江感水官兵不能禁遂自津綦之界華嚴灘訶津路縛土人鄉導捲甲渡險直趨石子崗時乙未元日也英人暨諸孤方以午夜聚哭太夫人柩聲徹山谷未曙忽鬨聲起仗外罷哭

## 江津縣志

### 卷七之二

行誼

十

出視賊槍刀競發隨行王應鳳康士誠空手禦之被殺血濺衣眾一時奔散惟英人守柩不去有欲稍犯太夫人柩者英人拒之曰賊寧殺我不汝聽也一賊甚猙獰挺刃直前英人曰而知程氏兄弟乎有所謂督師者吾兄也賊不速去死近矣吾豈畏死者遂遇害其臨絕也大呼老母四兄么弟者三賊相顧錯愕共詈殺英人者因相率羅拜於太夫人柩前扶英人納諸几亦羅拜登卽馳去是日不孝孤源率眾追賊及之江上五舉沱羣賊畢渡惟操刃兩賊殿射殺之云英人著述頗富未有專本其詩文襍著弟瀚哀正之將壽之木有子男一人曰于晉甫幼善句讀源題其門曰大地無心生萬物皇天有眼照孤兒蓋傷之也嗚呼安知天之不有意孝子耶贊曰英人振興奮于孤幼六藉道腹典文傑



構服志春秋行體孝經軒冕塵視來歸於兄以忠作孝聞達罔營殉親  
之身取義成仁臨絕奮呼母與兄弟忠孝友恭傳信史氏

唐政早喪父以樵采養母終身不怠母沒廬墓三年天順中有司上其事  
諭使恤之祀孝弟祠

王應松正德中流賊至縛其父母欲殺之松號泣乞代賊怒殺松舍其父  
母祀孝弟祠

龔恕成化中明經著有龍門詩集仕寧夏經歷以憂歸廬墓三年置義田  
二處一以贍族之貧者一以贍族之爲士者使勸於學祀孝弟祠

清

周遵陽字夜生幼失怙事母至孝嘗刲股療母疾母卒廬墓盡禮值滇藩

### 江津縣志

#### 卷七之二

行誼

十一

開科試士避不就遂絕意仕進隱居教授多所成就生平持守方正然諾  
必踐以力行善事爲念年八十餘子溶邑庠生好義樂施孫文謨廩生文  
權成進士人以爲善人有後云

熊代禮壽民熊世德之子娶婦黎氏家世業農世德年九十餘病足更痰  
喘不能臥代禮夫婦日夜輪侍暑爲揮扇寒備火具家貧甘旨常供飲食  
必親奉浣浴便溺皆夫婦相爲抱持歷久無難色不假手兒孫輩人咸嘆  
服嘉慶九年邑令徐鼎禮其閭賜世德以酒肉並旌代禮夫婦鄉人爲立  
碑於里同里進士蹇滋善紀以詩

詩云熊孝婦黎氏女養衰翁九十許衰翁病三年不能動履熊孝婦淚

如雨一解厥夫熊代禮竭力營甘旨惟魯不讀書何者爲孝子朝耕婦



獨侍暮歸色養喜老人病喘唯隱几冬溫夏清夜頻起夫侍坐婦暫止  
夫假寐婦浣洗二解朝進一羹口親嘗暮進一匙手自將滌脣躬親亦  
尋常將欲如廁婦抱其首夫持其足敬且莊三年如一日無難色無怠  
荒三解夫婦六旬餘兒孫滿庭除人曰盍假手夫婦嘆曰吁少小厭煩  
苦怠忽或有諸或曰翁病老易若沒爲愈夫婦泣且謂君何言之愚百  
年亦太促何以答勤劬四解賢侯古孝子聞之欣然喜命駕禮其廬賜  
兼酒肉米從以紅錦綾曰旌爾孝子子職固然難在婦耳感深四鄰碑  
曰孝子之里五解

江津縣志

卷七之二

行誼

三

鼎親至其家以事近輕生例不可旌憫其愚孝厚恤之邑舉人李能勝記  
以詩

詩云几水之北華山巔諸峯排列摩晴煙中有奇氣蟠雲木篤生孝子  
當丁年孝子有父邁危疾鍼石湯熨殊難痊願拚此身救父死焚香上  
祝蒼旻天短刀拔出白如練當胸直剖胸洞穿鐵鈎鈎肝肝不得熱血  
滿腔飛紅泉迴剗胸頭一片肉調和託說羅葷羶食罷親安子無恙精  
誠感名寧偶然蒼蒼烝民誰無父幾人肯把肌膚捐孝子侍疾甘飲又  
生來血性何纏綿適遇徐侯蒞茲土身教言教孝爲先曾學老萊嬰兒  
戲更溥仇香仁人言桀鷲之夫亦馴化而況救父心懸懸吾儕敦行在  
庸德剝腹屠腸見猶偏當其操刀不復顧烈氣直上冲星躔卽今董狐



秉直筆愚孝堪入瓊瑤編爲問奇行屬誰某廷揚孝子芳名傳

李升泰庠生父早喪事母極孝依依膝下數十年未嘗偶離母卒泣血三年人咸哀感性聰穎能文善書淡於榮利家素豐見貧苦親鄰樂爲推解不自封殖皆曲體慈母之意而廣爲錫類云

韓應明筓里人習讀未成家貧甚爲人訓蒙或傭書於外事母極孝有所得悉持歸奉母嘗負米菽於數百里外人咸唾之應明曰吾無以爲養聊盡吾力耳每晨起必向母叩頭以未能盡孝自責家人皆化之諸弟子姪輩亦咸知敬愛母年九十八乃終

龔秀松業醫性極孝居母喪哀毀茹素三年如一日邑令彭維銘旌其閭曰孝行可嘉

## 江津縣志

### 卷七之二

行誼

三

王嗣楷字子端筓里人父早喪母唐氏遺腹生嗣楷家貧力學言行不苟以孝聞年四十二舉於鄉又八年卒卒時自嘆不能早達以表揚母節今疾至此又不能終養尤爲抱恨巴邑進士門人楊彥青爲之傳

傳云先生姓王氏諱嗣楷字子端其先元末由楚麻城遷蜀江津之筓里寶螺漕家焉高祖立尙曾祖爾遐祖智俱隱德不仕智生四子長曰謨卽先生父也少負大志以勤學勞瘵邁疾不起其時先生母唐歸甫八月欲以身殉念有遺腹若男尙可延夫嗣自傷自解逾兩月而先生生年五歲太夫人教之讀書識字課督甚嚴先生幼不好弄賦質穎敏日記數千言能默會其大意甫成童下筆有驚人語嘗痛父早逝母苦節恐學無成不能博母歡心卽增父隱恨則下帷讀年十八自經傳下



逮莊騷史漢唐宋諸大家文籍無不淹洽貫穿所爲制舉文一本之王  
唐歸胡每構一藝幽異奧邃鉢目劘心孤詣所至憂憂獨造孝友之文  
尤纏綿悱惻情詞動人蓋其天性然也先生族祖子昂故名進士論文  
少許可獨嘉賞先生文弱冠補邑弟子員第一試輒冠儕輩食廩餼尤  
爲羅孟兩學使所賞識孟以優舉羅試重棚向諸生曰蜀東王氏多才  
惟子端王君首屈一指其見重如此辛卯舉於鄉壬辰禮闈落第歸當  
事重其文行歷延主邑講遠近受經門下稱弟子者嘗數百人先生首  
以敦倫飭紀爲諄諄謂文以載道不徒虛車之飾苟弋科第故出其門  
者多知名之士性至孝自爲諸生至登鄉薦頻年藉舌耕營菽水每旬  
餘必歸省太夫人孺慕之私無異嬰兒時不以道遠而或輟家雖貧好

## 江津縣志

### 卷七之二

行誼

齒

周人急有乞貸卽分貲予之不能償常折其券凡喪葬無具婚嫁無力  
者莫不量爲周給先是戊戌歲稔米價翔踊先生倡捐以活餓者其貧  
而不甘就粥者時其困乏才可爲者酌予資本俾營一業以度荒歲  
由是多所全活先生終其身不苟葷中年鰥不續娶平居矩言規行自  
禮義廉恥大界限至於拱揖進趨冠履飲食之節守其繩墨不失毫釐  
而善劇之謔露齒之笑箕踞跛倚蹶足撥衣之習亦未嘗不自省於周  
旋出入之時其處宗族姻戚間恩禮款曲和平樂易對之如飲醇醪人  
有善必稱嘆獎勵有過必開導包容困諸生二十餘年始博一第然學  
成行尊儒生後進雖不及先生門而讀其書聞其行誼莫不心折其爲  
人先生生某年月日卒某年月日配劉孺人有婦德事姑以孝稱先先



生十餘年卒有子六大齡大任庠生大猷大烈大中大言俱能讀書世其家青遊於其門久謹述其梗概爲傳贊曰孝友睦婣任卹之風微士無懿行人多涼德卽或致身通顯而本源未裕欲其推暨難矣如先生之篤倫常敦桑梓誼是卽親親仁民愛物之懷也使天永其年移孝作忠以濟一鄉者濟一世其勳名事業豈可量哉惜有其具而未見之行竟抑鬱窮愁抱恨於未終養而卒也悲夫

王宇和庠生父澤澍亦郡庠生字和少勤學能文善楷法年十八補弟子員澤澍偶至渝數日忽不見遠近尋覓莫知所之或傳其失足落水者宇和痛憤欲死見人輒泣積二年不改嘗與其從叔祖昌年書云昨除夕見人家父子團圍屠蘇慶祝心竊豔之卽生不能逮事而觴豆酒肉沃奠墳

### 江津縣志

#### 卷七之二

行誼

五

前尙寄哀慕如和者生無以養歿無以葬覩然人世復何希冀耶然因此而悠忽自安罪愈難追今於元旦率諸弟至山寺相勗痛讀惟晨昏盡力死而後已數日不就寢席遂病吐血後自懟不服藥或勸以甘脆補調者和曰吾父以貧故奔走於外竟喪其身今以父辛苦所遺者而市物以養吾吾食之寧下咽耶更大哭病半載卒年二十六

龔永字引萬貢生父早亡母以節著永能孝養事必躬親母嘗病劇永爲嘗糞以求療兩弟俱夭永撫其遺孤教誨成名後選慶符縣訓導未仕卒李瑄貢生生平言動不苟性孝友弟姪有負債者鬻己產代償之尤好施濟士人有貧乏者給予膏火以全其進取之志晚年畱心典故嘗手錄廿



楊年洪字秉義監生篤於孝友事親盡色養兄弟及姪輩相繼卒撫其孤如己出訓誨不倦嘗歲歉賑粟詳慈善志戊午教匪滋蔓募鄉勇練團築寨柵經費數千金無稍吝惜晚年獨建宗祠置祀田並以孝弟忠信禮義廉恥八字推行家訓八條每值春秋祭祀時命子弟宣講迄今族人咸雍睦不改

楊德厚處士年洪子六歲居母憂三日不食幾至滅性稍長讀書能明大義事繼母極誠敬德昌德彝皆繼母出厚友愛備至弟或有過致親怒必偕跪請罪俟親色喜迺已父母俱年逾七十晚年父病足出入必親扶持歷十數年無難色卒時年四十五顧兩弟曰兄不孝先父母卒弟等須善事之

### 江津縣志

#### 卷七之二

行誼

六

余廷楷家貧力學弱冠失恃兄弟五人無力養親廷楷以硯田獨奉甘旨事親極孝而友愛肫誠父與繼母卒一切喪具皆獨任之訓子孫以耕讀爲本年七十八無疾而終

李伯琦筍溪里人康熙歲薦生平恭謹退然如不勝衣授仁壽訓導辭不就年七十五

周邦彥渾樸恬淡康熙歲薦授平武縣訓導辭不就年七十龔孫禮字履中筍溪里人貢生賦性高傲曠達不羈樂志家居選龍安府訓導不就年八十餘

江思禹號醒齋以孝聞母歿廬墓三年邑人爲請旌入孝弟祠弟思濬爲之傳



傳云先二兄諱思禹字惕危號醒齋壽六十有九性至孝六齡失怙事  
先母太宜人甚謹咸豐四年都人士臚舉以聞於朝六年奉旨准入祠  
建坊旌表家之慶邑之光也顧孝爲門內事知不深言必不切紀實表  
揚責在濬公居恒無疾言無厲色處鄉黨中數十年恂恂退讓無親疎  
貴賤咸謂公賦性冲和故平易近人詎知十六歲以前性如烈火稍拂  
意則髮指背裂雖強有力必與之爭不稍屈然當辯論時聞太宜人呵  
斥聲則斂手屏氣退俯首跪受教閉門自責一二日胸臆始平初猶強  
制久之漸近自然故態不復萌也非真有孝德以變其血氣之性何能  
闇闇若是公之心蓋以太宜人心爲心知太宜人好勤也黎明卽起  
朗朗誦讀知太宜人之愛濬也有所知必詳爲講解苟有過必痛切勸

江津縣志

卷七之二

行誼

七

戒懃懃懇懇十餘年不倦公欲刻成濬之材學以上慰太宜人之期望  
不獨推梨讓棗而已時家貧濬負笈從師公則訓蒙藉資薪水濬補弟  
子員公復奮志入學偕赴鄉試不第家愈窘公仍設館不復芸窗伏案  
也甲戌濬以選拔赴考入都太宜人遽膺疾公侍左右奉湯藥衣不解  
帶四十餘日彌留時執太宜人手哀痛不欲生強自持凡附身附棺喪  
具祭奠之儀雖稱家有無必敬謹將事迨濬匍匐歸乃諏吉扶柩葬與  
先府君同壟事生送死公一身當之無遺毫髮憾其必誠必信也如此  
葬畢公廬於墓傍晚輒趨往獨宿三年不飲酒不茹葷麻衣不解小祥  
後始更練服其至性至情盡哀盡禮也又如此而家庭骨肉間微窺其  
孺慕之心固終身如一日云每日晨起盥洗畢卽詣主前進香慨想遺



言如親色笑所爲必告至老不衰憶少時飲酒過度太宜人知有不豫色公負荆請責更號醒齋終其身遇燕會過三爵卽不復飲曾子曰一出言不忘父母一舉足不忘父母公其庶幾乎濬署松陽地當山僻遇旱則民不聊生歲值大熟濬欲停買補修濟倉捐廉爲士庶先預籌平糶賑飢之計而署中人以缺苦恐負累相阻予意不決終夜徬徨時公初來遂起扣戶商之公喟然曰義當爲則爲貧富有命瞻顧畏蕙天下無可爲之事也後爲之果成百姓多賴以全又謹擇術嘗謂濬曰醫雖小道儒者事也因援例入貢棄帖括購醫書讀之晚年益精人見其治病輒效不知濟人利物要本親親之一念日積月盛擴而充之吉凶遂與民同患矣今公往矣回憶五十歸田親愛之情有加無已卽今清釐

## 江津縣志

### 卷七之二

行誼

六

祠務酌立規條半承公之教旨乃得以遵遁勿替則其成全豈淺鮮哉  
(後略)

袁壩字崇言七齡時父舌耕在外母偶病思食雞卵無所得壩卽登山采薪入市易之以進並焚香默祝求愈母病父沒廬墓終喪涕泣言曰今僅有母在事之胡可忽由是教學館舍離家十餘里常常歸省親浣濯母衣而後去母晚年咳嗽不能寐壩終夜侍奉無懈卽病中亦然咸豐四年得旨旌表

劉廷相字輔臣誠實寡言幼卽知大義九歲時父經紀遠方母病思肉食錢無出卽典衣易肉以進母歿親負土成塋年十二爲人傭得錢遂買香燭焚獻墓前哭甚哀其後家漸裕迎父歸養常在左右遇有疾湯藥不假



手於人歿時廬墓百日事繼母三十餘年亦在在如禮鄉里重之  
夏家驥字德齋生父光明父光耀早卒母氏龔乳撫之幼卽知孝數十年  
如一日邑中上其事旌表孝子髮匪之亂匪相戒不入其里云邑人程綏  
仁爲之傳

傳云光緒乙亥歲余以邑公聘與志書局事見孝友傳中有夏家驥其  
人者雖其事不詳心竊嚮往之又五年安硯聚奎書院夏生風薰從余  
受舉子業詢之則其曾祖也居無何生持狀來白以篡家乘故乞余爲  
立傳按公諱家驥字德齋生父光明父光耀早卒母龔子之天性肫摯  
迥異常兒生六年卽知奉母謹嘗以母命往親串家或與以柑則懷歸  
復命畢獻之有陸續風焉稍長好讀書以母臘高不敢就外傳晝則左

### 江津縣志

#### 卷七之二

行誼

克

右給奉夜則縱覽經史恒目不交睫母憐而阻之則俟母睡旣熟徒跣  
入書舍挑燈默誦如不及母知之則曰汝又讀書乎對曰不敢乃寢應  
童子試連不得志於有司母曰吾不願汝貴也遂絕意名場慨然以教  
育人才爲己任母又戒之曰師字不易副毋誤人子弟可也公謹佩之  
教授數十年成就數十輩凡在門牆者頌其德不衰至今公方正嚴明  
門以內整肅如官府人不敢干以私顧慷慨好施與族兄弟有貧不給  
者貸之累千金無以償則舉券焚之里中無力婚配或葬埋向公訴告  
必竭蹶措辦如其意以去然甘旨外無私蓄也娶舅氏女伉儷敦篤事  
姑如公也母老製小竹几若肩輿狀位母共舁之爲兒嬉戲母忘其老  
而公已年五十矣母卒哀毀盡禮居喪一準古制築廬墓側每出入必



於母所坐几跪而默祝如問視者三年乃置几靜處戒家人勿敢動或  
談母生前事則起對之泣先是母常病目醫者謂舌舐可愈公不知其  
誑己也舐之果不藥而疾若失其篤於孝義如此既乃捐金爲父母建  
祠並設生父母木主奉之恪誌不得生事所出之感又以敬宗必收族  
手續家乘體例綦嚴事未竟而卒踵修之舉成公志也咸豐甲寅王君  
香等上其事於朝得旨旌表壬戌石達開之難所在蹂躪有自賊中歸  
者道賊過鄰境時猶相戒夏孝子里勿或犯云公生某年月日卒某年  
月日壽八十五生子六女三十七孫贊曰其母節其子孝其孫若曾又  
能成其志而表彰之庸德之行可以不朽矣以余所聞公母惡蒜公嗜  
之以母故不嘗此味母乃歲必種蒜強公食則食母卒終身不設或賓

### 江津縣志

#### 卷七之二

行誼

三

筵見之輒泣下不能舉箸此雖細故亦可觀矣

李健性至孝母病思食鮮魚江遠難得健哭泣覓水際竟得一魚狀如鱸  
速烹以進母食之味甜如蜜人謂孝感所致健素有暈病恐遺父母憂常  
任事並強作健飯狀令父母不疑其有疾母素戒殺生健除父母膳饘外  
絕不妄殺父歿親負土成塋廬墓三載母歿亦然得旨旌表

張鴻達恬靜寡言稍長知愛敬祖父歿時其父已衰廬宿於墓夜必從之  
卽於廬中讀書後祖母歿亦然母歿葬祭以禮廬墓三載問視一如生前  
父歿如之每歲生忌日哭泣若新喪然同里俱爲愧服且倡首修纂譜系  
設立蒸業以綿禋祀子姪有負累者代爲償還族戚貧乏亦多周給其錫  
類不匱有如此



龔德薰父病月餘不起日夜哭不絕聲失怙後奉孀母尤謹有弟二教之讀已則勤耕早晚侍母側無閒母卒哀毀踰月後遇父母生忌日祭必泣初母病時欲飲珠蘭茶不得甚惱恨爰手植一株每歲依母病欲飲之日親烹以獻人異之晚年善醫爲人治病有謝之者曰余初不知醫致父母早亡茲敢以活人爲功乎道光七年九月病篤誠其子若孫曰孝弟力田吾家世業也毋忽言畢卒年六十八

張燦梅事親婉曲承順數十年不少懈父母晚年多病朝夕侍側並焚香告天請以身代父歿哀毀幾不欲生廬墓三載母年九十喪明不離左右出入扶之稍遠背負之意不樂則多方娛之時燦梅年幾七十矣母歿猶廬墓如初殆終身孺慕者歟

## 江津縣志

### 卷七之二

行誼

三

黃世模父歿時甫三歲偶與兒童嬉戲母叱卽長跪請笞稍長出就外傳讀內則諸篇其儀節有暗合者則怡然自喜及吟靡瞻何怙等詩則又戚然以悲自是每夜焚香祝天期延母壽母素崇祀觀音進香我山三次不辭跋涉非佞佛遵母教也偶遭回祿世模親扶母出避號泣呼天火延母臥室自滅人以爲孝感云母歿時年九十五世模已老猶啜粥飲水盡哀祭葬如禮後年九十二無疾而終

漆第鳳幼聰慧因家貧廢書然聞人讀論語幾諫遠遊喜懼諸章輒通曉早歲失怙自恨葬具多不備遂終身不食珍味事母僅供朝夕或不炊人以酒食相延必敬謝之遺母而後食偶與人憤爭一經母訓卽解嘗購新絮被奉母母誤燬於火隱念家貧難再製惱甚第鳳婉言解釋卽謀另購



以慰之母素病咳夜益劇時時捧茶湯以進母卒哀毀骨立人比之古孝子云

鍾省和九齡讀論語問孝諸篇卽於父前求解父遂取經傳之言孝及有關日用者抄錄成篇日令講求自九歲至十七朝夕相依勤定省無一言抵觸年十五入邑庠終日勤學思以顯親十七歲父棄養哭泣不食者數日旋丁母憂居喪恐悖於禮取喪禮諸書覆讀而折衷之作家禁每年餘資修墳塋立家塾且日記功過恐虧體辱親不能貽父母令名云

黃啟順號松山庠生四歲失恃哀號氣幾絕事繼母昏定晨省一如生母長尤竭力雖從師遠讀三五日必購酒肉以進厥後授徒爲業凡講孝弟諸篇輒爲流涕親病時藥必親嘗穢必親濯祝告北辰願以身代及歿盡

## 江津縣志

### 卷七之二

行誼

三

禮盡哀廬墓三年遇忌日生辰倍增痛恨殆終身孺慕者矣同里李品三太史曾撰孝子傳以贈學憲黃給予克全子道匾額縣令國申報旌表江榮相性樸而孝父汝玠卒時生甫五月賴母氏周撫成十歲祖母命析居田宅資財不與伯叔計較事母不離左右數十年如一日初嗜酒母憂之遂痛戒勿飲母有疾侍奉湯藥謹甚歿後廬墓期年遇忌日生辰尤哭泣不已祖母歿亦廬墓六月一切喪葬均自任之同治十三年得請旌表江載彝字秉之生而穎異孺慕性成得親歡父歿廬墓後病革深以顯揚未遂又不能終養爲恨壁邑舉人陳祥鳳爲之傳

傳云公姓江氏諱載彝字秉之四川江津人考諱思濬嘉慶癸酉選拔歷任浙江嘉興烏程餘杭海鹽孝豐松陽知縣誥封奉直大夫循良懋



著有子十人公其第七子也公生於浙少有至性言笑不苟父母絕愛  
憐之稍長就傅早起盥漱問安否然後入塾日中及暮歸亦如之親食  
乃食親寢乃寢左右就養不愆於儀雖成人弗逮也道光丙申奉直公  
解組歸優游林下者二十餘年公夙夜侍從不命之去不敢去有勸公  
援例入仕者公曰吾勵志讀書冀博科第以揚先烈今不肖不能致身  
青雲又舍庭帷之樂而求非分之名其何以爲人子家人有觸父怒者  
公號泣婉求父鑒其誠輒霽顏母韓宜人素病哮喘每發或月餘不得  
臥公湯藥必親夜不解帶母憐命寢屏息門外以俟聞呻吟聲卽多戶  
入母疑未寢以他詞對事父病亦然歷寒暑無倦容遭父喪晝夜號泣  
淚盡失聲苦寢柩前茹蔬啜粥朝夕祭奠必誠必敬半載足不出戶麻

江津縣志

卷七之二

行誼

三

衣黑且做未嘗解體安葬後廬墓期於終喪已九月矣母聞其哀毀致  
疾命歸多方慰之乃止時禁忌祭悲痛弗息家多藏書珍惜逾恒每指  
謂弟子曰先人手澤勿損隻字也其不忍忘親類如此公體素羸以粵  
匪入寇奉母流徙積憂而病自知不起執其子手泣曰我生不能顯親  
又不能終養九泉之下遺憾無窮汝其善體吾志以事祖母言畢而逝  
時同治壬戌六月十九日也年三十有四甲戌大吏採訪忠孝節義以  
孝行聞奉旨准建孝子坊入祀忠孝祠事跡載入縣志先是公伯父思  
禹附貢生舉孝行旌表如例長兄載愔道光丁酉順天舉人廣西麥嶺  
同知勦髮逆陣亡追贈知府銜入祀忠孝祠三兄炳琳道光丙午舉人  
貴州補用知府歷任仁懷桐梓綏陽遵義知縣勦苗匪陣亡追贈道銜



勅建專祠公復以孝行榮膺寵命一門忠孝懿乎盛哉公積學不售篤志庸行天爵之尊榮於人爵矣娶陳氏早卒繼娶潘氏先公二年卒無子以兄子嗣名世鼎邑庠生光緒乙亥制科孝廉方正孫永祿早殤迺以公兄載愔之孫訓導中書銜世傑之次子爲嗣名偉祿

王大模武庠幼知孝行苦失怙恃惟兄嫂是依成立後感兄嫂之德生敬死哀一一如禮且嘗以孝弟宣講謂借是以報父兄恩鄉里重之

陳運燮年十七憂母病篤私剜左肘以救者再愚孝可憫臨終沐浴乃見其痕

鍾興龍宿儒性孝友凡事必遂親志不以家貧自委買於外聞父卒半日奔百五十里嘔血不止廬墓四十九日事兄以禮待弟能讓李黃兩學憲

## 江津縣志

### 卷七之二

行誼

三

賜匾嘉其孝行

鍾德貴性孝甘旨無缺親歿後二十餘年猶時時痛哭有業師貧老無子畱養十八載死厚殮之且好施濟喜刻書後遇髮匪罵賊而死李黃兩學憲嘉其事

鄒朝楷處士生方數月父見背母氏劉撫之成立以孝聞嘗曰人子事孀母尤宜養志徒規規於末節無當矣事兄亦恭謹

劉奎之筍里人事孀母甚謹雖蔬食菽水務得歡心母素弱畏寒每年冬時母就寢必先以身煖其衾席母病不解帶者月餘沒哀毀幾至滅性早晚詣墓所依依如生時後兒輩析產奎之年六十餘次子迎養其家離墓三里許詣之仍如初惟卒之年四日不至鄰里怪而問之蓋已臥牀不起



矣

周祥輝字興龍母病有年朝夕侍奉割股以救亦愚孝之可稱者

劉豐相家貧不識字爲人傭工日必歸省逢宴會必舍肉歸遺其母性嗜酒常飲而忘醉忽以母動念卽止晚年貧益甚入市必購餠餅以歸人問之曰家貧只此供母耳母年九十六而逝豐相累詣墓痛哭鄉里嘉其行詹兆奎庠生性孝友事父盡愛盡敬曲致其懽待弟以誠鄉里爲之語曰愛弟如詹君復有幾人哉弟死二子窘甚奎恐其子以分產故膜待之臨終時猶指二姪牽其長子之手書一公字而與其生平惓惓於骨肉可知生子二長敷和次正和雍雍一堂有父風焉

姚正魁兩兄早逝家貧父遠貿成都時魁僅八齡終日採薪減食奉母十

### 江津縣志

#### 卷七之二

行誼

三

四歲稟於母徒行千里迎父歸養嘗在路拾金一囊父命守待失者魁忍饑半日卒得其人還之待弟能讓事繼母亦得其歡心喜刻善書惜字放生年七十一

陳涵性孝友先居綦江附里母戴氏年老涵承色笑務得歡心兄弟三人析產涵已得分業而母欲畱少子同居涵知母意願以己產歸弟而自遷居於津後母卒喪葬費皆涵獨任不累二弟族里稱之

陳洪達字元順陳涵之四世孫也性豪爽好義樂施鄉里有急難必周卹之道光三十年以自置五福場鋪房五間捐作賓興補助鄉會試士子旅費迄今年收租錢六十四貫作全縣辦學經費孫秉璋武生秉昇文生

陳洪印字璽堂陳洪達之胞弟也性慈敬處己以禮待人以誠族中子弟



無力讀書者必助之膏火不能婚嫁者必爲之謀喪葬無資者必爲安厝數十年如一日子麟圖舉人任廣安州學正詳鄉宦孫秉常秉詩俱邑庠袁子嘉號鹿琴由副貢考充武英殿校錄選授閩中縣教諭兩兄俱村農時有苛索惟順受而已在任二十餘年每歲科試所得金悉供兩兄家用己則粗衣蔬食恬如也至其性情和厚善氣迎人對之者覺鄙吝潛消鄭颺庠生家富自奉儉約樂爲善於杜里建橋二座修石路數千丈置義冢餘詳慈善志有司上其事議敘鹽運司知事疊加布政司理問銜鄉里稱爲善人

江含通字達人少好俠稍長篤於行以孝聞下帷讀書數奇廢學毅然以利物濟人爲己任建宗祠厚族人待舉火者數十家嘗於數百里外脫友

### 江津縣志

#### 卷七之二

行誼

三

人禍又某某者以株連遣戍含通憫其冤代卹其家卒釋其罪歸而其人究不之知平刮耳崖牛角口諸險路工逾兩年丙戌歲旱鄰人乞貸糶與之後知其不能償折券還之卒年四十六人共悼歎著有達言一卷行世楊爲城生穎悟六歲入小學能解大意動循禮法長好善建巴江橋修杜市棗園二處驛路以成父志共捐數千金無吝色又偕其兄爲翰建書院施義冢置宗祠義田並割己產以贍族人餘詳慈善志卒年二十二爲翰痛之梓有哀鴿集

陳楷貢生賦性孝友植品端方接人溫和無疾詞遠色尤樂以善言誘勸後進時人矜式之

蹇世皞字純元績學未遇教授鄉里數十年師範端嚴而循循善誘事老



母極孝年七十餘左右承歡如赤子時鄉鄰多感化焉母年九十三世壽亦年九十乃終

袁美貢武庠秉性剛直仗義急公邑中諸義舉多所贊襄居仁沱市鎮以正董率市中無敢飲博者卽四方無賴輩亦聞風斂跡歿後人猶稱之李謙泰字益齋庠生少篤志於學屢試不遇性恭謹醇厚應世接物訥訥然懼有所傷居家庭克敦仁讓他人所不能忍者處之泰然卒全恩義人咸歎服

潘廷獻字壯猷太學生天性孝友事繼母能得歡心生平不與外事惟潛心學業優游樂道年八十二

曾騰萬業醫性好善樂施時以先正格言勸誡世人遇有爭競卽善爲排解人多化之無不尊爲曾先生者邑令徐鼎聞其賢禮其廬

### 江津縣志

#### 卷七之二

行誼

七

范振先家僅中資晚年喜施舍每捐錢收葬江中流尸力不足更募之人上自白沙下至龍門灘皆爲收葬

池三聖清平場鐵工性好善不吝施與嘗恨未能讀書見學者輒心慕之遇鄉塾會課卽竭貲饋酒食背負課卷遠求名師評隲會邑中重修聖廟三聖慨然曰余以家貧業賤工無力貲助凡廟中所需鐵器某願造給充用以表嚮往之忱前學博馬士偉有池善人傳甚悉

王景璠字奐若少讀書不遇性謙和謹厚居家孝友族鄰親友一接以誠子三人迪之向學內外無間言家庭雍肅見者每爲生感年六十餘卒

江夢奎字聯璧歲貢生構楊溪草堂讀書其中手著國風串略輯講章要



義訓誨及門多所成就餘詳慈善志

韓志登號慎齋貢生事父母以孝聞或外出稟命某日歸雖大風雨不敢誤其母九十生辰取篋中借券悉焚之約值數百金又因已早督家政學未成名課諸子嚴而待先生尤恭遇文學士輒愛敬而欣助之

楊廷模號億軒其先世業儒億軒事親孝養葬如禮教子嚴先後延師課讀凡十七載始終如一子三長文炳國學次煥郁辛卯舉人三煥然庠生李廷德號坤山幼失怙恃依繼祖母何成立祖母病侍湯藥割股以進人稱愚孝餘詳慈善志子三長仙源癸卯舉人次光昌三庚源俱邑庠

鄔天元字秀文援例府參軍性孝友急公義里中鑿路修橋捨棺施粥賑貧乏給寒衣事難枚舉嘗捐送人生必讀書數千部又刻陰隲文銘座右

## 江津縣志

### 卷七之二

行誼

三

當教匪滋擾時辦團衛眾不惜貲財惟以利人濟物爲念鄉里稱焉

鄔聯元字三重素孝友善繼前志捐送誠意集數千部邑當大役大荒倡首捐貲邑令李彭曾給匾額嘉之金川之役代辦軍米餉饋無缺大吏欲酬勞績奏請議敘力辭歸里閉戶讀書人服其高潔

鄔毓培字繼高性孝友以兄弟早喪廢儒業因急公援例州同凡邑中寒士必加意培植嘗倡捐凡水書院膏火助費用二十年無缺餘詳慈善志嗣後流寇競起各大帥索餉甚急倚毓培籌畫動無遺策

戴登霄號圖南捐職同知嘉慶丙辰舉孝廉方正達州教匪滋事輸財募勇倡修堡寨鑄大礮以備府縣城防造軍裝送至大營需用邑中有重大之舉身必先之餘詳慈善志



王嘉猷號德軒增生家貧設帳供菽水親多病嘗泣叩神祇願減己年以益親壽親歿廬墓期年麻衣三載喪葬費獨任未嘗累及昆仲兄逝撫姪四人訓讀婚嫁不惜費族中貧者三年內安葬二十餘人全人夫婦不折散者二三家凡義所當爲恒以束脩作善貲故家無餘積

劉子峻號景山孝友謙和與物無忤嘗爲弟撫子成立備極辛苦其他建祠修譜睦族敬宗及捐募義塚義渡諸善舉皆極力成全年八十一

王宗武號布亭沈毅端方明大義持家有禮法延師教子能敬建祠合族知孝邑脩聖廟竭心力以襄厥成族鄰有忿爭者雖費財必排解之人稱其盛德

李信存號義門爲人急公義曾管理三費及城守器械局務咸豐年監脩

## 江津縣志

### 卷七之二

行誼

三

育才書院同治年監脩蓮峯書院與高廷輔劉六陽等踴躍樂捐並募眾置買膏火田六百餘石又有李元福者字介溪倡建兩書院時甚爲出力亦謀公益人也性孝友因積學未售遂延師嚴課子姪遇文人學士輒愛敬而補助之年七十三

王文瑛號崑山宿儒親早亡終養祖母伯父騰輔丁口眾分產時多予之族人負累者代償之並勸止宰牛脩補橋路一切善舉無吝色髮匪告警募脩小寺埡大石隘門補修大寺坪天星寨縣令劉贈善與人同匾額生平不驕不諂風節自持士林欽其模範云

何子玲例貢生同治時累辦津防奮勇追擊擒斬頗眾

彭紹南協辦津防有年任事出力爲時所重



賀陞明原籍仁懷縣咸同間髮匪號匪之亂陞明督辦團練募修兩路口大寨門大嵐埡等處礮壘石垣親督團防堵之厥後號匪由黔入川髮匪由川入黔均未敢入境仁津兩縣邊地得以無恙陞明遂遷居十二區之陳家莊因是地接華蓋山險峻可守復募貲建門築寨爲鄉人避亂之所尤加意團練仁津綦三邑邊陲倚之如保障焉邑宰賀洪熙贈匾曰整齊可風

張元惠原籍仁懷縣髮匪號匪之亂元惠與賀陞明協籌抵禦自任督辦糧餉先捐己穀百餘石以爲民倡後邑令劉齊衢率師入黔委元惠襄辦糧臺採買軍米數百石遠解溫水無顆粒虧鄉人義之臚陳事實請大憲保給六品頂戴旋移家十二區之田家壩樂脩橋路如通黔大道清溪溝

### 江津縣志

#### 卷七之二

行誼

三

一帶初皆奇險卒成康莊者元惠開鑿之力也

張登華字耀齡同治元年三月髮匪由綦至馬駿場沿途蹂躪不堪至三區登華督團勇防堵河隘上至白渡下至江口匪欲由奔溪奪渡登華紮木棚十餘架並運大礮攻匪匪退八月匪復由合江至縣屬之四區破小水坪寨路出小河沿河一帶登華調集團眾擊走之匪向綦而去邑令賀洪熙詳報督署贈匾曰鳳閣先聲

黃士林六合鎮人洪楊亂時提倡重修金沙寨歲壬戌親率鄉人避難其中全活者數千人生平好施與排爭訟人稱道之准入鄉賢祠給銀建坊年八十六

周長青擄於髮匪繼因匪敗潰長青脫身入伍從戎十餘年每戰必勝經



曾文正稟案保奏授五品藍翎後髮匪平卸職歸家身無完膚

譚希科字光斗十區人性倜儻里人以團務屬焉咸豐癸丑年邑中羅五亂希科佐程令捕之入黔境反至二溪滅之次年又佐李令拒黔匪楊隆喜匪不敢攔入歲庚申滇匪藍大順張五麻子下永邑及北岸希科禦諸河次年秋僞統領曹及王刀刀等又至復禦之匪皆不得渡獎六品頂戴補用知事同治壬戌春石賊入川及獅頭河眾銳甚希科率眾堅守僅隔一江賊攻數日不得進遂迂道由合江界去境賴以全

程瑞章字倬雲貢生舉人程德音之父賦性强毅才猷卓越燕頭山之役力主安撫保全甚眾識者謂其造福宏矣詳前事志又是役有劉殿元者字黼卿武生攻塞時殿元率團由小塞門先登守埤者皆脅從良民或婦

## 江津縣志

### 卷七之二

行誼

三

女見塞破卽紛紛潰逃山下官兵見之以爲團力不敵而退遂鳥獸散隨殿元者僅數十人困不得出匿草中至夜賊歸營始攀崖緣壁而下則官兵及各團去遠矣當事以敗聞新任縣令某主嚴勦至白沙會議非瑞章與殿元力爭數千難民無孑遺矣則殿元亦有可紀者附此

鄧清漣字石泉家貧廢讀以商起稱素封焉嘗曰中國之弱由八股俗以

之文爲八股鴉片婦女纏足三者害最烈遂倡天足會親爲勸導年九十親族

介壽辭不獲因囑折送錢幣釀資七百餘金自湊足二千金助縣辦貧民工廠時詔興學堂首捐三千金建脩中學校其明達急公如此年九十一子鶴鳴舉人湖北候補知府鶴翔拔貢鶴丹邑庠

賴燦章朱家沱人自於二郎山下闢地爲市貿易其中生平性爽直篤孝



友愛人以德感人以誠鄉里翕然稱之

漆光祖字紹棠以商起家而孝友於家庭睦婣任郵於鄉鄙殆所謂一鄉之善人也已華陽王芝爲之傳

傳云漆君者江津思里人名光祖字紹棠初本漆雕氏魯國先賢子開之裔由魯五遷而家蜀家世胥習儒君秉純懿之德以生旣早孤有弱弟三人家食苦不給不得已且耕且讀書勵得半菽饘粥日一食久之嘆曰竭四肢之力於田疇而無積穀之實者農夫也自昔已然是且不足康吾親何論長養諸弟乃變計爲賈逐什一稍稍獲贏餘復慨然曰利不什百哲士不興不周四方監市貨之有無斯夕坐市塵安從載喜抱子也肇牽車牛遠服賈以孝養所生固書教也於是挾其資以行商

## 江津縣志

### 卷七之二

行誼

三

於楚鄂滇黔諸行省是時當咸豐同治之交天下多故髮捻回苗蠶起爲亂所在皆伏莽行旅蹟久希貿遷通易之徒尤以畏途相怵戒君獨銳身回翔鋒鏑間計其勝居其奇所操利果什百而遭賊瀕危殆亦數數也卒以得免積十餘年累其貲儼然比素封諸弟亦次第成室繼所業母乃畱君督家政不聽出君雖強未艾然亦積勞瘁矣顧君體素充碩故得養疴林下猶且三十年方君里居也鄉人慕君孝友險難且備嘗智所及無遺料而中不設城府餘宿物也數舉鄉飲酒禮輒推君祭酒思里東去江津之治二百里爭忿相讎不解者胥就君決謂所折衷平於廷無煩遠赴讞也凡集大役發大功必從君受方略鄉黨庶務繁雜人不能綱紀者鉅細無慮數十百悉理董於君資用或不辦輒指私



財相贍嘗謂諸弟子姪白高貲自封者販夫之賤行吾不敢再蹈賤行  
忽置宗族鄉郤也汝曹識之苟能以利濟乎義雖貧何恤乎家素儒業  
尚書實先人之學吾不幸不得專志於斯中途輒輟棄今旣不復虞飢  
寒寧甘以西州大賈相世及不謀賡續耶以湘潭先生當代經師也迺  
使從子鬯從湘潭弟子華陽王芝受學焉光緒二十二年三月思里火  
夜深風猛勢甚煬君已寢復起督率家人折己屋斷鄰舍之延發疾卒  
及葬衣冠臨穴者數百人喪所由路人爭輓奠祭而號泣者數十家以  
謂天遽奪我漆君也王芝曰余遊川東鬯來執贄於重慶數爲頌君爲  
人迨講業四望山近君居迺申通家之好相過從竊怪君習心計之數  
迺獨尚誠恕屏私詭也嘗再至君家門庭有秩雍如肅如無少長惟君

### 江津縣志

#### 卷七之二

行誼

三

爲欽愛而思里之人尤交口頌君會君卒紳耆之彥謂君宜有傳讀所  
述狀益知行誼之詳感人於至深良有以也固不僅孝友之政治於家  
烏乎尙已天爵斯隆可不謂達尊哉昔孔北海尊鄭公之鄉余於君傳  
故亦諱尊其名而君焉君之病也里人競爲禱於社有願以身代者矣  
秦風黃鳥之詩曰如可贖兮人百其身致此於人人夫豈易哉夫豈易  
哉

江敬脩字甸澂增生博學多能性純正以德行著設教城內門下多才智  
之士嘗於朔望赴城隍廟宣講會藉演說身心性命之學以期教育普及  
其治家以孝弟爲先其處世以信義爲重著有詳註船山詩草及澗谷寤  
言十二篇



冉隆澤號膏宣少孤以家政廢讀性孝友忼直急公益嘗辦團務十餘年守正不阿畢生尤注重實業有成效年六十邑人劉澤嘉爲之傳

傳云冉君隆澤字國恩號膏宣邑之福壽場之溪人也生三歲而父從卿卒未幾母何亦卒家惟祖母曹嫡母詹及弟用璋四人而已自以一門孤弱年十二卽請廢讀理家政分祖母勞嘗之渝被人誘至妓家扃戶畱宿時君方弱冠心惕惕然卒以計啓戶遁歸寓曰目中有妓心無妓惟明道可我則學伊川方是時清廷以科舉奔走海內人士醉心虛榮者專攻帖括之學他無所事國漸貧困勢不支江津偏川東一隅閉塞尤甚君則汲汲謀實業農林工商皆講習之人未之奇其後卓著大效始嘖嘖歎羨邑中漸有言實業者先是君於宅前後闢地種橘數百

# 江津縣志

## 卷七之二

行誼

三

株之溪沿岸種枳種枇杷各百餘株山坡種桐又數百株糞之鋤之灌漑之至今蔚然成林年獲巨利又嘗務農事躬耕十餘年非徒治生實以富國裕民之道莫農若奈何棄本而逐末嘗廣種甘蔗棉蔴等物參以新法有所得輒向人津津言之無倦色思以勸世猶恐提倡未周則偕邑諸紳立農業研究會研究綿蔴水產三門以其種法養法編成淺說刊行各鎮鄉定章程立案派人演說或查看其適法否又嘗合資作工名曰建馨工廠製造罐詰香酒石印聘日本技師招學徒儲實業人材初因勦辦未盡善垂敗矣君則移廠就舍躬督率不遺餘力後出品漸佳則兩次赴蓉城勸業會獲優獎於重慶南京美洲各地賽會均與焉得獎如蓉城夫當勝朝同光之季朝野上下曾不知實業爲何事卽



知矣而爲之不善反失敗爲世大戒其黠者秘之又故詫神奇陰以爲利而於社會無絲毫之補豈不過哉君遠矣不寧唯是又嘗注意算學謂尋章摘句無與於格物窮理之要乃聘樊徽五館其家爲子光璧光瓚等師習算樊固邑中習算最早開風氣者也光璧光瓚尋以文算獲雋入邑庠君薄之謂是國之分利者奚足貴則遣之東遊命考察彼邦富强之源歸福中國其宏識如此光璧光瓚亦能副先志學爲世用云光璧字君毅光瓚字羲琴最知名與余善劉澤嘉曰余讀君行述知君祖母嘗臥病數年君與曹妻煎湯藥滌廁牖唯謹弟惰讀君跪諫且泣蓋自以廢學早冀弟有成繼先烈則其孝友何如哉嘗謂斯世不患無偉人患無正人而以日本勝俄歸功小學教師爲知本皆其言之可

江津縣志

卷七之二

行誼

三

書者余則略之獨採其實業一端著於篇以見時人之重君者在彼不在此

況嗣續幼孤事母孝親奉甘旨未嘗缺母老常爲之洗足不假手他人終身務農不苟言笑教子以讀書爲重家法嚴肅長子澤溥舉人次子澤沛廩生人以爲孝德之報云

徐文秀字雅堂少孤事母孝謹承順顏色無少忤母前雖大暑不去巾服隆冬寒甚必親爲煖酒奉甘旨以進數十年如一日

羅豫佑字宗堂永江場人學純良性仁孝母劉氏衰年有足疾不能行動者二十餘年至九十六而終豫佑未嘗一刻擅離親歿茹素諷經鄉人嘉之年七十六



黃國禮家貧事母至孝母病甚醫藥罔效聞割苦可以救親遂藏又禱於神自願割肝禱訖出又刺胸肝外出昏絕移時始蘇持肝歸烹以進母母病果瘳禮瘡亦旋愈是或誠意所感歟然未可爲訓矣

李輝性孝敬年二十母王氏病輝夜半就廚前焚香割股療之病愈里人欲鳴官旌表以事不符例而止時咸豐甲寅三日事也後十六年母卒哀毀盡禮旋病沒

李同英雙河場人生四月而孤母杜氏撫養成立家貧事母能得其歡心雖汗血所獲必供甘旨母卒廬墓數月服闋仍不薙髮不茹葷不踐閭閻歷四年始已時人難之

樊世芹字采軒幼習舉子業不售乃治家性醇篤內外井井事皆理兄早卒遺子一撫之成立讀書婚娶皆身任之後析產族人請多取堅不允至於篤宗族庇寒士人尤稱之

樊江遠字匯川生平不識一字然賦性誠篤幼事祖父能事事循禮食必侍奉衣必整理睡必安其寢處日以爲常至處兄弟間推讓爲心無鉅細不較也

徐錫麟事父以孝聞父文郁病時錫麟已年將七十親侍醫藥衣不解者數月後居喪雖夏月亦服斬衰

江世鼎字漢儒本生父載恬父載彝旌表孝子有傳世鼎年十五居父喪哀毀逾成人寢苦廬墓時食必薦生忌日必享嘗以顯揚爲志入庠後力敦行誼好施濟傳有捐金以息人爭訟事戚尙婚嫁無貲者仗助之義家



多暴齒露骸則剝白骨會爲之埋瘞所行施藥捨棺諸舉尤夥後舉孝廉方正世鼎以盛名難副未赴試

涂湘簾字建屏二區福壽場人也幼失怙年十二主家大書喻義堂三字於庭以自厲母龔氏嘗病癱穢氣難堪家人皆掩鼻湘簾獨不避且常食其中自謂不聞時有阻之者恐傳染湘簾曰子有疾母憂之母有疾忍遠棄之乎雖傳染何害況未聞癱疽能傳染更未聞母有病能傳染其子也何妄若是乃母病未愈而髮匪之亂作家人咸避湘簾獨在家奉母曰賊來願與母同盡賊退家人歸談賊狀母始驚聞共慶安全皆湘簾力也母卒課弟景陸成名兄弟有乏嗣者多方爲之續孀嫂冉氏王氏爲之請旌猶子不才爲嚴約束其孝友如此後分產諸弟以其督家辛苦與之提田

### 江津縣志

#### 卷七之二

行誼

三

不受議薪亦不受曰吾自盡吾分耳他若好施與濟貧活族猶非其大者涂景陸字敬輿文生卽前湘簾弟少嗜學不干外母多病侍湯藥未嘗離左右母沒哀毀柴瘠幾不起嘗家居課徒藉便事親其設教卽以養親事長處世爲人之理相誘導鄉里談教育者取則焉兄弟俱先歿待猶子如子嘗買廖姓田旣成因兄子來言與之接壤欲買之而苦銀不足卽慨然讓並墊款助其事不取息晚年慨生計日艱非講求實業無以自立乃命季子賓門渡日學蠶桑三年返國則出其二十餘年教學所得選地建蠶社一所期振蠶業宣統時勅賜耆老年八十五

民國

陳英江嘉樂鄉人與胞兄英榮同肄業本區高小校十年四月學校被劫



捉將去時同難有胞兄弟者三二爲教員何啟霖何啟泉一爲學生趙崇德趙崇禮一卽英榮英江七月四日匪縛被拉者吼將槍斃陳趙兩學生亦在縛中直前爭死英江謂兄有嫂我一人無妨崇德謂少弟父絕愛我寧死義烈之氣凜然同校聞之皆爲下淚匪中稍具良心者亦相愕視初匪屢欲戕何啟霖啟泉泣請遂解詎是日變本加厲竟害英江崇德於飛龍廟屋角英江年十二崇德年十四俱未冠無字旣兩家各以重賞贖一生子歸英江外取屍銀四十圓得領埋崇德家屬遠未及取屍棄骨荒郊可哀也已崇德合江人附此

按中國最重者家族主義最絃誦者昔賢濟人利物之言津承其流益光大之故其間或以孝友著或以公義著蒸染成風無敢越思懿乎尙

江津縣志

卷七之二

行誼

三

已獨國家觀念則殊薄弱不可爲諱此固數千年之專制使然通中國大地皆然非江津人士之降材爾殊今後時勢一變國體標異思潮斬新我輩國民所以具備主人翁之資格者當別有道勿僅故步自封則尤編者拳拳之意也夫



江津縣志

卷

76999

-6

42280167

41

印1006

人物志下	人物志中
上列女	先列文學

文學

先列

上列女

上

人物志下

人物志中



江津縣志卷七之三

人物志中

文學

元

鄒玉隱居不仕詩多佳句月夜溪行云明月映溪天落鏡急流濺石水圓珠山居云樹色秋來減泉聲雨後增夜飲云清香浮竹葉古調落梅花山行云好景須畱戀浮名且罷休

明

周懷字德字萬歷時明經畱心性命之學精研經史生平著述甚富因亂散佚子祚美祚文祚長祚久祚嘉俱廩生崇禎十四年獻賊大掠鄉里時

江津縣志

卷七之三

文學

一

祚嘉先卒祚美昆弟五人以受國家養士深恩不能殺賊相攜赴水死同時楊氏諸生與之偕沈至今以周楊名溪亦庶幾鮑焦抱木之義云

李昌崇禎己卯舉人生平爲學潛心於博約之旨起居言動隨處體認年七十六猶吟咏不絕著有知非集學者宗之尤精內典茹蔬凡二十餘年

清

夏珙生五歲而孤甲申之變年方舞勺顛沛流離生平於學無所不窺爲文援筆立就康熙九年歲薦性脫略不羈談論詼諧入妙與同邑王名必程于衡爲莫逆交渝守陳邦器雅重之贈以額曰蓋世英才年八十一著有書空錄

碧雲莊詩泉石依然徑自通一行標註綠陰叢花朝定是畱佳客日暮





曾經擁醉翁柳宅桑麻容易變桃源雞犬卻難逢尙堪持贈惟餘此日  
日升騰到碧峯 未老投簪絕世囂鐫銘自譜碧雲高竹生庭際筍穿  
石谿在當門柳過橋不以一官終局戲因之畢世得堅牢流風徒付佳  
山水玄鶴時飛伴野樵

王名必字時可入太學博學高才瀟灑絕俗與遊皆一時名流年七十餘  
著有亦蘭居詩集

山居詩曉日壓簷前椿庭識大年地居何處勝隱只此中偏雖復潛幽  
壑寧辭濟巨川桔槔頻用汲時且見於田 結構雖人境栖遲也自幽  
梅邊和靖宅竹裏仲宣樓伎倆觀山鬼浮沈問水鷗渾然遺物慮何處  
有營求 修竹稱君子喬松號大夫蕭森皆逸品清迴適吾徒風月調

### 江津縣志

#### 卷七之三

文學

二

同冷山林韻轉孤披襟欣眺賞徙倚夕陽晡 宜我宜丘壑幽尋肯共  
誰石癯形自古松老貌能奇按節分新菊乘朝摘露葵去奢聊自足老  
氏是吾師 且復怡清曠那能任陸沈因翻高士傳冷盡世緣心景以  
幽成勝山非入不深北窗堪寄傲長嘯獨橫襟 偶然乘興出興盡偶  
然還翠合雲邊寺青分雨後山一餐薇蕨飽半枕上皇閒不是投詩客  
呼童莫啟關 天際星沙渚江頭薜荔村春深喧雀鳥日出散雞豚筠  
竹森成徑芝蘭香滿園閱來清寂甚銷盡幾黃昏

程于夏康熙歲薦授梓潼縣訓導因母老辭不赴任博涉經傳子史著有  
歷代典故素好施與一日途遇舊傭者衣甚褸卽解衣衣之年八十

程于衡字公權操履端方幼值世變絕意功名力學不倦文章超逸子航



康熙癸酉舉人鹽山知縣迎養不就年八十二

曹龍文號石航康熙乙酉舉人性孝友不問家計好賓客博聞強記每捉筆汨汨不能休富圖籍手一編無間寒暑仕廣西北流令調興業未行病卒

周佑祚康熙歲薦素博學工詩古文詞著作敏捷有倚馬稱書法尤精妙邑士人贊之有胸藏二酉筆妙五花之句年七十

王家駒字子昂年十二補弟子員十九中壬子副榜舉宏博乾隆庚午舉於鄉庚辰成進士歸班選掣廣西平樂縣知縣改教補夔州幼穎異讀書日記數萬言自經傳史漢及唐宋諸大家文皆手錄數次探其精蘊所爲詩古文詞皆自出機杼卓然成一家言宅後築務本堂率子弟並邑人士

### 江津縣志

#### 卷七之三

文學

三

講學其中多所成就先後三十年注錄諸弟子徧遠近改官夔州以教育英才爲樂士風丕振生平端志潔品粹養純旣老而學益勤遺集有硯田草梅影軒文莊彙稿几江課草詩文等集學者奉爲準繩年六十餘

文神傳人心虛靈之舍有神焉世莫覩其形貌每屬文則神應聲而出附筆而動輒隨人意志懽愉憂戚短幅長箋曲折奔赴神能默通於天地古今鬼神人物之故又能遍涉於典墳邱索諸子百家之言可以述可以作可以掃千人可以垂百世變化神明無所不可然是神也孕靈於心唯眞文人名之則至苟非其人召而弗至神亦不靈神喜清喜潔亦不厭華麗但不受人間香火亦非飲食拜跪祈禱所能感得神助者片語落紙一篇跳出至死不朽苟與神遇雖夢寐間時若見之若不與



神接或畢世而不一遇也神無姓氏卽以其人爲姓氏文神之外多有文魔往往使人迷惑憤亂然神出則魔立斬矣杜子美云文章有神又云下筆如有神余恐世人不知文之有神也故竊爲立傳云贊曰世稱太白長公皆曰仙才是文中有仙也文至於仙則幾於不可知矣夫不可知之謂神神與仙何以異哉 梅影軒記舍旁一室如斗大窗疏四壁坐臥其中豁然也其前有紅梅一株覆其簷梅下有池池上有松有柏有竹有桂有蘭有菊有香草雜花閒之而總以梅爲最每當冬春之交絳萼紛披朱英乍吐風月一簾香動遠近臨池而望疎影橫斜與水藻映不減太眞照水西子浣沙正所謂色卽是空空卽是色老僧於此可以參一指矣昔張子野有詩云雲破月來花弄影浮雲破處見天影

## 江津縣志

### 卷七之三

文學

四

隔牆送過鞦韆影皆生平得意之句因自號張三影若茲軒之有梅梅之有影正如絕代佳人顧影自憐風流獨賞彼粗人又安知也以是而名吾軒其亦猶張子之意乎或曰善請登筆而記之 自祝文余生世六十年矣幼嘗從事學業而耗其力於帖括之鑽研長嘗有志功名而艱其過於道里之迤邐亦曾策金門幸釋褐矣而一官晚得乃在乎夔門之內巫峽之前寒氊一席冷署數椽妻孥萃處食指駢連居無儲蓄俸少餘錢惟有書百卷琴七絃筆爲耒硯爲田蕭疎況味迂拙周旋有長卿之貧而無其學有子雲之癖而無其玄旣不能長齋繡佛以參禪又不能秘烹丹鼎以求仙佩惟儒服慕切前賢時尋眺夫諸葛之陣蹟或登覽夫杜老之堂堧摩挲古碣吟咏詩篇慨古人之不見知來者之



誰先蓋幾忘夫老矣之無能爲而猶若壯志之依然噫嘻乎吾生也有  
涯不朽者名傳余閱歷夫六十年中之歲月凡夫榮枯顯晦升沈得失  
之數亦幾推遷矣昔人云老當益壯窮且益堅循分可以效職安遇卽  
以隨緣殆將以無用爲用而大以不材爲材而全今居夔二載鬢髮雖  
不如少壯乎庶幾天假之年而讀書學道以樂吾天 送姪仙芝之蒼  
溪任序余姪仙芝少余一歲幼同學長而相愛也應童試卽同補弟子  
員鄉闈校士無役不從後余以庚午薦而余姪隨以壬申公車北上屢  
從往返庚辰余釋褐需次銓曹乃余姪兩邀選錄且俛得而復失也會  
丙戌春蒙恩挑選分別錄用列優等者多得美官而余姪以歸本省權  
就教職補保寧府蒼溪儒學副缺於其行爲敘一言以告之曰古人云

# 江津縣志

## 卷七之三

文學

五

仕非爲貧也而有時乎爲貧吾姪之仕也其不謂之貧矣乎夫廣文冷  
官也而副席則尤爲閑曹蒼溪僻遠去津邑千里吾姪家口之累至重  
竭其俸之所有以贍朝夕猶恐不給其何以供億雖然貧者莫不欲仕  
而仕者不必不貧吾願姪之勿以貧爲憂也昔者先君子嘗訓導蓬州  
學矣蓬無官舍僦屋而居兩次遷移三年清淡余時與姪甫十餘齡見  
先君子時若不自得於中者嘗書隨遇而安四字置諸座右此豈欲久  
安於蓬者耶先君子在蓬興學設教從遊者眾多有惠愛士人感戴去  
蓬之日攀轅載道攜壺擔簦而送者數十百人今屈指已三十八年詎  
意吾姪重膺此選詩云無念爾祖姪行念之矣我王氏自前明以來高  
祖公嘗以光祿官於朝王父公當國初歷官滇黔著聲刺史余每追念



先烈惟過佚前光是懼居恒與姪讀書砥行亦欲早酬所志而功名遭際若故遲之念我大兄拔薦於前二兄恩薦於後皆不仕進余雖銓選在列而筋力已非強盛顧壯心未已常思出其力以效用當世吾姪而就今職也委贄策名方自此始朝廷用士原不限以官資且安在今日之借補不卽爲異日之起家地也吾姪其趣裏糧速辦裝一職亦荷恩榮昔菴寒氊詎不可以隨分盡職哉余聞蒼溪有游春臺有放船亭是杜少陵之所曾登覽者也吾姪往與其人士游時亦訪焉其亦有樂於此乎吾不虞居者之鬱鬱也爰爲序

夢登峩眉絕頂詩不識峩眉路夢據峩眉巔臨風發長嘯兩手弄青天俯視浮雲馳莽莽若蒼煙寤起門前看明月正高懸 春日卽事春色

江津縣志

卷七之三

文學

六

來山徑池塘碧草生雨晴花影重風暖鳥聲輕覓句隨流水飛觴醉落英韶光無限好一往正多情 月下懷人花發小園秋黃昏獨倚樓故人千里念別思五更愁有雁來天外無書寄隴頭悠悠心似水願逐月華流 晚步晚起傍山行斜陽映夕晴林間飛靄合天半落霞明人立沙無影鴉歸樹有聲回看東郭上月色已高橫 夏日驟雨睡足三竿日已斜驚看驟雨入平沙雲翻風陣飛如馬電挾雷聲走若蛇倒瀉銀河山失色橫流雪浪水成涯片時收拾塵炎去一洗高空散晚霞 沈堅齋先生以詩見貽作此報之凡江秋日晴殊久一雨連朝興抖擻打門誰送一束書展讀新詩恰數首初如碧水對澄鮮又似遠山澄霽後其間卽事與言情客況羈懷無不有繫余作客屢經年趙北燕南動奔



走卽今又復館津城寂寞閉齋笑空守有書百卷空在手有文百軸空  
在口千秋萬歲定誰儔只恐三都還覆瓿沈君風雅自宜人貽我佳篇  
勝瓊玖館署相看咫尺違把詩恨不馳君右來宵明月滿庾樓定有清  
吟思報取 贈調元喻大世兄余祖當國初曾作黔西守署中唱驪歌  
惜別意何厚書贈元甫公詩集垂已久手澤尙如新未能定誰某今年  
館永城喻子從授受敘其先曾祖實符詩一首家世本青箱投贈尤多  
有乃知前輩誼洵屬通家友吾賢本家學淵源自不苟晤言半載餘一  
得聊爲剖今復別我歸綢繆重酌酒臨行欲贈言願我安從取尙念昔  
先人志業當無負吾與子匪佗俱爲前人後喻子記吾詩此意良非偶  
永城癸未重九永城陰雨連重九寒風獵獵號窗牖街泥沒髀不可

江津縣志

卷七之三

文學

七

行坐擁熏爐頻插手悶時強起步衙齋爲索盤餐酌杯酒乘興閒敲一  
局棋歸來一館仍堅守因思昨歲館江城館中諸子今誰某我生羈寓  
夫何爲登高有約空翹首何當安坐向家園采采黃花不相負 寄郭  
茗仙先生三十二韻咄咄郭老真詩狂揮毫落紙偏倔强不畏詩連火  
連忙清景恐失難摹量須臾和我新詩章一往銳氣不可當吟箋展讀  
聲礮礮顧蒙過譽殊徬徨吾聞詩人意興長美人香草寄芬芳仙姿玉  
佩霞衣裳驂鸞騎鳳紛翱翔忽若排雲叫帝閭又若駕海觀扶桑有時  
巨刃摩天揚舉瓢北斗酌天漿游神溱瀆馳八荒吐納元氣何茫茫風  
騷千古未能忘李杜大手真擅場厥後韓蘇可頡頏我欲效之走且僵  
聊爾遊戲翰墨鄉鴉塗累幅疥書堂君胡嗜之如俎菖將毋有識笑其



旁願君好爲拙者藏旅思催人待整裝還知握手定分張兩卷詩成製一囊尙憶瑤華遠寄將夔門碣石遙相望

易卜年字修齡廩生秉性嚴毅終日正襟危坐篤志砥行究心性命之學授徒鄉里多所成就父喪盡哀禮茹素三年居恒手不釋卷邑令曾受一題其齋曰扶桑見字堅穿硯繁露成書苦下帷著有碧雲詩草生平無心仕進故不見知於世云

除夕思親詩懷安作客動經年遙望庭幃路幾千安得道人能畫水扶予壁上駕輕船

王昌年號東山庠生天姿卓越讀書過目成誦凡經史子集無不旁搜博覽下筆千言立就修本縣志省志眉州志人服其該洽所作雜體未付梓

### 江津縣志

#### 卷七之三

文學

八

者約數百餘篇

高縣學宮識碑歌

學宮勅自康熙五十六年前邑令石公造乾隆六十年今邑令周公重修啟土得碑云云周書來徵詩爲

歌其事高州邑治古夜郎特闡文教尊宮牆我朝康熙五十六賢邑宰石

開堂皇距今年屆七十八周侯來尹堪頡頏謁見檐楹就傾圮金碧黝

堊薦無光盡然亟召士夫議重鳩匠石來趨蹌拓基舉木聲邪許歲際

旃蒙日在房金錘丁丁土方啟螭盤巨石當中央水澆沙磨字始見縣

針倒蕤垂琳琅如箝在口難卒讀以指畫肚辨偏旁上推九九先天數

其年欠三今正當

碑文推算先天九九欠三

次及邑宰周繼石經始重修一一詳

鼎造石尹折修周官

癸丁丙壬龍與向

碑文癸丁壬丙龍真穴全

前身後事若相望

碑文要知修者仍是

前生周侯見之大嘆咤此事無乃真荒唐聖人語常不語怪立論詎肯驚



龔言十世可知因損益後之繼周周繼商事雖非誣予不信折簡徵問  
此何祥我思至誠本前知其妙不測神無方經以教世黜詭異列史寧  
必皆渺茫吳王洞庭觀禹籍孔子知是龍威將楚問萍實陳肅失詳及  
土狗與商羊鍾離堂下發懸甕壁七其一張伯藏他如碑墮逢王果沈  
彬催簿亦能量小首兀尾東平子知予心腹漢武鄉此皆先識爲讖緯  
驗之於世如探囊細推元會與運世加一倍算康節嘗侯今爲政臻上  
理更崇正學收狷狂至誠所感靡不屈遂令前古爲贊揚有如劉勰著  
原道夢捧漆器東南行願侯高升極鼎足漢碑語大震六合儒風翔無間  
世世自今始扶持聖道與道相久長 檐前古梅一株歲久枯敗於鄰  
戚丐得昔分旁蘖仍植故處今歲始花因作長句憶昔檐前古梅樹胼

江津縣志

卷七之三

文學

九

肚大腹枝槎枒每當十月葉盡脫衝寒結蕊無爭差頰唇赭頰若醉態  
姣麗放作連天花寒香撲鼻沁心骨盈眸萬疊堆紅霞我祖所種近百  
載嘉樹封殖人矜誇根穿腹豁皮皴裂葉常偃蓋幹橫斜一朝重被封  
姨姪推倒池邊同枯槎眾樹若傷老成去林間寒吹時咨嗟月明老鳥  
飛百匝欲住不得空呀呀當門桃李無忌憚臨春弄影鬪奢華聞得鄰  
家曾移植分丐孫枝情倍加闢地壘石尋舊窟培以黃土覆以沙旁有  
老柏若愛惜嘗以翠蓋爲護遮去年頗覺春意動含羞未肯放霜葩邇  
來亦自學娥媚破萼漸亦綴紅芽有如人家闕門女擁面時露雙角了  
樹木樹人理則一拱把合抱生無涯他年臭味知不異清新肝膽思豈  
邪待爾繼作和羹具無與凡卉爭喧嘩 水車行側立三丈大車輪左



傍田塍右溪瀆時當臘月偶晴霽閒看踏車過山麓三十其輻共一轂  
以竹爲幅木爲軸豎木兩岐承軸端軸轉人踏輪之腹輪邊縛筒五十  
餘人仰輪俯日追逐一筒入水一筒起傾入槽中聲軋軋鑿槽引水上  
平原高田得水低亦足昨朝猶是龜折田今日一陂春水綠 登迴瀾  
塔萬里橋頭閑放艇停橈同詣梵王宮仰穿寶塔登登上俯看晴郊面  
面通佳氣遙連天極北崇岡直擁大江東龍泉一片山雲起肯使無心  
過碧空

潘時鈺號相亭嘉慶癸酉副魁主講桂林几水兩書院孜孜訓迪以立品  
明倫爲要及門掇科第者藉甚候選教諭生平孝友特著喪祭盡禮著有  
水月閣軒課草六卷詩草一卷

### 江津縣志

#### 卷七之三

文學

十

龔佐堯舉人沈酣經史尤工時藝與弟傅堯名噪一時邑中有二龔之目  
張孟衡號芝屏歲貢生學有根柢早擅文譽而品端行方尤足爲士林矜  
式教學數十年從遊甚眾其門下士如袁方城張士彬王克忠張在等俱  
能掇科名有聲黌序平生著述頗富惜後裔式微無從搜輯  
李專號知山歲貢生學極淵博曾與修四川通志生平以詩自豪成都張  
槎仙學博曾選其詩入國朝蜀詩略中

照鏡劉郎謂我醜於鬼其言未免近於毀陸郎謂我美如玉譽之惟恐  
其不足以此懷疑經幾年菱花曉起當窗懸投果擲石皆不與兩賢愛  
憎何天淵他日相逢舉似汝才不才問我中處 遊中崑天下好山水  
君王與佛分畫圖畱古蹟鐘鼓到沙門客繫如萍纜僧攜滿袖雲停杯



問鷗鷺何日許同羣 洞庭試倚高樓望楚天如此長九嶷皆化水三  
峽竟何鄉但覺闊無際誰能測所藏魚龍莫驕怒柳毅在中央 灑灑  
堆誰觸夔山似不周輕拋一柱砥中流大如幘日船皆避削作峯時客  
尙愁江勢遠將辭井絡濤聲怒欲掃荊州請聽雙壁凌霄處盡日寒猿  
嘯未休

江含春宇海平邑廩生少失怙事母以孝聞母沒廬墓咸豐初年徵舉隱  
逸辭不就著有孝典蒙求夏鼎錄金丹疑梓里叢談榜園雜著諸書並編  
校康斌所撰江津守城日記梓行之秀才而能畱心時務者矣

論修山寨書前略吾蜀居民散處昔白蓮教之亂一聞賊至閭里已日  
夜相驚往往一二賊騎遠出百里外連村悉潰賊一大呼卽棄械受縛

# 江津縣志

## 卷七之三

文學

士

壯者擄爲前隊老穉任其屠戮無他居太平久民不諳賊伎倆又進無  
可據退無所依耳川東北一帶未嘗不早團練然僅守一二隘口間道  
不能盡堵賊一繞入開號傷及數人已紛然各鳥獸散不特衣糧盡爲  
賊有衛備之火藥器械反以資寇此雖團練未盡合法亦由無堡寨固  
其心耳近日粵西賊匪勢頗相同團練之際似宜諭民協修山寨山不  
必奇險但使略據形勝卽可修築土城城宜用夾牆中實以沙上以三  
合土砌成尖脊非值霖雨可不苦蓋高不過七八尺上下層各畱孔可  
出鎗礮如城外牛馬牆式價廉工省但使通力合作指日可成或疑土  
城不足禦礮不知礮力雖勁鉛彈陷入沙土不能洞穿況賊大礮無多  
且無直逼土垣用礮之理昔在成都見兵於鳳凰山演礮礮未放時滿



山皆人追旗一繞人皆退避山後礮一過復滿山皆人以貧民掘取鉛彈可以獲錢耳聞劈山礮鉛彈入土不過寸餘以此知大礮攻城亦不足畏凡賊用礮攻城亦無直攻城垣之理大抵多用大銃攢聚一處擊去城堞使城上人不能存立然後兩邊仍用銃猛擊中間卻放空銃令甲士從空銃下匍匐抵城或壘土囊或架雲梯以城上無人不能下禦耳土城以高臨下卽垣偶傾一二亦可設法填塞勝平地石城多矣山來脈處半多平行於平行處開池或浚重濠深闊二三丈有水潴水無水中安釘板或插竹簽築一二礮臺以當其衝又或修偃月城以爲內捍則土城不易攻矣城門不必高大出入僅可容一二人或相地勢築一甕城則門尤固城又不必太大因山大小或容數百家或數十家卽

## 江津縣志

### 卷七之三

文學

三

數家亦可總以互相犄角山寨林立爲妙當賊來入境將衣糧什物悉運寨內老弱婦女亦居其中一旦有警各處號礮一起人皆避入寨內繞城十步築一號房寨民分班以次居守旗幟號令法與守城無異土城外當衝要處設一二關隘使壯士居守又於當途掘暗窰陷坑城頭復設灰瓶礮石一切守器平時習慣鎗礮可擊若干丈竹將軍可擊若干丈弓弩可射若干遠礮石灰瓶可發若干遠一切試定矢不虛發人不虛驚縱有強賊未有尅期能取者也或謂賊夜來劫勢可危畏不知如守營法預設偵探賊至自能先覺且寨中不亂任是如何強賊只敢在外虛喝必不敢輕逼土垣凡劫寨與劫營同大抵乘其自亂乃加攻擊耳或謂居民心力不齊寨長又無軍令一旦賊至必不能守不知人



無論貧富各有身家父母妻孥俱在寨中未有不竭力守者且捨此別無生路不得不相依爲命又團眾大抵相識賊亦難於混入但寨長稍知守法賊必難攻況衣糧盡入寨中賊人無可脇食無所資加以大兵乘壓其後賊必速去吾邑十二都一帶隨在皆崇山峻嶺設險尤易惜民不知土垣可恃動以砌石爲難又不諳守法耳當無事時官號召各團鄉勇雖遠在數百里外不敢不至一旦有警諭以救護必不能來以道旣遠人各自顧其家團首寨長亦不肯自棄爪牙聽赴城邑此勢所必至也欲邑城有策應必附近諸寨多備器械多練技勇官於平時預爲調操然後可使赴援可使設伏近城一二十里寨堡堅固邑城可賴以安如城後艾新坪上游五舉沱下游五里坡隔江高家坪是其地也

# 江津縣志

## 卷七之三

文學

三

昔播州冉氏兄弟請余玠築釣魚城尤賴有青居大獲雲頂天生十餘寨屯兵積粟聲勢互相聯絡合州始賴以全使徒徒釣魚山則我使賊不能上賊亦使我不能下此絕地耳用兵之道能戰始能守然習守易習戰難欲保城鄉當以守爲主以戰爲次凡邑城不能守以鄉先不能守耳隘口各處更當多築堡寨寨果林立賊必不敢入犯且不能遽抵城下吾邑自東自南徑五百里至西至北三百餘里版籍十三萬戶欲使民各有寨計當所費不貲又民可與樂成難與圖始山險之地有爲一家獨有者有爲數家共有者有吝惜山土不使人修寨者有借此居奇非重金不售者非官明白曉諭使居民互相聯絡勢必難就修築經費不過富出其財貧出其力而已凡寨須視大小設立寨長寨副又須



立一費長經管錢穀其中節目甚多要以不派貧民不雜匪類章程預定使有警可聚無警可散不致爲他日累乃爲合法然要必賴官長作主紳衿乃能布置目下四民泄泄有不知賊爲何狀者有妄布流言謂賊不殺貧民只掠富室者要必明其利害使貧富共樂趨赴事乃可成

**後略**

礮臺說礮臺非僅爲用礮計也古者城有堞距五十堞有雉左

傳都城過百雉國之害註以方丈爲堵三堵爲雉其說非也按周髀算經六尺爲步三百六十步爲里信如舊說是百雉不過里許耳築室且至百堵而以城逾三百堵爲國害豈理也哉然則百雉之說奈何曰雉卽礮臺類也古堞高六尺廣八尺五十堞築一雉相距合四十丈城有百雉計丈已四千有奇城廣則雉多雉多則城固此過百所以爲害也

### 江津縣志

#### 卷七之三

文學

古

古今臺制不一廣者弩臺狹者雀臺高者敵臺臺又有虛實之別其上皆可用礮則謂弩臺雀臺敵臺皆礮臺可也礮臺之制酌古準今計當出城延袤各二丈高當較原城增三尺許由城面作磴道歷階而升臺三面各有女牆臺後跨城以建臺廠臺階左右堞缺其半以置絞車若此者有五利焉城無論厚薄有臺對峙兩面可以夾攻城守雖虛無人賊不敢徑抵城下其利一也賊以尖頂木驢抵城守者苦不能下擊賊以呂公車近堞又苦不能直禦得此橫衝夾擊攻器可以立碎其利二也原城狹隘草廠苦不能容得此退步作廠臺高可以外禦廠闊可以庇人賊欲以礮攻廠亦不能及其利三也城面丈許守器苦難展布發礮又慮城裂得此則臺與城共厚三丈發劈山礮亦可無虞礮架礮車



并易羅列其利四也城外築牛馬牆廓落無所依附茲抵臺外角築垣分出段落垣既得所絕城者從臺側上下亦易藏身其利五也兵志有之城以衛人臺以衛城無臺則城雖高厚亦難爲守礮臺之設固不僅爲礮計也津城倘計丈環築一如古雉又何患城不高且厚哉 復巴縣祥公雲樵書前略渝州天險城守最易然明季陷者數四以水陸交衝五方雜處內變難防耳城外民居當有警時非折不可但聞城外不下數千家此輩旣折作何安頓且烽火漸近鄉民百里內外必多入城使盡居城必有難容之勢使各散處又不免爲賊所脇鄙意當團練時似宜勸民協修山寨預籌足食一旦有警民各避入寨內庶民得所依據渝城亦賴以安昔余玠築釣魚城必築青居大獲雲頂天生十餘寨

## 江津縣志

### 卷七之三

文學

五

此其徵也守渝城必守藩籬門戶不待言矣然近亦有不可不防者相傳獻賊之亂川撫陳士奇守下游銅鑼峽復守上游浮圖關謂上下設險賊必難度乃賊登山繞道掠津舟順流東下因江岸無備突由兩路口登岸直逼擂鼓三臺繞至白塔其時渝兵自通遠門出與浮圖關守兵夾攻而賊已伏兵浮圖關外乘關兵旣下一鼓襲其後此浮圖所由失守也鄙意兩路口上似當更設一險江岸賊可登處亦當築墩臺礮臺兼設暗窰浮圖關外又當據險開濠兼築寨堡使與關爲犄角庶賊欲襲關寨民亦得襲其後二郎關左右亦當修寨以禦賊衝凡民必退有所依乃進可以戰且可設伏否則圖練雖勇人無固志賊一大呼卽棄械散走鄉不能守城亦不可支矣竊謂一邑團多豈能盡練居民百



萬寨亦豈能盡修其中有急宜整頓者有可稍緩者當因地分出緩急於扼要處設法先修數寨且親加訓練似城守較爲有益山寨倘據形勝卽築土城亦可土城用夾牆中實以沙礮固不能攻也後略江津守城日記跋咸豐元年秋余得江津守城日記初以津志不載爲疑謂江津志稿出明末龔筍涓周禮嘉守城時筍涓年雖少當亦深悉其事何余江諸人忠義概不一書而志列知縣周禮嘉名亦不言其政績豈蘭會之亂禮嘉竟未守城耶後考明史紀事本末及四川通志始知筍涓志稿邑中明季事殊多未備不獨禮嘉守城一事爲然也按殉節諸臣錄崇禎末獻賊之亂其時署江津令爲衢州方應時獻賊攻之十月不下後城陷應時罵賊死乾隆四十年高廟賜謚節愍今津志無其事

# 江津縣志

## 卷七之三

文學

六

且無其名豈筍涓甲申之變自京師歸亦未詳其事耶大抵津志舊稿本有紀載至乾隆間修志已逸未可知也明史奢安之亂川東邑城皆陷惟合州江津固守四川通志載禮嘉守城歷久不下後城陷旋復觀此始知陷者土城志固可據而大城未陷史亦信而有徵也余江諸人事蹟湮沒二百餘載蠹簡猶在非鬼神呵護忠義不可磨滅不至此余故表而出之以補津志且爲後世守城者法焉

楊曇字臥雲中壩人其先本姓陳陳友諒敗明初遠近宗支爲避禍計皆改姓陽陽楊同音遂訛楊父業醫精外科祝由術生子女六曇其三也性孝友家貧未嘗從師與其兄竹軒讀書一樓中樓無牀榻惟大竹椅二具施被褥其上倦則就榻假寐醒則復讀無閒寒暑樓壁簽貼經史訓詁逸



事幾滿數月輒一揭錄之其勤學如此選拔後不數載遽歿年未四十也  
已刊者臥雲詩草八卷其他稿多散佚云

里人張彝仲詩

序曰楊瓊樓先生者竹軒先生之長子先生之猶子也為予童時識字師先生之嗣續墓在壩中夕陽衰壘令人慨然民國二年予為之豎碑墓側題曰詩人楊臥雲先生之墓并弔以詩刻之碑陰

我生公後將百年我讀公

詩如眼前靈光不散公未死豈為遺蛻悲荒煙我來刻石別有說言之  
感喟生煩煎讀書此間種子絕僂野獷悍殊可憐深懼文獻失厥考網  
羅記載遺前賢後生可畏知何日茲事體大吾仔肩自歎我已半衰老  
從役幸有餘俸錢大書深刻鐫事竣稽首載拜申吾虔陳公詩卷墓門  
讀若有人兮疑飛仙頎然而長貌修偉幅巾拄杖神恬恬漫疑說鬼有  
所託楓林黑塞來青蓮屈騷山鬼豈盡誕尼父亦遇姬文絃文人心肝

### 江津縣志

#### 卷七之三

文學

七

傾吐處我曹性命通幽玄君不見句中神采奕奕字裏風骨尤高騫  
耳目震眩霹靂響虎豹蹲踞蛟龍纏落天走海不復返一瀉千里如奔  
川轉石在巖忽陡住萬仞壁立臨深淵銅琶鐵板聲在耳飲石沒羽爪  
透拳有時拏空鬱律起浮圖百級盤飛鳶有時么絃訝將絕若斷若續  
聽幽泉疑鬼疑神方駭怪珠冠玉佩還鏗然我詩百寫那可狀公如化  
鶴定當歸來華表巔

程綏仁字靜山舉人性敏目下數行家貧年十四卽佐父教授自是且教  
且讀於學無所不窺為文立就優入神品鄉捷後以親在不願仕赴京覆  
試卽歸里主教四方知名之士多出其門其行詣亦極清苦云子德燦舉  
人德輝邑庠



袁虞初縣屬仁沱場人父子嘉保寧教授卒於任虞初尚幼扶柩東歸刻苦勵學食廩餼工詩詞駢文著有微塵集蘭樓詩草

絕句詩斷腸花裏曉鶯啼暗數行程悵落暉妾恨不如春草色青青一路送郎歸 夜坐讀素書詩鹿鹿真無用遺書一再看道心虛室靜人影一燈寒鹵莽談兵易文章報國難幾人投筆去容易說登壇 咏史詩一椎已落祖龍膽不中其如天命何我自報韓人逐鹿畱侯兩字尙嫌多 中原鹿去羣龍起落落高蹤隱遯深垂老與人家國事采芝當日是何心

孫榮毓號蜀芝舉人雄於文嘗主育才書院門徒藉甚著有映雪山房稿邑人羅安慧爲之傳

### 江津縣志

#### 卷七之三

文學

六

傳云先生姓孫氏名榮毓號蜀芝一作述之先世江西太和人後遷蜀至支祖名超者始由巴縣遷江津之思善里遂家焉父三品武生妣氏何先生四齡入塾穎異甚逾年母沒哀毀如成人維時三品公課耕之餘復營商業先生則銳志讀書不稍怠未幾病一目然讀常十行下澈悟冠儕偶諸兄有不解者暇輒就質或故辯難先生則指陳無隱聽者唯唯族兄某心嫉其能陰嗾黨毆之先生苦之則潛往何孺人墓所泣憐之者恒解勸送之歸以爲常嫉者愈不平縛之樹痛加撻楚遇行者呵逐乃已故先生學成恒得之獨悟云年十六補博士弟子中光緒元年舉人一起禮闈卽絕意進取嘗曰吾之爲學每苦鄉曲僻遠無所切磋安得聚有益之書杜門探索以祛吾夙疑哉乃薄游武漢津滬間眺



覽其山水交其文人碩彥賢士大夫與之辨古今上下其議論歸則廣購羣籍日夜循諷經傳子史漸成誦出與人談事理輒娓娓動聽服其卓識以故邑中有大政非先生至則無敢置喙云先生亦慷慨自喜苟有益於人雖忤長官所不恤歲甲申津境荒旱餓孳屬途先生倡請藩憲得減正稅若干石並議開倉放賑眾始安壬辰大足余棟臣藉事仇教聚黨數千人擒其司鐸華某搗毀鄰邑教堂無算教民遭害者實繁當是時間閭承平久莠民從中煽之勢洶洶震遐邇外人之通商傳教者相率遠引事平返其居則浼州縣官償損失輒指稱十數萬官無奈惟苛派民間以填彼慾壑而民教相仇愈深先生則與邑中司鐸夏締結條約願相保護以遏其萌是役也他處派鉅萬吾邑得以平和了結

## 江津縣志

### 卷七之三

文學

十九

者先生力也先生又嘗主育才書院多所造就卒以積勞致疾年五十四卒前數日猶誦尸當葬後休言地人到死時別有天二語殆了然去來者矣配陳氏繼娶楊氏子二長天樂隱農次天俠嗜學不倦有父風羅安慧曰余館孫氏之雙柱山房其明年先生次子從問業見所誦習喜其稟承有自顧未一親炙光儀聆緒論豈先生門牆過峻抑緣會未至耶先生頗富著述惜身後散失鮮存者今秋天俠來渝云官萬縣電局出其遺集映雪山房囑爲校定因撮其大者爲傳以誌弗諼云

楊士欽字魯丞少孤母氏深苦節撫成詳列女光緒乙酉選拔旋中副榜丁未會考貢士簽分黑龍江知縣以母老未就性穎悟強記憶瀏覽經史子集皆能成誦旁及醫藥陰陽諸書兼通西學著述亦富劉澤嘉爲之傳



并詩

傳云先生諱士欽字魯丞姓楊氏邑之鶴山人也楊氏固津舊族之一世篤於學先生性穎異過目成誦不規規邊幅而神思藻如潔如年十六入邑庠旋食餼選拔舉副榜光緒丁未會考以知縣用簽分黑龍江省未就監督中校舉諮議員當是時蜀學孤陋上焉者高談時藝倣岸虛矯實則之乎也者助得其事則舊學之弊號維新者又多耳食得如毫毛喪如邱山膠膠然自私自智其愚則新學之弊先生出始融合之無新舊無中外元元本本明其指歸使人毋以愛今者薄古其用意蓋如此嘗曰學者必先知明堂陰陽之教三正並建之由庶知進化源流前儒於明堂陰陽間有知之獨於三正相循尚未了解按神農耒連山

江津縣志

卷七之三

文學

三

之制顓頊虞夏因之是爲人正家法黃帝首開子建唐堯與周遞相承用是爲天正家法地正自商家外他無可考然甘誓並言三正則上古必有其制疑其出於共工矣至立國主義則天正以神道設教開智進化爲宗地正以控扼形勢富國強兵爲宗人正以農田水利愛養生民爲宗其論孔老墨三家要指曰墨子用夏老子主殷孔子從周曰老子用柔墨子用剛孔子則酌處其中而以縮不縮爲進退不動心章是也論哲理則老子主去故生新墨子主反故爲新孔子主溫故知新論禮教則孔子以禮爲國之本故貴詳明老子以禮爲亂之首故欲盡去墨子思變制立教故崇簡易論神道則老子闢其無墨子言其有孔子亦無亦有其論教旨則曰學私而教公曰學尚開新教宜守舊並行不悖



論學術則曰古人學傳而術不傳今人混學術爲一不效則曰儒術迂疏豈不過哉又嘗讀西書假道於舌人譯筆多得要領遂以之尊孔且證明中學西學異同之點聚一鑪而冶之名曰保粹開新其於理化學則足不履新學校未嘗實驗而所得乃往往矣過所學嘗有學子歸自東瀛與先生談輒喏然喪其守則學子之淺而先生之獨悟爲難能云嗚呼博矣儒天假之年本其所得加以更驗愈疑愈悟愈悟愈造必能成家惜先生卒民國三年年僅五十有四悲已著論語界說讀史界說待梓學術史易學表微未竣論者惜之惟羣經大義行世劉澤嘉曰嘉與先生同里嘗從聽講曩廁中校又樂晨夕嘗謂先生學說乃主調停者先生笑曰吾處世一以調停行之則庶幾哉可以概先生生平也而

## 江津縣志

### 卷七之三

文學

三

先生深遠矣

又輓詩鶴峰高極天上有少微星下有處士廬一燈如豆青借問此何人觥觥子雲亭行誼旣高潔老成垂典型講學鉤其玄朝夕橫六經中外溝通之名理何惺惺至今仰關西風高德彌馨登岱小羣阜觀海極南溟邑中多少年誰則窺其庭 秋風入林木摧折最高枝斯文豈將喪哲人忽云萎哲人一以萎觸我平生思先生學如海我乃蠡測之先生品如玉我乃摹且追一朝講席寒誰歟經人師羊曇過西州中心愴以悲安得蔡邕文大書有道碑

賴汝弼字風琴同治癸酉選拔以內閣中書致仕歸里慨然曰不爲良相當爲良醫遂精岐黃診治不索值貧困者并助之藥餌費數十年如一日



工吟咏著有宛在山莊詩草

擬謝康樂遊覽詩八首晚出西射堂云曳杖送落景逍遙步西城蒼翠  
薄天半疊嶂何嶒嶸秋高碧空淨飽霜紅葉明四野斂暝色嵐氣鬱且  
清平林歸鳥喧古刹晚鐘鳴對此獨徘徊興盡悲忽生賞心幾何時白  
髮頭已盈撫今追往昔虛願傷中情 登池上樓云游魚戲曲沼流鶯  
語春風飛潛如欣欣浮沈悲我躬扶病出郡齋登臨豁雙瞳野水鳴亂  
石遠岫摩蒼穹樓陰匝新綠池角飛殘紅逝者不可留過眼何匆匆何  
日歸舊土慰此離別衷撥雲鋤春藥抱甕灌秋菘敝屣棄微名繕性東  
山東 游南亭云郊原雨初霽日落風氣涼遙岑翠欲滴烟樹青成行  
抱病臥旅館力起來南岡桃李已無花芙蓉忽滿塘青春不可再徒愛

江津縣志

卷七之三

文學

三

夏日長駒隙何匆匆攬鏡鬢髮蒼藥物相因依衰疾羈他鄉安得同心  
人舊林與偕臧 遊赤石進帆海云莫春天氣清首夏野色秀揚帆凌  
泱泱天風吹懷袖瀛壖倦歷覽更窮九夷陋澄波如鏡清魚龍靜不鬥  
釣鼈語何誕求仙策愈謬一氣涵太虛潮汐自昏晝公信避殷祿鍾儀  
戀楚奏浮名安足論肯爲時俗囿全我固然天永保金石壽 石壁精  
舍還湖中作云朝陰秋氣肅夕霽春風和湖水匹練淨雲山佳氣多忘  
機時去來水浹山之阿流連足幽賞宿鳥喧繁柯落霞明翠微新荷勻  
碧波旋歸掩柴荆寤寐獨嘯歌神靜眞自全慮澹境不頗持此問安期  
養年術如何 登石門最高頂云侵晨策短杖勝迹娛林泉積石俛清  
澗雲水相新鮮長風蕩絕壁霽日晞層巔野曠沙岸迴秋高嵐影妍當



戶萬峯合倚室千巖連竹裏覓幽徑回首空雲烟靈竒恆素願變態誰  
能傳不謂倦游日復此浮生緣相賞絕無人舉手招飛仙 於南山往  
北山經湖中瞻眺云南來道路遠大野浮雲低欹岸繫輕棹絕巘試攀  
躋尋幽入空谷輾轉緣荒蹊倚松憩蠟履捫葛登危梯清泉瀉珠玉古  
木森東西回首瞰平湖芳草何萋萋山桃綻紅萼岸柳含綠萋沙暖睡  
乳鴨風高聞天雞盎盎春意滿欣欣物我齊興盡還歸來守拙衡茅栖  
從斤竹澗越嶺溪行云月落雞亂啼行行出幽谷濃露沾林花晨曦  
動喬木褰裳涉古澗迤邐向山麓流泉咽寒石磴道夾修竹旣撥層巖  
雲復溯小溪澳微風從東來波紋縐新穀荇菜何參差菰蒲散清馥奇  
境迭變換隨處娛心曰人生貴適己性悅身自淑寄語塵中人莫誤韶

江津縣志

卷七之三

文學

三

華速 又巴渝舞云巴山突兀立終古渝水滢洄抱山塢居民好武兼  
好樂拋卻戈矛便歌舞秦人失鹿羣雄爭喪中漢帝大徵兵甘在軍中  
效生死隨鑿遙向中原行中原士卒久無敵六軍相顧心驚惕巴人一  
怒競相呼願作前鋒試攻擊戰鼓擊擊搥復搥戰場四面黃飛沙劍鏢  
縱橫飄瑞雪槍尖歷亂舞梨花罷戰捲旗歸虎帳笳聲嗚咽角聲壯中  
天懸月馬蕭蕭一軍齊把凱歌唱良夜迢迢漏漫催歡呼連盡掌中杯  
興酣怒拔龍泉劍隨意軍前舞一面龍婉鸞飛歸部伍周中規兮折中  
矩岷興一代象成功鷓鴣商羊何足數巴渝舞巴渝歌當時節奏知如  
何至今偶出巴渝路但見長江生碧波 巴峽聽猿云萬仞蒼崖夾水  
立瞿塘峽口灘聲急秋風瑟瑟吹行舟夜深愁聽清猿泣一聲入耳一



聲清不徐不急繞山行初疑王子晉山頭吹玉笙靜聽忽在水疑是湘  
靈鼓瑟商弦鳴又似遊子發清興隔江高唱驪歌聲誰家素女怨遙夜  
如怨如慕如泣如訴嗚嗚咽咽難爲情爾胡不平之情在胸臆發此哀  
聲動離思惱人終夜不成眠坐聽疎鐘鳴古寺招招舟子解輕舟一帆  
如葉飄中流猿聲急復急愁人愁更愁故鄉回首雲山隔況我年年長  
作客

鍾祖芬號耘廩生性豪俠博於文生平著作甚多聯語尤奇橫不落窠  
臼著有振振堂集

王香號書腴字蘭亭歲貢生性孝以詩賦名教授四十餘年諄諄以誤人  
子弟爲戒嘗曰讀書先立品有貧而就學者免其束脩一時從遊者眾曾

### 江津縣志

#### 卷七之三

文學

雷

### 長華峯書院與修縣志

家訓十則堯舜事功孝弟而已倫常不知一禽獸耳盡倫清心寡欲靜

默少言精神強健福澤之原保身喜怒哀樂有觸卽應未得其宜傷生

伐性治情立品存心端方正直自始至終庶幾無失持已毅然正氣藹

爾和光純乎規矩外圓內方處世富貴功名原有一定所以聖賢順受

其正安分道人長短伏禍最深三緘銘在觸處畱心慎言濫交不宜絕

交太甚界以淺深權於方寸交友慵工奴僕勿馭以苛一差半錯自己

亦多待人曠功躡等得益何曾宜進以漸宜守以恆讀書館中月夜

懷采三大兄詩太息光陰倏忽過窗前誰復共吟哦疏狂我豈因書誤

潦倒人還任墨磨客裏衷懷歡喜少貧家兄弟別離多含情對月彌惆



悵張孝溪邊又若何

卽水雙溪城南二十五里

涂元樞號靈生知府泰琛之子舉人熙雯之父元樞詩工而捷遊蜀遊楚遊廣西所到俱有題咏曾於百花潭題壁觀察使黃雲鵠見之函訪嘉許延之入署選其詩入百花潭集中惜早卒

袁美琨父名書腴能文章好施與美琨精訓詁通經史篤學不輟鄙棄時藝研究詩古文詞及算術天文地理醫學無干世心時人以書癡目之卒年三十八囑題其墓曰書癡子

張乞襄仁沱場人弱冠遊庠精研詩古文詞兼工篆隸著有乞襄詩草年三十二蚤卒

王孟卿字墨林拔貢生著有北遊草寄情草黔遊草還山草諸詩集惜卷

### 江津縣志

#### 卷七之三

文學

三

帙散失至今未梓

羅安慧字謙甫增生精小學博經史績學士也詩工五古學魏晉而有家人數著有寄廬草詩集崇蘭室詩話待梓

劉澤嘉贈詩籀史久不作斯相亦云亡蟲魚體詁誦跟肘誰能詳我欲觀周鼎周鼎何冥茫我欲考石鼓異說徒披猖賢哉許叔重六書含芬芳部居朗列眉立言戒荒唐如何百世下對之輒望洋二徐豈不偉書缺無光芒少溫豈不貴碑沒苔蒼涼鄙儒喜摩刻海水矜淺嘗訛俗多可嗤斗十馬頭長嗟君性好古披吟日不遑追原造字初雨粟鬼徬徨發爲金石文直登古人堂亂之楮葉中字老而清蒼清蒼復清蒼新書聞古香我行贈一言雅俗常相妨兀兀斗室中悠悠行路旁斯道無人



識不如善刀藏

官清正庠生曾纂孝經註解名培根集行世

成伯龍字飛卿邑中高才生有文名工詩廩生成芝瑞之子也幼失怙恃事繼母蔣氏極周至起居飲食必得其歡心弟佐龍辦理團務十餘年不諂上不驕下奉母極孝事兄極恭伯龍愛之亦篤出入必相告面終身未嘗有怒容伯龍卒於清末年佐龍哀毀過甚數日亦亡

水中天詩天象自高高水光常瀾瀾有水卽有天不知何年始有天卽有水不知何日止水動天俱動蕩漾不能已水流天不流萬古長如此星月倒垂光魚龍驚欲起勿謂不可階下監清波裏勿謂廣無垠分形遍沼沚水清天同色水濁天不滓俯察並仰觀窮形難比擬大呼捉月

### 江津縣志

#### 卷七之三

文學

三

人爲我明其理

劉德萃字雪樵增生性豪俠善劍術博學工詩曾調住尊經書院光緒三十年渡東畢業日本宏文學院師範班歸縣長中學校復任重慶體育校校長及川東師校教習著有北遊記

馬關詩無端拳匪擁神京紫竹林邊炬火明八國聯軍齊問罪東鄰小隊竟先征 從此東池旭日明熊熊作作藐南征山程水驛多神社到處欖槍署太清 恬武嬉文奈若何凋殘棋局賸無多滿蒙一擲家俱壞夜雨秋墳鬼怨歌 攻守同盟願已違爭雄海上祇兵威安徽兩字分明在

余歸國所乘安徽輪卽甲午之役爲日虜去者

問是吾家故物非

山靈如笑水如顰

矗矗豐碑豎海濱十二年前和局事喪師辱國究何人

原十一首錄五首



江世傑字仲韓貢生性耿介重信義儒學李登元卒於署貧不能舉櫬世傑釀金賻之俾歸葬焉文老潔詩亦清渾此次聘修志乘未成而卒

夏風薰字詠南貢生少孤母氏邱苦節撫成詳列女弱冠以文章知名教育數十年遊其門者多俊秀之士性平易近人人亦樂就之識與不識皆稱夏先生云此次聘修志乘未成而卒劉澤嘉爲之傳

傳云同邑夏詠南先生既卒既葬之三年有徵傳於嘉者嘉於先生爲後輩曩在中校嘗共事樂晨夕竊見先生受節母之教之庇蔭以成其名世其家其爲學之專規事之周接物之和霽誘掖後進之眞摯爲不可能也先生生一歲而孤家貧賴母氏邱以養以教俾至於成立幼嗜讀恆中夜不輟飢火逼則取囊中醃椒置口中以爲常鄰有課讀者每

## 江津縣志

### 卷七之三

文學

二十七

講輒閉門先生立門隙聽之欣欣然計所得較面命者恆倍時或嬉戲取蕉葉搏土作孝友廉方四大字節母見之喜曰能如是乎余必成汝志自是遂責長子名風惠者耕而專課先生讀之脩脯則鬻家傳玉釧益以紡績之資使就傳焉先生食餼後始置雙環還之節母曰嚮以學失之今以學所得者彌之庶無憾乎然先生對人言此事輒飲泣若耿耿不忘者其故可思矣先生一生大節在講學在成就後進及子姪若襄地方公務若聯同志反正若任徵收局皆其餘事雖建樹未嘗不宏然綜先生生平計之則不在彼在此先生年十九遊泮工制藝雖老成輩皆已驚之矣越一年設帳於鄉從者曰多以地隘不能容則遷之城先生經史外尤熟盲左及船山遺書寢饋其中有所得則舉以教人受



者渙然怡然不自知其力之疲也點竄文字輒於肯綮處畱意示以筋脈所在如探驪珠如點龍睛破壁飛去人謂先生弟子多騰達者蓋有由矣猶不足則聘宿儒楊魯丞分科講授猶不足則聘夏惠然教法文以故名曰隆當是時清廷詔興學堂蔡令耳先生名延董學務偕往各鎮鄉講說酌提會款成立初小校二百餘所旋辦高小校及師範校任中校教員民國以來任農校教員長聚奎高小校分纂邑乘夏氏之先代有孝子聞人先生出益發皇光大之津逮其子若姪或掇高第或宰民社或遊學國內外咸自樹立有聲譽論者以之功先生先生則曰若等皆食吾母節孝之報余何有焉清宣統元年舉孝廉方正先生赴京一次憑眺其山川古蹟城池宮闕之壯麗與彼都人物上下其議論歸

江津縣志

卷七之三

文學

三

不兩載而川路風潮起吾津志士亦乘間先舉張義旗先生則之白沙伺動靜卽商同鹽防安定營反正後數日重慶獨立先生則之渝聯合一致津得無事癸丑之役水師陳參謀長率潰兵千餘泊城外人心惶恐先生出與陳相見談次陳尙不知贛渝之敗黔軍之將至也則力勸其早爲計迨陳行而黔軍亦颺至津免於難陳名先沅蓋先生舊交云是年任縣徵收局長剔除弊竇以餘糧千餘金撥作地方公用亦人所難者則讀書之明效大驗也以民國九年卒年六十一先生爲人無城府有爭訟輒爲排解處家庭骨肉門生故舊間尤以至性動人獨論古文不輕假借雖前輩蔑如也然以先生弟子林如而身後之文不於及門而於嘉則嘉者儻亦先生之所許也夫先生名風薰詠南其字也抱



子鴻儒舉人子彥儒遠儒一畢業清華校遊美一中校

戴孟恂字摯如優貢幼失怙恃賴祖父母撫成仰事之需專藉月課所得獎金人稱其孝後調住尊經書院詞章典麗所著詩賦刻入蜀秀集中

按近代科學大明文學僅彼中之一隘甚第搜羅不易姑仍舊稱亦名從主人意也顧不能已於言者則以新舊界之戰新毀舊曰腐敗舊斥新曰狂妄斷斷如也而不知其歸無用則一何以故以皆淺故新文體出波濤澎湃勢將捲舊文體以盡則不知行世之文有橫傳有直傳橫傳莫如新文體直傳莫如舊文體二者相倚亡一則跛烏用詆諆哉古人又云一爲文人便無足觀曰文人相輕曰文人無行皆於文人有甚詞則不知文以載道曰星雲雨天之文也山川草木地之文也天地不

江津縣志

卷七之三

文學

三

廢文而謂人能已乎唯是諸葛公爲學觀其大略顧亭林絕應酬文字庶幾知道先達往矣承學之子宜何從焉



江津縣志卷七之四

人物志中

先烈

明

楊正朝向保王日生三人為民兵正德中津賊曹甫作亂按察使僉事吳景適至境入津城守死之三人皆以甲擁蔽吳與賊奮戰併遇害祀忠義祠

按吳景字伯陽由進士累官四川按察使僉事嘗奉其母以行飲食必親嘗非公出旦夕不離側正德五年巡歷川南甫至津寇卒至吳即率兵民城守賊累敗去復盡其黨連晝夜合攻遂不支垂死時呼聖上者

江津縣志

卷七之四

先烈

三老母者二乃仆賊入城大掠於羣屍中得吳面如生為之棺斂設祭而去舊志入忠義祠以非津人而死事甚烈附此

涂用宗字國器號銀剛曹甫作亂佔踞石板井劉家壩劫掠一空用宗督眾於老虎山殺賊目數人賊隊大至又奮勇誅數十人死焉有司奏聞得旨建祠肖像於桐樹坪石寨內用宗舊志入志疑茲據訪稿編入

程玉成字巽生避地黔之永寧州州城被圍城陷死之祀忠義祠大學士程源為之傳

傳云程玉成字巽生江津人曾祖典中嘉靖戊午鄉試令湖廣遠安縣九載奏最刑獄一空例內召時張相居正推重公馳驛旋江陵泊喪擇楚郡邑之賢者襄厥事公不應大拂張相意外補知沔陽州父養憲邑



廩諸生常蚤起見一僧堂上怒叱之僧直入臥遂產巽生五歲能強記  
發言成文十五學大就二十應鄉貢舉京口賀儒珍一見奇之取冠本  
房偶字失檢置副卷第一己卯中鄉試高等癸未成進士起家行人甲  
申春燕破被執計脫之雜傭保中履敝趺穿自山西潼關三秦間道入  
蜀舉義几水大學士王應熊時出督辟置幕府議不合尋去乙酉隆武  
起聞中其冬巽生置家黔之永寧州將赴行在所州守曾巽撰巽生妻  
父也丙戌蜀陷是年春黔亦破永寧被圍巽生巽撰聚家人於署撤草  
木四塞之灌以起火物極力戰守不支城陷巽生歸寓發火火烈躍入  
其中死巽撰遇害州人傷之斂積尸於城北置義冢焉遂莫辨其骨骼  
云一子和尙甫七歲亦死烈燄中論曰巽生茂驥青雲運會板蕩身執

# 江津縣志

## 卷七之四

先烈

二

役作流播蠶鳧將以有爲也而作國變錄者輒污鱗之豈執筆之前未  
諒間行之後耶尙焉得爲信史乎錄出自閩人劉中藻不知其書觀其  
人可也卒之抗義三巴畱參督府所志未就坐困窮城一死殉國闔宅  
碎軀跡其行事不當與張許比烈耶贊曰身可糜也何有乎身後之身  
嗣可斬也何有乎事後之祀存此耿耿不可爲而爲之苦忠以昭乎百  
世

龔懋熙輓詩舉酒酬青天蒼茫不可擬秋風蕭瑟來惻惻懷曷已伊余  
能言時已知肩隨子及長共晨夕屈指三十祀巾履無二製心期惟一  
揆匪以中表故友愛淪肌髓垂髮學爲文青青照閭里王使來采風慷  
慨輒獻技旣得薦賢書兩名亦相比一時從游者不獨愛年齒連帆下



荆吳並轡經宋杞觸目多今古燦燦圖籍裹予獲上春宮君謂道可恃  
退修江之澣焚膏以繼晷予弟字仲武弱齡窺經史與君恣討論融融  
忘居起公車復同行君添手足喜曩歲癸未春王制當大比羣盜滿山  
東南北阻多壘展秋試禮闈予方官郊時管絃必同聽膳肉必嘗旨榜  
放獨君名入官遂同仕早朝不敢後入班不苟訾署冷多閑日探研務  
積累君王昭令德昧爽詔罪已臣職曷敢曠四方惟所使捧節辭端門  
烽火到北鄙狡賊來何疾君側有奸宄明主危社稷豈天仁愛理誰知  
事勢殊天地爲轉徙流覽千載事凜冽光世紀殉節多名賢風聞咸起  
靡金陵龍虎都高皇業所始山川幾萬重間關我與爾泥行則連屐雨  
行則同被頻年帶甲內艱難在眼底昊天未厭亂權姦竊鼎耳黨旤日

江津縣志

卷七之四

先烈

三

相尋坐待王室燬孤嫠徒相恤茫茫無涯淚意氣君過我中飲心如痞  
去年黔陽別消息竟誰似客音昨夜來仲弟悲已矣君之傷心人愁畏  
入君耳白雲寫我憂思君何處是黔陽執手時季弟亦在彼攜去不復  
見兩魂庶相倚尙聞令弟在避居黔之沈寇盜路猶橫未歸我之恥予  
弟惟幼女嬌嬌隨母氏時呼其父啼到晚索翦紙蒼天安可問一別連  
生死壯心那得盡英爽久益蕤青史識行藏勇退無所否予心惟汝知  
垂釣東溪水

龔懋勳字季駿崇禎時明經甲申蜀亂偕程玉成避地黔之永寧州時孫  
可望陷黔窺滇率眾攻永寧州人望風欲遁懋勳玉成與州守曾異撰畫  
策曰州據盤江天險控扼滇黔棄之不守事不可爲也遂集眾登陴守城



陷自焚死祀忠義祠

刁化神崇禎戊辰進士守荆南施歸道致仕歸甲申獻賊破渝化神起兵討賊其眾爲曾英所併復起兵駱駱山王祥擊敗之父子皆遇害詳前事志

清邑令曾受一論曰從來建天下之大功成一代之偉人者恃乎志之立運以識之明豎以節之堅緯以才之大斯四者相輔而成缺一不可也志欲幹濟而識足周之節持凝特而才足副之卒能維旣危之宗社拯一世之生靈自樹若此斯爲全矣然持此以繩人於三代而後往往不可多得則又當權其大焉故明刁化神以進士作戶部郎守荆南施歸道其生平言行居官政績莫可詳攷第其當明季衰亂致仕歸里修

江津縣志

卷七之四

先烈

四

浚城池以衛桑梓甲申獻賊寇蜀屠渝津城失守化神起義兵殺賊僞令當是時十三隘將推曾英爲總統王祥據守遵義閣部王應熊奉命辦川寇總督樊一蘅誓師討賊使化神稍有智略以致仕大員倚毗王樊協心贊畫用曾英王祥等戮力剿寇獻賊不足平也顧計不出此率烏合村農屯游溪徘徊觀望曾英自戎瀘下眾見股栗遂爲所併已乃逡巡逸去跽伏兩載復起兵駱駱山爲王祥擊敗父子遇害夫王與樊皆大臣福王永明詔命勦賊而不知奉其節制共圖興復英與祥兵力最强不知用之又不知與之和協自號好生臺舉止若道士意欲效田單假神師下教故事以爲聳動而師無紀律不加訓練乃提一旅孤軍前無憑藉後乏應援始垂翼於曾英終敗衄於王祥不特獻賊不能誅



宗社生靈不能保並鄉里親戚亦不能衛如走險之鹿因鬪之獸踉蹌而死不亦可哀矣乎是故論其志倡義舉兵亦欲幹濟而識之閭如此論其節父子捐軀亦云挺特而才之庸如此宜爲里人所不滿也雖然化神之自樹洵有餘憾而我輩之論人貴有公評彼其才識不足稱而其志節庸可沒乎夫責備求全非忠恕之道也記瑕棄瑜失是非之公也前人卽未規其全後人並不錄其大不可以示訓也予於化神無由綜其軼事而傳之因論其梗概以俟後之君子有所攷鑒焉

清

袁耿南前辦黔省楊隆喜軍務由增生保奏六品軍功同治元年三月石達開竄境同父炳文子焜象在四坪岡集團拒戰炳文遇害耿南力救身

江津縣志

卷七之四

先烈

五

中四十矛死之焜象罵賊不休賊怒綁屋柱上支解之一門三世均死於難後有旨蔭卹其子焜彪給雲騎尉世襲恩騎尉

高廷輔由例貢捐按照磨職銜素負幹才邑中公事多所贊襄軍務尤出力咸豐十一年滇匪張蔡二股由大土坪竄入游溪廷輔帶團擊之被害甚慘後有旨優卹從祀省垣昭忠祠

劉心科因石達開之亂率民軍百餘人防堵一都支子坪眾寡不敵兼無救援死焉年三十一

劉宗閔年七十四值石達開入境命子孫遠逃以存宗祀賊至脅之不屈曰吾生平不爲非禮事臨老豈爲賊寇黨耶遂觸柱而死賊感之不戕其尸亦不燬其宅



雷齋生平佞佛晚年石匪竄境齋隻身往罵以叛亂賊怒斷其舌不屈死  
樊宗廷雙河場人光緒二十四年爲地方除匪陣亡

程貢三七區人幼業儒宣統時土匪蠶起劫掠無虛日程時授課於玉寶  
山某校憤團練之不能捕匪也則督同鄉勇毅然前往生擒一匪旋以羣  
匪蝟集救援不至遂遇害遺一子僅數歲

卞彝字小吾陰倡革命觸大吏之忌陷死獄中妻袁氏無子撫夫兄穉軒  
之子名肇湖嗣之民國旣成由國民公會陰送其子入南洋大學劉澤嘉  
爲之傳

傳云卞君名彝字小吾江津人豪宕負奇喜交游揮霍無吝色遇不可  
於意輒面折之人以此短君少習帖括然非其所好一應秋闈卽遍求

### 江津縣志

#### 卷七之四

先烈

六

經世書讀之期維新當是時清失其政禍變岌岌君知非革命不可顧  
力未能光緒壬寅入都陰調諸權貴非木偶卽漢奸心輕之革命志益  
堅是年冬出都門南下居滬上得與各報館記者及諸豪俊相往還暢  
談革命事酒酣耳熱擊筑歌謔意甚壯也無何而鄒容章炳麟之禍起  
鄒章固革命鉅子因蘇報案被逮者也君就獄存問密商革命進行法  
並訪馬君武謝无量盤桓數十日反蜀時甲辰二月也抵渝後卽創刊  
日報以伸民氣提倡東文校女校演說會以開民智渝中知己滬上黨  
人音書往來密圖組織勢力漸膨脹爲當道所側目而君禍作矣嗚呼  
中國號稱專制國至滿虜益狡網益密不惟束縛其身體雖心魂亦束  
縛之一般士大夫方墮雲霧中頌功德自若莊子曰哀莫大於心死中國



人心死矣非當頭棒喝無以醒癡夢播革命種子此君之心也鄒章兩志士俱以蘇報得罪南冠西獄顧自官吏言之術猶未工陽予以革命之名益張士氣鼓輿論歸曲政府不如撫拾他小事陰陷之獄中使人不得以國事犯日之啟東西鄰之責言而後可行其暗殺此當道之心也先是君開社演說頗闡發黎洲學說觸忌日報刊行數月觀察賀太守鄂益不能堪謀構陷之而未發也會日俄戰起日人畱渝者多張宴祝捷君亦於報館中答禮賀鄂與焉觀劇時扮優伶登場摹演官場諸醜態鬚眉畢肖君則拍案狂叫嬉笑怒罵以爲歡樂賀鄂大慚憤遂於乙巳四月被逮旋解省入獄君在獄志不奪著有救危血呻吟語等草方事之殷也賀鄂嗾某紳誣捏以他事獄官某司獄某又陰受長官意旨必死君顧罪狀未明莫須有三字無以服天下疑忌生怖竟死獄中身被七十餘劊無完膚同獄隔室之王佑生亦死焉當事者遂以仇殺上聞哀哉此戊申五月十五夜事也君固與鄒章交好受甌亦同而冤烈過之乃事有聞有不聞悲夫君死時年三十餘劉澤嘉曰余不識卞君識其兄穉軒爲言君事甚詳余悲其志不伸而賈恨以死甚矣慚又慨夫滿清之官府之狂狴黑闇至此則吾民之憔悴何如哉卞君死三年而成都有同志軍之役

民國

孫承先唐正興承先字滋圃鯁直廉幹練團有聲民國元年八月因議公務赴永興場之毘那寺匪首景林譜程文屏謀知潛率黨徒狙伏寺前九



里許林菁中以待孫歸過此匪突出彈裂其腦死焉時鄉民唐正與獨奮不顧身擊烏槍擊賊亦遇害都士人慟惜不已開會追悼並於畢命處各作冢形豎石碑二高盈丈題曰義士孫滋圃先生死事處義民唐正與君死事處省公署獎孫匾額文曰以死勤事三年罪人斯得十年孫子鏡清爲請川督熊克武題碣而封其墓焉

劉澤嘉輓詩不戰沙場竟裹口拈毫和淚寫哀詞萑苻盜起橫行日湯火魂飛絕命時生更無人知李涉死當殺賊傍要離櫓槍氛重鄉雲惡獨立蒼茫有所思誰掃烽煙靖一方劇憐當道盡豺狼陰虧蔽天無日百鬼猙獰夜有霜大好頭顱拚棄擲至今魂魄久低昂臨風獨弔萑宏血壘上蕭蕭木葉黃煙籠寒水月低空山鬼淒淒語晚風樵採

### 江津縣志

#### 卷七之四

先烈

八

幾回悲死土桐棺一例蓋英雄棟樑摧折干戈際荆棘縱橫道路中西望鄉關倍惆悵何人黽勉尙從公玉出崑岡火竟焚聲聲鄰笛不堪聞一朝悲憤千秋史萬丈光芒數尺墳人物可憐淘去浪書生應悔學從軍西風逼起中年感纔哭鴿原又哭君謂余有從弟之喪故云程彙珍畢業重慶軍校授連長熊克武討袁之役兵敗慘死妻余氏聞變及其女旋自盡詳列女劉澤嘉爲之傳

傳云中華光復之二年袁世凱蔑約法謀不軌賊殺宋教仁於是黃興起南京李烈鈞起江西柏文蔚起安徽胡漢民譚延闓起粵湘大討袁時則蜀軍第五師長熊克武亦以偏師起渝中期響應不幸敗走軍官多死江津程彙珍之死尤烈彙珍者津之杜里人也其先籍楚世業儒



曾祖靜山祖春臺俱以名卒廉先後主邑中講席門徒藉甚父多方生父多文均力學不求聞達蓋將留以有待也至前清光緒丁亥秋杪烈士生當是時春臺先生主聚奎書院夢一釋子登堂對坐久之不言去亦不言住驚而覺次日得家書知生孫則大喜後歸見其頭角崢嶸目光炯炯愛之甚甫三歲教之讀輒成誦因視之異於羣孫烈士亦岐嶷不常修業過人祖孫相樂也歲丙午春臺先生卒烈士始之成都入商業專校將業畢矣鐵路潮起烈士則歸故里沿途演說聞者皆歎服改革思想躍躍然動居無幾清帝遜位民國羸建烈士投袂起以爲今天下用武之天下埋首章句作酸秀才奚爲哉則赴渝考入軍校次年畢業學科最優輩派爲見習排長駐萬縣以清鄉力陞連長隸第五師十

## 江津縣志

### 卷七之四

先烈

九

八團熊軍旣失敗烈士猶在萬未得確報秦軍攻之力七晝夜不得息烈士見眾寡不敵且力竭則潰圍出身負數創復擊殺數人腹中彈傷退奔九思堂坐死路隅敵軍颺至見其身著軍服爭支解之以爲功嗚呼慘矣妻余氏聞耗號泣數日不食亦不言忽鄉中風傳新軍府行查抄黨惡余氏則手利刃殺斃其女將以自刎家人圍救得不死入夜乘間自縊方手及其女時幸其遺孤撫乳媪家中得免夫婦人孰不愛其子女至呼天搶地一瞑不顧第覺此身此世俱可厭而彼呱呱者益不欲其偷生息遺種於茲土以示決絕儻所謂千古之傷心人非邪推此志也雖萬劫不復可也越三載靖國師起洪憲告終熊克武歸自東京鎮渝中徵求遺烈邑紳以烈士事陳請得邀卹典養孤子劉澤嘉曰嘉



從春臺先生遊時烈士方執筆爲文聰穎甚羣期以遠大呼小友豈料其凶札哉草此傳悵悵者久之蓋不僅爲烈士悲矣雖然烈士殉國烈婦殉夫出自一門非先生之遺教烏有此哉則又破涕爲喜且聞烈士有子矣

吳庶修字治咸李市場人嘗肄業渝中已而授徒嘉平鄉迫於貧非所樂也民國初入重慶將校學堂升四川陸軍軍官學校畢業後授排長隸第一師駐瀘及帝制發生陰謀倒戈向義苦未得閒時師長周駿受袁氏任命爲崇武將軍督川率師西上暫駐資中庶修與同事蕭江護彈藥赴資中途至裨木鎮裨木鎮者內江之重鎮也白馬廟在其南義軍駐焉二人欲解赴義軍因就商於輜重連長吳慶銓吳佯從其說而密報於團長張

### 江津縣志

#### 卷七之四

先烈

十

鵬武鵬武卽派兵前往脅制初庶修肄業軍官學校慶銓曾任教官庶修以爲可親故與之謀至是悔已無及抵資鵬武送二人入師部師長欲明正其罪以無實證恐激動軍心乃佯委二人至內江任連長事以軍士兩班隨行至資屬黃天沱軍士突將二人槍斃投屍河中而去事後土人陳毓乾通信其家其父遣人撈取屍骨卒未獲方庶修之入軍官學校也遺書告父曰畢業當捐軀起義爲民國史冊上增一線之光以遂平生之願竟如其志曾著陣中日記大意以改良軍紀爲主有子三人俱幼五年人先烈祠

陳作煥字肅方四川陸軍三師五旅九團一營營長靖川之役編爲第六路一支隊一營營長九年九月奉令進攻龍泉驛激戰七晝夜一日晨刻



攻至山頂張飛營身先士卒中彈死劉總司令存厚照上校例從優給卹並治喪費銀一千圓

李善謨李欽承長冲場人欽承急公義辦團得力遂與匪仇二年爲匪戕用煤油焚其身父善謨亦同時遇害知事龍鑄人上聞請旌給卹

樊瓊章周平軒蔣榮修蔣壽昌俱五福鎮人二年秋因李洽堂家被劫率團奮救眾寡不敵殲焉無何甲長賴樹堂亦斃於匪

陳文波陳若膏雙龍場人文波性直不阿喜急人難任二守鎮練長勤於捕匪七年靖國軍興匪勢猖獗一日突來股匪冒充軍隊竟將文波戕害子若膏亦同殞命

萬文彬字香初五年春因保衛地方擊傷北軍一人遂被北軍旅長齊燮

江津縣志

卷七之四

先烈

士

元戕害詳前事志惟文彬解部非刑拷訊三次斷左脛骨脫右小指一備極慘酷一夜縛赴通遠門外槍斃年三十六無子聞者哀之

何海棠三年張匪行劫伏牛場道出海棠甲內海棠督團堵截被匪燒殺年五十六

鄒洪良家貧爲北軍輸送軍火至廣興場橋溪口被北軍槍斃投屍於河團局領屍葬焉年三十九

鄒學才家貧充龍登團巡丁匪劫人學才鳴鑼集眾謀堵禦遂斃於匪年四十

周昆成李春廷劉必先俱充賈嗣場練丁時匪在第二團屬地溪門口劫船該團練丁十二人出擊被匪捉去賈鎮聞報前救三人奮不顧身死焉



昆成年三十七僅一女妻杜氏爲之守節春廷年二十六有子一必先年二十三

李鏡清西湖場人性仇匪匪聲言報復鏡清辦團益力二年巨匪萬國忠出不意將鏡清捉去槍斃鏡清無子撫族姪爲子

劉玉如先峯場人七年任本地保董時有楊建章之兄溥泉因案被逮力請玉如以保董名義當堂保護玉如謂伊案與地方無涉不得牽及公事未允殊溥泉死後匪首周海清等與溥泉同爲漢流兄溥泉因銜玉如次骨突將玉如捉獲遂遇害玉如無子其弟蜀才遍控各署將周海清等捕獲正法案始結

鄭銀洲黃泥場人時倡議辦團正集合間匪突如其來將銀洲斫死屍斷

### 江津縣志

#### 卷七之四

先烈

三

爲二銀洲死後其子亦亡遂無人稟案

莫啞巴黃泥場人三年巨匪黎炳成等白晝行劫與團眾鏖戰啞巴持刀傷炳成右腳炳成被獲送案獎啞巴錢六千匪徒仇之踰年啞巴深夜睡熟被匪徒捉去刳爲肉泥哀哉啞巴無親屬雖稟案亦無人跟究

周銀廷清平場人充本鎮練丁羅姓家被劫銀廷盡力追擊竟爲羣寇所害公署給銀三十元卹之

楊肇靈邱海川周炳生施澤民劉斗寅趙廷武蔣榮臣龔海山王烈武王正武十人皆民國八年保衛蔘柳場而死焉者也肇靈嫻兵術任該場鄉軍教練是年八月十六有著名匪首老鐵劉七黃憲章長腳老順等統匪黨六十餘人半扮商人袖匿手槍半作搬家模樣以步槍藏於捲蓆木櫃



之中乘趕集人多混入營門擊斃衛兵二人蜂擁而入是時肇靈兵士僅七人在營急率之舉槍擊匪當斃匪一人傷數人匪見兵氣銳甚乃退出營外一面將街房燒燬一面呼肇靈兵繳槍肇靈聞言大聲罵匪不止匪怒復羣起進攻肇靈再督軍士與匪死戰鏖至兩鐘之久勝負未分終以彈盡勢窮救兵不及與兵士海川等均殉難而死

彭彬和文四海充三才鎮練丁七年捕匪被害縣令按戶出六十錢卹之冷吉冰充嘉昇鄉練丁因大碑有匪攔劫行商吉冰追捕至綦邑李師壩兩角口中彈死

傅海清充嘉昇鄉練丁在仁邑八字橋與匪接戰身死

凌洪章劉炳章充嘉昇鄉練丁聞匪劫綦邑平灘場派探匪情被匪捉至

### 江津縣志

#### 卷七之四

先烈

十三

#### 藍家橋戕害

吳海云王見之李安棋丁少云俱嘉昇鄉練丁在牛老坎與匪接戰身死

陳海雲充柏林場練丁匪劫場海雲戰死

何海清七年與匪激戰於碑記巖中彈死海清亦嘉昇鄉練丁也

鄧銀廷熊長安孫少江李碧懷俱嘉昇鄉壯丁七年匪劫吳肇衡家銀廷等聞警追捕至黔省綳邑之高橋河與匪接戰均死

劉長發充嘉昇鄉練丁匪劫金銀場長發追至綳邑泥壩大坪子與匪接戰轟斃

周維新刁建章鄧銀山七年與匪戰中彈死

蕭子君陸海廷七年任二守鎮第一團練丁九月匪首周老沙率數十人



來劫子君與海廷等九人盡力抵禦激戰兩小時力屈而死子君妻陳氏守志撫兩遺孤尙幼

樊銀廷三才鎮人攻匪死者

劉集雲一德鎮人捕匪死者

溫贊廷刁占雲夏春榮陳維周吳建書張春元李銀廷周玉廷余國臣九人俱民國十年剿匪死者先是贊廷於民國二年任二守鎮練長注重職務嫉匪如仇在本鎮先後斃匪首多名如陳烟單碗劉金麻子周東劉漢州黃輔臣等或潛匿紅巖洞或盤踞木魚山或嘯聚華蓋槽小甕塘一帶爲害一經攻擊立即破獲卽同族爲匪之溫樹廷溫童子輩亦送案正法可謂大義滅親者迭經縣署請獎給四等文虎章五年巨匪嚴榮廷糾合

### 江津縣志

#### 卷七之四

先烈

四

千餘人圍邑城贊廷率隊救援圍立解六年滇黔兩軍圍城贊廷擊退之九年川黔戰起貓峽一帶匪乘勢猖獗贊廷則防範北岸兼顧縣城方面不遺餘力卒當黔軍出走羣情洶涌之時秋毫不擾贊廷有力焉老沙者匪魁也在江巴交界地肆行搶劫經贊廷攻擊數次斃伊棚匪二十餘名北岸地方稍獲安靖又巴縣銅饋驛圓明寺彭家場等地常有股匪分踞聯貓峽匪爲一氣遠近受害贊廷奉命由彭家場攻出銅饋驛沿山搜索計或斃或虜共二十人以上奪回被捉男女至七八十人固不僅在璧邑匪巢奪轉糧民萬卷書左宇周等也已贊廷辦匪不分畛域不畏艱險如此而對於二守鎮與九如鎮密接之登雲坪長冲等處尤爲注意十年剿匪飛龍廟竟死之飛龍廟者嘉樂鄉之轄地而全津之門戶也匪首周漢



江盤踞其上時復下竄三鄉爲之糜爛是地又與黔邊綦合毗連此攻彼走兵退匪還迄無寧日贊廷屢奉調前勦至是復聯綦合黔邊各軍協力進攻贊廷行至梯子山深溝絕壁正擬攀援而上突遇伏匪竊發居高臨下施放快槍贊廷受彈三猶大呼殺賊者再遂與練丁刁占雲等同歿嗚呼壯哉贊廷死後家貧親老子僅數齡極蕭條云

按孔曰成仁孟曰取義殺身之道由來尙已唯是不武之民族恆爲勢力者強迫壓抑以死悲憤填膺鬱不得伸甚矣億夫民氣強弱就個人言之似無足重輕其結果乃至關國家前途之或存或亡所謂國於大地必有與立是也民旣脆矣誰與立乎古人云死或重於泰山或輕於鴻毛西人以自殺爲志行薄弱之徵則吾人之死生亦必有道矣

江津縣志

卷七之四

先烈

五



江津縣志卷七之五

人物志下

列女上

明

周氏女周宏智之女年十七母喪紡績養父不出戶閩正德中流賊劫縣與父被擄不屈賊怒併其父殺之兵備何副使旌表優恤其家

魏氏女魏尙元之女年十七時謠傳賊至女與母嫂約曰賊至寧死不辱既而營昌兵涌至其門舉家驚走女卽由後門潛出至石梁投水死嫂知非賊追之弗及

胡月蟾年十二遇流賊月蟾與祖母許走藏張家巖下賊搜獲欲殺許月

江津縣志

卷七之五

列女上

蟾乞以身代賊併殺之人稱孝烈

周正明妻牟氏正明於明末避亂遵義娶牟氏克勤克儉正明客死守節撫子俟蜀平後攜子扶柩旋里家貧紡績度日諭其子不就吳三桂試年八十餘

鄭濂妻楊氏年十四適濂事翁姑盡孝闖賊入蜀偕夫逃奔他無所攜惟取鄭氏族譜一帙囊負自隨一日賊追急或勸棄之泣曰鄭氏由宋元迄今數十代宗祖皆在其上遠負至此義豈敢棄後免於難而譜得保全無失

鄭裔昌妻況氏甲申寇亂隨夫避津之濛溪漕遇賊賊美其姿逼之氏負其子赴巖死



朱旋妻胡氏年二十而寡四十子婦俱喪有孫方六月胡紡績撫成清節  
凜然壽九十

曾子遷妻胡氏年二十而寡撫二歲子勤勞度日清節著聞壽九十六  
江厚妻秦氏年二十四厚於龜停山溺死秦至溺所泣投水數次眾力阻  
而止龜停之水洶涌凡溺死無獲者秦誓死不還臥水坎九晝夜竟得夫  
屍還苦節至七十歲卒

梁松妻曹氏夫卒矢志不二抱子顯用爲嗣底於成立後以壽終  
夏至善妻黃氏年二十六至善卒誓不再適紡績自給年八十

清

查氏女查文仙之女名祉姑字夏應祥未歸應祥天亡祉姑涕泣易服嫂

### 江津縣志

#### 卷七之五

列女上

二

慰之曰豈無高門大戶妹何泣爲祉姑曰人非狗彘何出此言耶遂自經  
雷氏女雷長春之妹名福英年十四慧悟絕倫頗有鍼神之譽富室某請  
至家作女紅母與女偕往已而有謀娶之意以示其母英聞之對母而泣  
曰如若言掬西江水難洗此恨矣是夕含椒自斃

魯槐英魯昭姑邑人魯大堯之女家素貧母早喪二女見撫於祖母黃女  
頗穎悟其父嘗取孝經女訓教之黃沒後父以事羈城未歸二女苦炊爨  
無水因共出行汲鄰人竊笑之二女憤極閉門數日不食死

劉大姑幼字何之文及笄聞大姑貌寢願解盟姑誓死不二守貞以老

劉桂英字胡萬盛未婚夫卒桂英矢志守貞甘貧茹苦年逾六十

程氏女程占文之女父母俱歿惟幼弟甫三歲女矢志不字撫弟成立閭



聞譽其清操

張氏姑幼許字程有名年及笄有名出外不歸姑矢志守貞年逾五十幸氏女幸棠之女許字劉淮道光九年于歸淮病垂危倩扶成禮越十日淮故女堅心守節繼夫兄子承嗣

夏氏女幼許字袁志懷未婚而志懷卒時女年十七聞訃誓不他適父母哀其志達於袁就喪哀毀三年服闋刺面隨父夏景薰至湖廣穀成縣任每食必涕泣念翁姑及其夫後歸勤紡績積資與夫化祔後以壽終

劉氏女幼許字徐杰未婚而杰死女聞知日以香帛望祭而泣母欲另配女泣曰兒幼字徐氏死亦當歸況並無伯叔若另配徐家老父母何依父哀其志商之徐徐迎於家成服執婦道以見翁姑抱子立嗣初翁有田數

江津縣志

卷七之五

列女上

三

畝足資衣食值歲饑失業女與子造香以供朝夕及翁姑相繼歿時有勸他適者女拒云初志謂何今雖飢死無恨矣聞者媿服後子娶媳無出俱亡女年七十猶能紡績自給每遇時節祀父母翁姑及夫墓必泣年逾九十無疾卒

江氏女幼許字周光第光第卒時女年七歲聞信卽哭泣不止稍長父母欲另配誓不改醮矢志守貞奉雙親以終

譚國良二女長大姑次么姑國良家貧僅育二女幼好潔靜及笄父母爲之擇婚二女以兄遠貿無耗見父母年邁常病誓不字人俱願紡績養父母以終老大姑年六十卒么姑年三十六卒

楊氏女源誠幼聰穎嘗讀書至孟懿子問孝章歎曰人子事親生養葬祭



始終具矣願改男子裝矢志不嫁取名源誠父母曲從其志分田二十畝以給衣食從此事父母以終其身年八十一

袁氏女幼許字潘泰禧未婚而泰禧故女年十六願歸潘成服抱子立嗣誓不他適年三十四卒

胡氏女性至孝甫孩提人以果餅與之必父母先嘗然後食年十六父病母亦患腳疾出入賴人扶持雖有兄日在外奔馳家計父母欲爲擇配女泣於母曰兒若字人則母誰奉侍耶遂誓以養親爲重終身不字盡孝守貞年八十餘

周氏女幼許字陳昌寅未婚而昌寅卒女年二十聞訃以香炬望祭而泣誓不他適父母哀其志達於陳就喪執婦道以見翁姑撫夫兄子玉書爲

### 江津縣志

#### 卷七之五

列女上

四

嗣初有田數畝足資衣食值歲饑且兼兵燹遂失業女仍歸父家日勤紡績以供衣食年五十餘

詹氏女貢生詹燦之女名續璋幼知孝敬母多病奉湯藥無倦聞媒妁來輒掩泣母問之女曰無兄弟代子職者吾耳及生弟三又爲擇婿女泣曰雖有諸弟尙幼且女年已三十餘矣復何忍舍病母而適人父母以其志堅聽之父歿哀毀不欲生母病甚籲天請代割股和藥以進夏日爲驅蚊徹夜不寐如是者十餘年母歿後日率諸弟獻酒食如生存人以爲難龔氏女貢生龔定璣女名長姑幼字同里王用均將于歸時用均病故姑聞訃披服過門敬事姑嫜撫夫弟用弼子名繼榮以承夫祧姑性激烈平居言笑不苟見有稍違禮法者輒嚴斥之子居七載卒年二十四



羅氏女羅廷瑜之女幼字同里劉氏子以不善經紀家遂窘甘請退婚女聞之曰焉有既許人而又他適乎遂誓守貞事母年六十

廖氏女廖素貧年方數歲字鄭仕光爲童養媳未成婚仕光出外貿易不知去向數十年訪問無迹人有勸其他適者女誓死不二年七十餘

戚成勳妻廖氏遭獻賊之亂夫遠出氏獨居四十餘年成勳歸卒偕老焉丹稜彭端淑爲之傳

傳云廖氏者蜀江津縣民戚成勳婦也成勳僻居山中值獻賊變倉皇奔竄廖弱不能從不得已置之去廖堅閉重門自誓以死遲數月賊不至倉中積穀頗饒資以食數年荆棘叢生蔽其宅遂與外隔後食漸不繼向宅池邊種穀續之以草爲衣四十餘年亦不知成勳之存亡生死

### 江津縣志

#### 卷七之五

列女上

五

也成勳竄入黔中久之別娶某生子二人年六十餘歸訪舊里是時天下甫定川中土滿人稀田園半沒深箐虎豹豺狼出沒縱橫人跡罕到無從覓其故居但識其向而已因倩人力持斧斤斬竹伐木數日望其宅頽欹尙存大樹如圍自屋中出微煙出沒異之固不計其妻之猶存也及近宅廖忽從樓上呼曰汝輩何人成勳惶怖失色倉卒厲聲答曰吾此宅主人戚成勳也廖窺視久覺衣冠迥異昔時而聲音容貌彷彿似其夫泣語曰君妾夫耶妾廖氏也可將君身餘衣褲與妾得蔽體相見成勳怪之然聽其言似非無因卽解衣擲樓上須臾氏自樓下面目黧黑髮亂如蓬成勳恍惚莫辨廖備述其由兼言當日事歷歷夫婦相泣如再世人偕至鄰家復自黔挈妻子還年各九十餘始卒彭子曰嗟



夫獻賊殘蜀古未有若斯之酷者也當是時父子兄弟夫婦間其得全者亦已僅矣廖氏熒熒一婦人獨守窮野荒榛中與成勳別四十餘年卒偕老死毋亦有天幸耶向使氏迫於勢一死無餘世必無有知者事固有奇異不可測若此耶余丹縣南竹林寺楊氏女與母同居事母孝母死不字入山采黃精食之體輕能飛往來樹間父老猶及見之後莫知所終其事固與廖氏類歟

胡元龍妻王氏幼年親疾刲股獲瘳于歸後元龍病劇氏又刲股和藥進卒不能起氏守節課子子列庠

安敦典妻王氏敦典病劇氏刲股以療不愈無子守節事姑誓無二志楊夏錫妻劉氏夏錫故事繼姑盡禮捐百餘金建石橋行路咸利賴之

### 江津縣志

#### 卷七之五

列女上

六

李璲妻梁氏璲歿事孀姑以孝聞勤苦持家漸致豐足捐貲建祠置買祭田以供春秋祭掃鄉里賢之

白渙妻周氏渙長而不慧百事需人翁以幼年之誤聘也倩媒氏達意解盟氏志靡他願歸渙成禮後凡飲食起居無不曲意調護並無嫌怨

袁毓秀妻江氏性淳懿無疾言劇色年二十歸毓秀逮事王姑烝烝色養袁家不甚豐而能急人急江氏多方贊助代人償負常塞戶限諸弟婦咸姍笑之氏略不介意歲歉家無三日儲鄰有不舉火者卽以其粟與之生三子而夫卒茹貧矢志撫子成立壽八十七孫坦舉庚午孝廉猶及見之葬石馬坪坦請於座師陶澍爲立墓表

楊德彝妻曾氏明經曾貫之三女適楊氏生子爲城南九歲夫歿氏年二



十七性堅貞善教育子未弱冠卽命捐修巴江橋並設五福場義渡置田以供經費設義田義學以培植子弟爲城二十二歲卒媳穆氏無子亦矢志不二乃命撫長春爲嗣而又抱爲壻爲己子俱成立授室兩世孀居節義並著云

高煦涵妻張氏孀年二十二事親教子不爲蜚語所動有魚肉之者畏其明慧皆不敢欺家道日興邑人鄒德槐爲之傳

傳云高煦涵妻張氏江津人年十七歸高氏五載而夫遭重疾時同里有詣劍山拈香者氏詰其道里遠近每夜焚香計程拜禱數月無稍閒迨夫病彌留又割股以進卒不起歿時囑其事親教子毋以身殉氏泣而領之未幾雙親又見背利其產者中以蜚語又誘使改適氏置若罔

### 江津縣志

#### 卷七之五

列女上

七

聞時長子廷輔甫三歲次子庭軒方一歲氏乃爲冊籍其田宅器用錢穀徧邀族戚及欲魚肉之者庭言曰未亡人不幸疊遭大故苦無以自明今繕三冊一存族某處一存戚某處一氏自存年年此日煩諸公畢來較量查其有無侵蝕俟二子成然後已焉凡族黨中有不足於用者不妨明告若前日治喪時某某所爲真欺孤孀寡也至外侮之來諸君皆先人戚誼諒不坐視而未亡人亦不爲所愚幸垂念也於是向之思中傷者皆面赤心媿利其惠又畏其才今其家豐裕十倍於煦涵在日矣

進士李昉妻王氏姑病劇氏兩割股以愈疾其姊韓氏因姑病亦割股謝代興妻張氏在室時父病革割股以進幸無恙于歸二年夫卽逝撫孤



數十年里戚有欲舐其股痕者張卽泫然不忍示人

羅豫廷妻秦氏翁病刲股以救夫病氏又刲股年六十二病中恍見一長者叱之曰婦手何爲剜肉乃爾秦告以故命之起遂甦病亦不藥而愈年七十五

趙尙質妻楊氏素以孝謹聞姑張氏疾日奉湯藥月餘愈篤人皆以爲不治忽豁然起眾驚異知氏刲股以進也氏之第三女年十七適壁山黃在中甫半月值姑病亦刲股救療

楊爲麟妻鄒氏三載夫歿遺子宜春氏上事重幃下撫孤子值姑病篤氏刲股和藥進宜春成立勉以大義偕其叔建置義學義田議敘縣丞

楊爲鼎妻幸氏卽上鄒氏之弟婦孀年二十遺一子鐸事姑承順無閒言

### 江津縣志

#### 卷七之五

列女上

八

與嫂氏刲股療姑疾鐸年十二卒乃抱麗春承祧方週歲氏苦節教養勗以大義偕宜春襄諸義舉議敘縣丞

鄭颺妻程氏姑病劇氏刲股救之暮年已病其季媳樊氏侍奉湯藥數年不倦

羅富年妻李氏年十九于歸值翁病彌留刲股以進越五載翁與夫相繼故遺二子世培世珍氏苦節自誓事繼姑孝養備至更爲諸妹擇配撫子成立家政肅然次子世珍弱冠遊庠以增貢生選大竹縣教諭迎養學署年八十一勅封孺人

吳杞妻古氏生子甫二月杞卒氏年十九矢志撫孤翁姑相繼疾亟氏先後刲股以進



杜鍾杰妻王氏姑病劇氏割股救愈

王言士妻何氏孝養翁姑勤勞備至

張子卿妻吳氏武庠吳關書女弱歲歸張張耕田自給時值修造傭工數十氏入門遣去庖役炊爨獨任舅性嚴峻見氏勤且儉事事得歡心頗爲感悟姑體羸多病生少子艱於拊畜氏中饋畢卽抱弟於懷飽以乳己子在旁弗顧也母家貧年老無依氏恒避人掩泣舅姑憫其情命之迎養屢分甘旨不能齒決調羹粥以進勺飲之十餘年如一日母以考終壽八十六繼姑氏蹇年相埒雙目忽瞽氏事之愈謹扶行侍食跬步弗離蹇遜謝氏下拜曰我家婦也道不自盡何以教家耶事夫尤敬順遇拂意事得一言盡爲和解生平聞賢媛懿行卽津津樂道遍傳妯娌暮年尤喜人談因

江津縣志

卷七之五

列女上

九

果終日傾聽不倦年七十七長子在以明經註選州判次子暨副榜候補學博孫壽鑣邑庠

王明遠妻袁氏年十四于歸次年夫遭毒病半載間勢已垂危氏割股救療後年近八旬夫室並存創痕朗見

周王氏邑舉人王廷瑄女適周事姑朝夕不倦夫病數月割股以救持家亦極勤儉

鄭子成妻鍾氏天故時累債百金生四子孀姑年逾八十或勸他適氏泣曰我去姑誰奉子誰撫夫死而未亡人之責尤重於是晝灌園夜紡績自茹蔬菜作粥奉姑典釵鑽爲姑置棺姑歿後百計經營債悉償四子亦能耕讀人稱爲女中丈夫云



王李氏援例提舉銜王裕昆之母性純孝姑病劇氏情急割股和藥以進後請於部得旌表

陳嘉愿妻郭氏夫病兩次割股和藥夫卒奉養翁姑如夫在時撫二子成立次子貴基道光戊子科舉於鄉

舉人王大鑑妻張氏夫單傳北上歸卒於路氏苦節自誓倩人扶柩回籍安厝時孀姑老且病嘗湯藥奉甘旨無倦容歿後喪葬盡禮子三皆幼弱家貧以女紅助脩脯期承先志同治三年旌表

周思俊妻王氏生一子世矩夫卒矢志撫孤家極貧數日不舉火有勸之者曰適某出入可轎守此呱呱將來無片木掩屍若何氏曰如竈前至竈後有轎則可不然我即餓死我兒以樹葉掩之瞑目矣其矢志如此

### 江津縣志

#### 卷七之五

列女上

十

張成應妻鄭氏生一女夫家貧負債將氏他嫁得錢五貫氏聞之泫然曰吾一婦人而事二夫不如死乃自縊李令表其墓曰節烈

王賡堯妻劉氏偕夫往候姑姊是夕姊夫某與賡堯同宿劉與姑姊宿內室異榻某乘夜盲爲賡堯劉覺自經死

周正明妻王氏夫出外有戚胡某窺其獨居欲污之不從夫歸泣訴遂自縊

王治澤妻劉氏拒姦自縊

王友良妻涂氏拒姦被殺

王劉氏民人王應彪戲言褻狎氏羞忿自盡

楊正倫妻何氏夫與蕭雲禮褻語戲謔氏不受蕭污讎自盡



廖志悞妻向氏氏適廖越三載無出夫病氏煎藥調治朝夕不遑及夫歿含殮後哭泣哀痛入室從容自盡

張濤妻周氏濤病臥侍奉湯藥月餘衣不解帶夫歿泣不食營葬畢遂臥床不起視之已服毒死

曾紹先妻尹氏夫食泰寧營守糧出師湖北陣亡氏聞凶信痛哭不已絕食七日死

王廷芝妻周氏夫故遺一子甫數月氏哭泣絕粒欲身殉因念宗祀矢志撫孤未幾子天時以家貧乏嗣勸其他適氏聞之恐奪其志投水死

唐德彩妻楊氏楊啟麟之女母病刲股以救父病亦然年二十四歸唐未及一月夫出外貿易氏敬事翁姑獨得歡心越五載未歸人言異鄉病故

### 江津縣志

#### 卷七之五

列女上

十一

翁姑令再醮氏悲惋自盡

舉人程于淳妻冉氏南充人父世維任南贛分司于淳捷鄉闈作贅婿結縻甫半月公車北上逆奴謀殺于道冉閒關千里泣陳有司執奴論如法歸養孀姑抱子承祧苦節五十一載

王啓甲妻陳氏于歸六載夫故氏年少無子家又窶父母欲奪其志不從抱子崧爲嗣撫育教誨艱苦備嘗康熙末年攜子至津入籍登己酉賢書未幾崧亡撫兩孫長政修列庠

貢生龔瑛妻李氏年十九歸瑛而寡遺孤孫禮甫二歲教撫成立以明經入貢氏平生事翁姑盡禮知縣余甸馬蕃先後旌其門壽六十一

楊均世妻龔氏孀年二十一撫子鍾秀入太學侍奉翁姑養葬盡禮壽八



十四

貢生龔孫祺妻李氏于歸十載夫卒生三子多方善教長子承以明經入貢孫亦成名年九十四

龔榮妻楊氏于歸七載而寡氏侍奉孀姑教子成名次子作梅貢生四子為楷孝廉

馬子玉妻鄭氏孀年二十五家貧甚鄭紡績度日撫二子一女事姑盡孝養葬祭備禮年七十二

袁志琳妻王氏年十六于歸甫一月夫卒無子事姑以孝聞後姑歿氏堅貞自矢依母家數十年壽八十二

程眩妻夏氏于歸五載而寡二子相繼喪氏撫孫成立年八十四

### 江津縣志

#### 卷七之五

列女上

七

陳離斯妻吳氏離斯庶出氏奉兩姑咸得歡心以婦兼子節孝並著庶姑失明尤竭力扶持

楊鳳鳴妻袁氏于歸七載而寡生子早夭氏撫遺孫成立兩世苦節壽七十一

羅朝照繼妻周氏年十九于歸未幾夫卒氏矢柏舟有欲奪其志者控于官事乃寢守節三十餘年

陳江妻胡氏夫卒無子遺二弱女矢志守節居貧茹素歷四十餘年人為難

程霞琳妻夏氏年十六于歸未一月夫卒翁姑以氏年幼恐難終節氏剪髮自誓事翁姑克盡孝養隨翁程昇赴任西和憫獄囚苦寒製衣給之年



五十餘

簡中楹妻謝氏夫故家貧翁姑年邁有勸他適者氏不從日勤紡績奉親育子兼撫季弟幼子成立翁歿姑病風癱侍榻九載不倦歿後殯資皆氏苦力經營始藏事

成學純妻謝氏于歸五載夫卒無子女氏痛夫無後矢志自守抱子立嗣貧居紡績茹素自甘苦節七十五年

李經妻聶氏夫亡姑年七十餘家貧氏紡績以供甘旨遺孤開泰甫週歲撫之成立

白鳳廷妻胡氏夫疾篤刲股救卒不起氏欲身殉因姑與太翁姑猶存四子尙幼不果苦節三十餘年

江津縣志

卷七之五

列女上

三

鍾文成妻張氏夫故子汝受尙在襁褓舅姑皆年近七十舅有腹疾氏獨力摒擋養舅姑盡道撫幼子成名

周召頡妻李氏夫故氏紡績養姑延師課子守節四十九年

劉宏杰妻刁氏夫故時孀姑年逾六十氏事姑盡孝訓子厚基弱冠捷鄉科守節二十六年

刁邦趾妻王氏于歸半載夫疾篤兩次刲股無效舅姑皆年近七十舅尤痼疾久臥床簣氏極盡孝養撫遺腹子才尙貢明經

陳汝義妻袁氏夫故舅姑年逾六十長子五歲次三歲氏養親教子極有禮法舅姑年俱八十乃終子孫循謹向學能世其家

戴魁元妻廖氏子爲楷妻張氏廖年十九夫故孀姑年近六旬勸子甚氏



從容慰姑曰婦道子道當以身任事姑二十年存歿盡禮子爲楷娶張氏生孫仁沛甫三歲爲楷早喪張亦矢志如姑姑媳相守孀居三世

龔子然妻潘氏在室時母病割股和藥救瘳年十八于歸子然子然力學病瘵氏復割股以救夫歿氏紡績養舅姑並延師課子在燕舉于鄉年饑自食菜粥堂上甘旨不缺族黨稱之

曹南吉妻王氏夫亡祖父母及舅姑俱存婦兼盡其職姑體不耐暑每夏終夜不寢氏伴坐往往達旦姑臨歿握氏手泣曰汝侍我一生不懈願汝壽高於我且令汝子孫事汝如事我後果然

王澤潤妻蘇氏夫歿矢志撫遺腹子舅姑年皆七十餘左右就養竭力承歡族中有謀產逼嫁者氏矢死拒之

### 江津縣志

#### 卷七之五

列女上

四

黃天成妻陳氏事舅姑得其歡心撫三子嚴於訓課長女歸蹇克承母訓教子滋善成進士

楊欽龍妻蹇氏孀年二十八時有奪其志而分氏產者氏峻拒乃攜三子歸依父母督子耕讀數年乃歸舅姑歿氏力營喪葬父疾氏籲天願以身代自夫歿後得眩疾以遠嫌不令醫診視偶食野葛病輒痊或疑貞節所感云

梁天順妻蔣氏夫故家貧力耕以事舅姑親族欲奪其志力拒之夫弟卒婦更適氏獨力奉養後衣食頗充

鄭席珍妻陳氏生一子世清夫故時子甫週歲氏撫孤成立例貢成均歲早捐賑全活者眾



樊臣妻李氏生子在輔夫卒氏矢志撫孤時有謀奪其產而陷其子者氏百計支持卒能保全

王錫謨妻胡氏夫故家赤貧氏上事孀姑下育幼子歷盡艱苦氏家有勸氏改適者氏誓死不從

劉仕富妻王氏于歸後夫患風疾數年不起氏湯藥扶持無怠色翁姑治家嚴氏屈體將順及翁姑與夫相繼歿氏營喪葬心力俱瘁撫遺腹子成立娶婦生二孫子又卒氏復撫二孫四五年二孫又相繼歿婦亦他適氏熒熒自弔誓死不渝夫從弟澤善為作苦節傳刻之宗祠

鄒毓厘妻左氏年十五于歸夫臥床不起氏調侍湯藥半載而夫卒矢志守節繼姑病風亦臥牀簣扶持侍奉十餘年未嘗稍懈撫幼弟之子為夫

江津縣志

卷七之五

列女上

十五

嗣苦節凜然

李大郭妻王氏夫故子旋歿抱子立嗣家甚貧紡績養姑姑病割股以救龔夔龍妻王氏于歸二載夫卒家人或憐氏年少勸之改適氏聞言憤激半晌始甦曰不圖以此等人視我遂鳴咽閉戶不與人接即至親罕見其面後抱子承夫嗣

戴國楨妻何氏生二子夫故氏撫孤守節創新家業次子相武娶婦何氏即氏猶女相武早卒婦亦矢志如姑撫夫兄子為嗣節著一門鄉里賢之高椿妻程氏夫故遺子文海甫八月有勢豪侵其田過半氏襁負幼子泣陳有司舟至東海沱觸石將沈眾駭氏呼天曰我死不足惜兒若沒高氏之嗣斬矣大哭足下若有物載之遇救得免氏善持家子亦克守先業云



蔡照烈妻程氏孀年十九遺腹生子應嗣上事孀姑下撫孤兒辛苦備至  
應嗣甫婚旋歿復抱子應宗爲夫嗣孀姑七旬餘病風不能行飲食起居  
皆氏扶持歷久不怠

江質衡妻賴氏夫故遺腹生子爾昌氏苦志撫孤成立娶媳連氏未有子  
爾昌早歿連氏痛不欲生性最孝矢志奉姑寢食不離左右以慰姑心人  
稱賴氏節亦敬連氏孝

程璉妻周氏生子繼祖先卒僅一孫甫成立又卒立姪孫桂爲嗣氏養舅  
姑盡孝救夫嘗割股艱苦備歷耄耋熒熒歿年八十二苦節五十七年  
李訓妻刁氏于歸六月夫故無產可依仍還母家紡績度日或勸改適卽  
不欲生以夫兄子承緒爲嗣

### 江津縣志

#### 卷七之五

列女上

六

鄔毓增妻涂氏巴邑生員涂鍾璜四女夫卒氏矢志守節日夜悲啼兩目  
俱瞽抱子爲嗣

郎官均妻王氏邑舉人王寶年女年十九于歸夫已病氏親嘗藥餌左右  
扶持不憚勞苦及夫病篤氏割股和藥以進一歲終不起氏日夜悲啼次  
年歸寧旋病卒其叔昌年哭以詩云憐渠方婉孌已作未亡人和藥爲剜  
股銜哀竟殉身堅貞全烈性清潔表彝倫最是彌留語經年痛尙新

劉瑞生妻趙氏生子半歲而夫卒氏矢志撫孤家貧至采葛爲食娶媳生  
孫數人

陳子玉妻吳氏生一子大鏞三載而孤氏撫之成立補弟子員卽朝夕承  
歡未嘗一赴省試後其曾孫光黼舉孝廉光照廩生



李登聯妻楊氏子懷福妻陳氏孫文泰妻曹氏曾孫崇山妻吳氏玄孫永振妻曹氏俱青年守志艱險備嘗數世節孝萃於一門鄉里賢之

卞世榮妻袁氏本黔女適卞年二十二而寡偶歸寧則姑弟相繼亡無以爲家氏奔回里守姑墓年三十六卒夫兄卞世繩爲之傳

傳云卞袁氏古黔仁懷邑赤水里袁選儒長女也十七歲來歸吾弟世榮事姑孝族黨稱賢婦乃成婚未幾而世榮旋以病亡袁氏慟絕者再及甦聞姑哭哀甚乃強慰姑曰兒婦在姑勿過慟徒哀亡兒無益天不絕兒後俟吾弟有子即可承祧越數月姑囑袁氏歸寧無何姑遘厲疾死弟世熙繼亡袁氏聞知遙哭大慟誓死星奔垢面不食者累日乃袁氏有強阻其歸志者且戒之曰汝一家亡矣汝無嗣汝將歸歸於何所

### 江津縣志

#### 卷七之五

列女上

七

袁氏且慟且憾訣其父曰兒生歸卞氏爲卞氏人死歸卞氏爲卞氏鬼兒不得歸兒頂上髮當翦遺卞氏兒死無恨其家屬謂仁邑距津道遠終不遣還袁氏私命其弟送歸卒不果袁氏乃哭別竟往伯父述儒家泣訴其本願乃得歸馳至津邑囑肩輿先至亡姑墓大呼冤哉天迫吾姑慟絕久之乃甦曰吾當歸伯父性成家守墓以畢吾志嗚呼無翁姑無伯叔無兄弟子女無財產廬舍無以爲家並無以爲生古今來未亡人多矣未有如此之熒熒者而氏獨有死無二竟守姑墓以終何孤窮一至此哉繩哀其志謹錄其實以待采風者

刁世繡妻夏氏年二十五生子湘甫七月而夫故族有謀產者百計害其遺孤氏極力周旋備嘗艱險撫子成立



吳學開妻王氏生子仕鴻而寡年二十七撫子成立娶鄒氏生孫紹興甫三歲子媳俱故撫孫成立生曾孫世榮九歲紹興又故撫孤三世守節五十三年

刁鳳岐妻劉氏刁鳳年妻周氏劉年十七于歸內助稱賢生三子而夫故年二十六歲矢志撫孤時弟婦鳳年妻周氏亦孀居年二十八歲撫育二子熒熒孤苦道光壬辰學憲黃表其門曰一門雙節劉年八十一周年六十九

羅鳴泰妻周氏夫故時子錦章甫週歲繡章甫六歲氏矢志撫孤成立事翁姑能得歡心居喪盡禮與妯娌五人共事炊爨數十年不聞詬誶王欽奇妻饒氏氏生平事翁姑孝教子有方秉性淑慈持身端謹

### 江津縣志

#### 卷七之五

列女上

六

劉繼權妻王氏氏生平勤儉持家事翁姑必具甘旨

唐學倫妻田氏夫早故遺一子名光和事孀姑克盡孝道子甫婚配旋卒遺一孫其媳亦矢志靡他人咸謂唐氏一門三代節孝

鍾聲旦妻謝氏鍾體昌妻邱氏謝子歸四月夫故一生不履戶外子姪輩亦罕見面爲人溫和勤儉紡績度日事兄嫂維謹無子撫夫猶子體昌爲嗣娶邱氏甫一載體昌亡邱氏亦矢志不二抱子毓橋爲嗣每念兩世孀居姑媳恆相對泣人稱一門雙節請旨建坊

楊增發妻張氏夫故田無半畝形單影隻抱子立嗣有勸他適者氏正色拒曰先太姑蹇氏建坊旌表世德猶新幸無爲此不入耳語也同治十年學憲夏題節孝永彰四字邑令周題彤管揚芬四字並勒於石



李思華妻陳氏孀年二十九撫三女一子子婚嫁畢囊橐告罄繼以張匪之亂子死於兵又撫孤孫紡績度日口無怨言嘗稱其先人之訓曰餓死李門骨亦香人爭誦焉

陳登榜妻盧氏孀年二十一無子時夫弟登舉夫婦早逝遺子於忠登科夫婦早逝遺子於學氏代撫二孤成立於學庠生於忠廩生

龔文濱妻敖氏夫故遺二子長相次梅梅娶後旋卒媳王氏同志守節吳令贈淑德流芳四字孝子黃啓順作姑媳守節合傳

劉有義妻趙氏卽咸豐四年旌表劉免之妻周氏媳也孀年二十九家極貧賴鍼帶度日毫無怨言嘗云吾家數氏皆單傳賴姑守節始有今日若不撫子成立則先人之嗣自我而斬何以見祖宗於地下乎生平慈恕好

### 江津縣志

#### 卷七之五

列女上

九

施與聞人貧苦輒涕下年六十八長子鼎列庠

謝興基妻曹氏性勤儉家富不廢紡績好施與苦節六十餘年孫曾滿目五世同堂以次子錦蓮援例參事府主簿誥封孺人年九十三

卞致妻高氏孀年十八遺一子允欽翁姑病割股以救喪葬盡禮胞弟夫婦早亡遺穉子代爲撫育如己子然

吳文沛妻傅氏夫故翁姑年邁遺二子俱幼家素貧俯仰無資時有勸他適者氏泣拒之朝夕紡績養老撫孤無倦容

王朝澤妻孔氏孀年二十六翁患風痺誦經祈禱茹素三年舉動不苟雖至戚家不恆往子孟尹列庠

卞暉妻劉氏夫故遺二子元善元祀元善娶胡氏甫生孫章華元善卒胡



亦誓不他適未幾元祀章華相繼夭姑之外惟一媳媳之外惟一姑族舉人卞澤官憐之迎其家就養年七十三

秦萬祿妻陶氏翁姑年邁侍奉十一年無倦容夫弟幼撫之成立嘗被惡族欺侮善能以禮自全生父歿氏以子職自任具棺槨葬之

吳永貞妻夏氏姑病癱瘓臥牀十餘年湯藥盥洗皆親任之祝哽祝噎無倦容歿後喪葬盡禮

楊繼妻王氏善事孀姑子國槐娶龔氏生孫家海國槐卒龔亦矢志不二人謂一門三節

卞氏女卞世琮之女許字同里游姓未嫁因與寡婦王楊氏有嫌遂造謀誣其不貞女聞之憤自縊死監察御史譚言霽爲之傳

### 江津縣志

#### 卷七之五

列女上

二十

傳云烈女名已姑四川江津人明漢陽知府孔時八世孫孔時事具明史馮應京傳有名神熹閔苗裔世以儒學著烈女祖曰玉成教授鄉里父世琮樸魯而貧佃同里寡婦王楊氏田烈女幼聰悟喜誦古格言如朱子家訓等略皆上口女紅少暇卽請其祖爲講說長許字同里游姓年十有六未行嘉慶壬申冬隨其母周至從祖叔父世繩家與王楊氏同途而先之楊謬語其儕曰卞已姑淫而不檢已似有身矣時烈女族姊適聞之以告已姑之母其父猶未審也十二月十五日世琮使其猶子詣楊質以途中語楊不能對因令卽日親至烈女家謝罪已姑初不知乃憤責楊氏謂我處閨中與爾守節無異爾果無過人敗爾節爾心甘否爾今以此污我我可以質天地鬼神爾必遭陰譴旋取束草強納



楊氏懷中曰爾雖食穀與食草者何殊可盡齧此楊懾其氣默無一言  
眾勸釋之乃踉蹌歸歸而謀益險矣游姓有中表戚杜者亦耕楊氏田  
明年春楊俾以謗語達於游杜未卽往楊又與夫姪王佐城謀遺之白  
金一笏欲閒伺烈女出強犯之以實其誣而烈女未嘗獨出計不行旣  
又求佐臣謀楊氏家饒於財而佐臣年二十餘名爲從師讀素無行乃  
謂多爲匿名書置路衢其事密足可誑眾楊喜曰汝好爲之此聲旣揚  
游家必悔婚則汝謀納爲妾卽彼族人興訟媵之而後遣諸費吾亦任  
之吾憤洩亦遂汝願矣由是口語藉藉者數月而烈女家皆未知也楊  
氏猶恐游之弗聞也五月初六日楊置酒於杜使延游之諸婦飲游吳  
氏卽烈女許字威姑也楊偵其至己乃至中酒楊語吳卞女本有淫行

## 江津縣志

### 卷七之五

列女上

三

去冬怒我誣彼辱我甚今彼自敗露徧傳謠歌亦豈出我口者吾姪拾  
得一紙卽取諸懷中以授吳速其罷酒往探且謂有身已數月恐匿不  
出見耳吳氏辭楊強以酒激以言逼杜家婦偕往已姑之母怪其來暮  
微詢之吳已醉具以頃所聞告世琮聞之哭呼女曰冤哉兒今不得顧  
羞忍矣遂入持已姑出拜吳曰王寡婦去年以浪語啟隙謂吾女有孕  
今又閱六月矣吾女至清白且天時向暑可解衣對人卽褫其衣烈女  
體故豐碩先時聞誣謗者頗多信之於是時吳慙謝云楊氏實使之不  
然本不敢來烈女大哭入室呼天稱冤者三俄而寂然聞有若頽牆者  
其父母驚急叩戶戶閉毀戶入血流滿地亟扶起左頸半斷惟喉未殊  
客惶懼流涕去烈女久復甦數念性成叔祖龍堂叔父白父母寄聲爲



兒雪冤已而又言兒一時憤激故至此毫無所楚決不至死願父母安寢無爲兒慮明晨到縣理冤兒不死矣勿因兒故憤念成疾母信其平曰無妄語又女有從母前來省姊囑令守視烈女伴寐久之夜分得便自縊父母覺而趨視竟環結不可解且深入刎創中遂不救天未明世琮馳至世繩家泣訴其由朝食時游懼累及亦遣其子持匿名書來離婚世繩取書鳴於官鄰里惑浮言僉云請官無驗視從俗也越四日邑令來世繩銳以身任之詳陳顛末及啟視自腰以上腐餘如生竟處子也嚴鞫之盡得其情楊氏所授書卽佐城手蹟也烈女之冤乃白其死之翌日白霧漫十餘里官啟視時候有數蜈蚣長八九寸緣几案間不去又徧循羣飲於杜者衣裙及楊氏佐城乃止圍觀者咋舌震懼亦奇

### 江津縣志

#### 卷七之五

列女上

三

矣哉爰書定楊氏流三千里未配廋死當佐城絞旨賜烈女坊銀三十兩祀邑祠如例論曰丹書之銘牋口有戒王楊氏自多其財遂過生毒悍而愚矣佐城儒冠儒服奔欲忘身逞謀助虐卒與偕斃玉碎完璞圭玷難磨得不傲哉

劉爲楷妻潘氏于歸九閱月而夫故抱子立嗣克成家道邑人潘時鉢爲之傳

傳云太孺人潘氏字佑祥拔貢新都縣教諭埈公長女年二十二歲歸邑庠生劉君爲楷甫入門劉君病已篤太孺人脫去簪珥躬職醫藥竭誠盡力期以格天暨瀕於危夜焚香潛禱刲股入藥以進凡九閱月劉君竟不起太孺人飲泣毀瘠痛欲捐生繼念所天託以撫孤大節遂誓



死稱未亡當劉君疾革時嗣胞姪爲子命名曰士錚方二齡有餘自是含悲鞠育備極艱辛與劉君胞兄名崇基者同居時有喬獄之仰及士錚稍長遣從師受學爲之娶母家姪女早歲抱孫如是者垂二十年厥後徙居祖宅太孺人總持大體委家事於子婦曰新月異孫曾競起田園豐殖爲鄉里所推重士錚就例按察司經歷藉償其讀書之志族戚具詞以節孝聞於縣縣以達於大吏大吏入請道光二十年奉旨俞允旌表節孝今歲鳩工劈石建坊宅前有合古寵異門閭之意於是太孺人之業成矣劉君之志慰矣嗣子之克肖見矣而坤維之德洵足以啟後人邀天眷有如是乎或曰太孺人未及事翁姑何以稱孝不知守苦節延世祚使宗祀永遠不絕此乃孝之大者非徒在服勞奉養間也爰

## 江津縣志

### 卷七之五

列女上

三

書始末梗概以爲閨門之儀表云

某烈女某烈婦不知其里氏石達開之亂被擄行至白沙劉氏五桂祠側罵賊不屈死里人就其地建雙烈祠祀之邑訓導張選青爲之記

記云我國家削平大亂命有司採訪忠烈賜以卹典與至渥也江津遭髮賊蹂躪幾徧大江南北殺身以殉者不少而五桂祠之雙烈尤奇壬戌春石逆突擾白沙擄一女子一少婦至劉氏五桂祠欲污之大罵不屈誘以甘言罵益厲懼以利刃女子與少婦曰死則死耳何懼賊怒先殺女以示少婦曰不從者視此少婦曰汝技止此耳復大罵不絕口憤脫臂釧擊賊遂死之夫見危授命士大夫尚以爲難而不謂閨閣中乃有此激烈不回之氣不惜一死以全其身殆坤維之正氣所鍾歟劉會



九孝廉聞自賊中逃出難婦言之甚詳且述其慷慨赴死之狀亦甚悉徧訪鄉民無有知其姓字者是以未經申報深以爲恨因募同人就殉難之地爲祠以祀之顏曰雙烈祠而囑余爲之記後之君子感燐火之熒熒而憑弔歔歔亦以見我朝扶植綱常振興節義雖窮鄉僻壤女子婦人視死如歸竟凜然不可犯噫可謂盛矣

刁煥春妻韓氏子增文妻羅氏增仁妻張氏避石達開之亂賊至均死焉合州舉人伍凌霄有序

序云刁母韓孺人及子婦羅張津邑奇烈也按狀同治壬戌髮逆薄邑之筍里居民四竄母從容率二媳出叢冢中得一穴母謂媳曰吾老婦耳無他虞汝二人年少當急避促之入媳曰姑在外何忍也俄母遙見

### 江津縣志

#### 卷七之五

列女上

五

賊縛其子歸營趨而往救至營泣懇賊憐而釋之出營母命子潛逃己將回顧二媳焉詎二媳當母去後少頃慮母有失同出尋之半里許卽遇一賊抗然與鬪角持間母旋至乃奮臂當賊毫無懼色目視媳曰汝輩自全勿復我顧二媳遂乘間溺於范家塘賊怒甚直及母胸罵不絕口而亡此三月二十七日事也嗟夫當是時賊雖慘毒固未置母於死也而忽焉死於賊者自死耶抑爲媳之名節而死耳滿腔貞烈垂老畢見豈不卓歟若二媳者始也顧母之身而不欲偷生繼也順母之意而不惜一死大難旣臨時不忘母是此日之貞心非平日之孝念所蓄而發乎余謂母一生之節烈特因媳而始顯媳一身之節孝亦因母而兩全危亡在俄頃堅貞聚一門正氣凜然於茲不朽固刁氏之幸歟抑亦



津邑之光也嗚呼烈哉亦奇矣余身列名教雖雅不善文而有發微聞  
幽之責爰不揣固陋特爲之合贊云坤有維女有節維不摧節不折才  
氏一門卓然三烈

某烈婦里居姓氏俱不可考石達開之亂爲賊所掠至李市場之老場堡  
將污之婦不從死焉里人就其地斂埋漆寅爲之記

記云烈婦某者不知其里氏髮賊之難抗節不辱而死焉者也髮賊之  
至吾津所過恆掠人自隨而於婦女尤甚烈婦被掠至李市場之老場  
堡不肯前賊怒以刃脅之烈婦厲聲曰若速殺我我求死非求生者也  
若速殺我遂延頸待死賊見狀知未可以威懾復誘之曰速前行吾妻  
若富貴可立致烈婦益大呼曰若毋出此言徒污吾耳若賊耳奚云富

江津縣志

卷七之五

列女上

五

貴且吾固有夫義不從汝賊徒因大罵賊怒甚持刀刺之遍體無完膚  
罵不絕口竟死里人龔蘊山匿叢薄間目擊烈婦死狀賊去集眾斂財  
就死處瘞之後二十餘年里人漆寅復立石勒銘以旌其事銘曰慷慨  
者易從容者難烈婦被擄至此不前劫之不懼給之不歡罵賊益厲就  
又若甘誰實見之爲龔蘊山姓氏雖湮貞烈能完銘此勁節立懦廉頑  
某烈婦筍里人夫不肖賭博虧其貲迫令婦娼婦不從死焉邑舉人王寶  
年有文紀其事

文云里中某氏子者娶婦某氏婦卽其母之猶女也少育於某長始室  
某數無行日飲博市中虧其貲不能償婦頗美令婦娼以得值不從飲  
人於室自捉其婦令淫之因大詬鞭婦數百婦投陂塘以死婦家鳴於



官翁姑質其不婦也而釋某子琢菴子曰往年里人王某私某婦後婦復通人王忿而殺婦及其鄰媪邑令驗實以婦不受淫而被殺因上呈以旌其廬彼淫也而以爲烈此烈也而以爲不婦當事之彰瘡其果可憑信也歟不有君子誰別白之

馬家驥妻李氏髮匪之亂率媳羅氏王氏孫媳聶氏孫女壬姑同死

杜珖鍾妻楊氏滇匪之亂攜子避永川石馬寺砦砦破恐被污遂墜巖死  
溫格妻李氏被賊執罵賊賊先殺其子罵益厲賊割其唇折其臂以矛刺心死

蔡文剛妻曹氏髮匪入境氏年二十其姑年五十九不能行氏負以逃至磨刀口賊追及見氏年少強逼之行氏不從姑亦爲之哀告賊忿欲傷其

### 江津縣志

#### 卷七之五

列女上

三

姑氏以身庇之大肆痛罵與姑俱死焉

劉子惠妻楊氏賊強不從刺喉死一女前秀甫半歲大哭賊並殺之

范炳江妻劉氏劉汝德之女與其母戴氏同罵賊被殺

余文和妻周氏夫爲賊獲氏誓與夫同死並遇害

周廉基妻李氏髮匪入境廉基以左營千總銜奉札督團賊入舍廉基負八旬老母率二幼女逃避呼氏不及氏獨閉寢門賊破門詈罵不屈賊怒殺之

余氏女名回年十六遇髮匪不屈受害



江津縣志

卷

76999-4280107

27

41

Ep 1007

人物志下

流寓 列女





江津縣志卷七之六

人物志下

列女下

程仕貢妻張氏守節撫孤一線之延賴以不墜劉澤嘉爲之傳

傳云孺人氏張歸程仕貢生一子悌而貢君棄世門衰祚薄呱呱弱息孺人年甫二十一幾不能自存顧矢志撫孤堅不奪就中有奇險之事二貢君之歿也子尙少會端午命往伯父家省問伯氏家周楊漑至則與羣兒浴墮江中比孺人聞之則已終日急雇人撈之起殮矣旣已無可奈何將土埋孺人則不忍遽死其子昇之室終夜哭幾絕者數迄五鼓將盡則子忽蘇目動口張呻吟作聲更生矣則大喜又孺人有豚躬

江津縣志

卷七之六

列女下

飼之一夜虎嚙去孺人熱火逐虎去未遠孺人叱曰畜生無禮嚙我豚速舍豚不然不汝貴且逐且叱虎不顧又逐之如驅羊然虎終舍豚去豚亦不甚創孺人終畜之虎亦貧之弗與爭儻天佑耶劉澤嘉曰嘉濫竽志局則有秀才程海春者持書來道孺人事頗詳彼蓋得之家乘孺人其五世祖妣也程氏自孺人後單傳者再農樸鄉居故未旌大節於朝卽邑中兩纂志乘均未之採甚矣窮簷陋巷之苦節湮沒者多矣誰歟表彰之者孺人生康熙五十二年卒乾隆五十九年距今民國百餘年矣

漆朝傑妻周氏媳張氏孫媳劉氏一門三節周氏年二十二而朝傑故絕粒期必死姑止之遂撫孤事親苦節五十五年子焯娶張氏柔順孝敬無





異於姑苦殉夫不得亦無異於姑孀年二十三孫能垣娶劉氏生二子而能垣故劉年二十七毀容截髮勵節養姑張氏甚愛重之

夏光耀妻龔氏邑儒龔爲楫三女幼有至性父病曾割股和藥以進年十七歸光耀五載而夫卒奉翁姑命撫夫弟光明子家驥爲子勤苦教養成立亦以孝聞年七十旌表建坊享九十壽

邑人李品三詩讀書愛讀忠孝傳剛常大節人之幹忠孝之節節匪難節在婦女眞足贊我今得之龔孺人孺人性秉孝而純割股救父幼年事此心已足泣鬼神十七子歸會稽壻英年采藻高門第焉知五載皇天傾次叔有子其過繼豈辭捐身殉亡夫不若畱身事舅姑事親撫孤夫有子有子夫死如未死身爲冢婦諸叔六姑曰爾賢代我育舅時屢

歲外舌耕奉姑撫叔家政肅夜夜紡織伴姑房懷中兒泣母心愴更恐姑知姑意惱強笑言時心如擣兒染疾母不食不食欲求夢不實爾時夢惡聞人言此言若驗餓豈惜兒疾畱母心愁私自持齋歲三週持齋豈爲己祈福心心祇祈兒病瘳兒館外母誥誠誥誠義終難勝愛夢裏時聞喚子聲日長幾致思兒瘵兒作事母前知前知豈別有神奇滿腔一片光明地誠則生明理如斯兒生子母心喜喜心未竟憂心起兒旣生子子生孫孫曾偶病病在己如此苦節苦問天天應語如此貞節貞質神神亦驚母能賢子能孝一點寸草心竟把春暉報赫赫綸音下天閭頓使門閭增焜耀君不見周望山高高插天上有長坊峙山邊孺人心共坊石堅孺人壽共坊石綿我賦巴歌成短篇願當口碑到處傳



邑人龔佐堯詩我之三姑母夏母龔孺人年十七歸夫君越五載孀其身救父既愴身難代舅復頻年館於外風雨蕭條紡織聲一燈長與姑相對是時諸叔六持家姑碌碌咨爾冢婦賢幼者其代鞠冢婦不死非徒生亡人血食尙未馨次叔有子卽我子果羸敬告黃泉靈一夕兒號疹大作母驚致夢魍魎惡人言惡夢不難破一日一夜須忍餓雖妄言之且聽之枯腸轉覺甘如飴我飢我自爲我兒姑問不言恐姑知兒雖長成病未已母心獨自焚香矢年復一年暗屈指不如暈者三年矣兒出訓蒙母心苦臨行忍淚諄諄語誤人子弟心難瞞縱汝不然余慮汝母添孫母色康兒事替兒忙母偶恙母自諱兒知恐兒畏猗歟我姑母其何愧於夫爲之育子孫爲之佐舅姑已自完已事豈爲綽楔圖六十

江津縣志

卷七之六

列女下

三

餘年如一日公平早已通大都兩姓之光其誰如煌煌聖旨旌門閭

夏宗朝妻朱氏青年守節夫卒後閱五月生遺腹子士珍業儒未售年六十旌表建坊族孫夏風薰有六十壽詩

詩云大江何浩浩清環寶珠溪周望山自高上挺松柏姿春見松柏姿冬見松柏姿歲寒節乃見凜凜禦霜威豈惟禦霜威葳蕤復葳蕤母潔質如玉母甘荼如飴十七咏子歸華灼天桃枝兩載翼雙棲那堪西風吹蒹葭玉樹依玉樹胡遽摧所天倏已失入地拚相隨有泉枯恨海有淚迸哀絲捨攘中間閨弱軀不自支迴首顧高堂高堂鬢已衰大聲問宗祧宗祧脈尙微此身遽化石徒恐頑墳堆爲爾明大義激烈危乎危况有一綫寄珍重腹中兒豁聞夢若醒拜稽復啼悲我身非稿木我心



如死灰不言亦不笑駒光五月違是月仲冬節寒氣迴晴曦陽和隱隱  
動遺產呱呱啼爲我稟翁姑抱孫可爲尸爲我祝夫子有後曾否知儻  
非南氏男尙擬螟蛉詩從此稍慶慰慶慰仍歔歔生小不識事聞說共  
姜徽復有頡頏者敬姜嚴教思一心與古人願奉同道師勉作大厦庇  
休將獨木頽爰毀鉛華妝雅與荆布宜爰辭慶弔宴免涉瓜李疑是時  
亦大難家道不中資翁竟喪明痛姑幸常與居兄公事奔走姒氏嚴銖  
錙相安永無閒一門叶怡怡惟時入廚下滫瀡滑如脂惟時盼藐姑頭  
角嶄如犀頭角果如犀克岐亦克嶷家學有淵源無忘乃父規雜誦雖  
有法獨苦良易疲書聲與紡聲兩燈風雨淒詩書業莫墜功名數莫推  
屢屢困場屋慰藉反有詞爲煖壺中酒爲翦園中葵諸孫咸來前各各

江津縣志

卷七之六

列女下

四

相娛嬉懷才不必遇所見無偏私吁嗟母氏苦苦中慈復慈爲吟慈母  
吟誰能報春暉卽欲報春暉磨鍊已逾期磨鍊亦何意天欲表其奇幽  
光無不發潛德古所稀齊侯封石窳特重有禮妻信不人言閒遙聞帝  
曰咨龍章下里賁黼黻光離離姑姊聞母事咸慕嗟涕洟鄰姥聞母事  
激勵神交馳爲告泉下人白璧無瑕疵皎皎天邊月影缺光不虧明共  
萬里見照澈山水涯磊磊道旁石屹立堅不移美玉在其中未許人登  
躋將石勒貞珉沙礫難磨治月以比其恒經天無盡時近有竹一叢勁  
節何巍巍截之作彤管千年揚清輝

夏泰雍妻邱氏青年茹苦教子成名避亂時獨攜家乘自隨尤能見大新  
城王樹枏爲之傳



傳云丁巳十一月江津丁劍秋手持其同里夏節母邱太恭人事狀丐爲立傳曰此吾師夏詠南先生之節母而夏祥墀先生之德配也嗚呼師道之不行於今日久矣劍秋獨拳拳然謀所以不朽其師而又以師門之昌實由於節母吾故樂爲述之以塞劍秋之請而永其傳當節母之歸祥墀先生也時祖翁及翁姑皆在堂翁姑兄弟六人男婦大小同居數十口節母佐治家政躬劬執勤先人而勞後人而逸凡親之所欲者必力致之而加豐焉凡已之所需者必力節之而加約焉姑折足臥床褥者年餘起居飲食必躬必親未嘗一假手於人姑沒繼姑張入其門年將六十矣事之益恭見者不知其爲異母也咸豐十年翁亡祥墀先生哀毀致疾越一載復相繼而亡時節母年甫二十九所生二子風

江津縣志

卷七之六

列女下

五

惠方五齡風薰甫周睟馮尸一痛絕而復甦凡絞衾衣棺槨殯殮窆窆之事哭弔奠祭之儀規禮準情不隆不殺皆以一身膺之喪葬甫畢而粵匪石達開擁眾數十萬西馳巴蜀溯黔江出涪陵游兵敖民乘勢磐牙濱江南岸椎剽焚掠無虛地節母倉皇攜二子流離播遷右手扶杖襁負兒左手提筒貯其夫所錄世系小冊顛沛飢頓瀕於危者數矣而此冊未嘗一日去諸身世系冊者祖翁德齋公所勅修者也初德齋公既勅爲家乘私念大亂將作分諸房分錄世系各一冊曰儻有緩急必謹藏之此生人之本不可失也人以此益欽母之賢而知其後之必大也亂旣平返里翦荆莽除室廬閉戶紡績口授其子書夜就一燈課之尋以家計艱日嘗不得再飽則命風惠學稼風薰專讀書其不給者



至驚簪釧繼之兩子既教之成各有室生子矣而節母則又以撫其子者撫其孫後風惠之子聘儒以諸生東游畢業歸官龍安知府風薰之子鴻儒以舉人官刑部主事其諸孫之游學四方者莫不嶄然能自樹立有聲於時節母皆及身見之或曰此天之所以報節母也而節母則益自謙畏時時召其子孫勗之以造家之不易天倖之不可屢邀且曰自汝曾祖至於汝父積學累行世有隱德蘊之蓄之逮於汝曹藉祖宗之靈以克有今日吾每思及此喜而輒懼汗涔涔嘗浹背或有竟夜不能一交睫者汝曹其勉之哉苟思所以生死不朽其親而益光大之吾無憾矣節母善處困約年登大耋猶躬自操作男女有別長幼有序門以内雍雍秩秩無敢有跬步踰法紀者光緒十一年有司上其事於朝

江津縣志

卷七之六

列女下

六

奉旨旌表豎綽楔於曾祖姑龔氏叔姑朱氏二節孝坊之間丙辰十月十九日無疾而逝壽八十五歲長子風惠先節母四年卒次子風薰郎詠南也以歲貢歷任江津樂山徵收局長孫九人聘儒鴻儒君儒文儒鉅儒名儒彥儒達儒穉儒以某年月日葬某烏虜吾嘗讀劉子政范蔚宗所爲列女傳大抵皆瑰異奇絕之行而庸行之事多不著太史公故工於爲文者也其敘孔子世家弟子列傳獨平平無足奇以聖人之行庸行也庸行故難狀也孔子曰中庸不可能也婦人之行不出戶庭及其至也可以格天地泣鬼神故曰夫婦之愚聖人亦有所不知所不能焉庸固易言哉今觀節母之事益知其難能而可尙矣

邑人楊肇瑩壽詩秋風滯行色信宿凡水湄凡水靜不波古鑑明清漪



靈淑會有應載誕邱貞婺側聞事夫子鴻按相倡隨豈期喪所天不偶  
嗟數奇哀哉未亡人之死矢靡移乃撤環與瑱烹我園中葵乃輟膏與  
沐炊我釜中糜堂前事舅姑滄澹足滑脂堂下禮姻黨椒芥羅盤匱有  
男爲課讀頭角爭岐嶷有女爲刺繡婉變光門楣斗粟與尺布左紉而  
右支豈不善儲蓄媿無銖與鎰豈不善紡績媿乏綌與絺巧婦健作家  
難爲無米炊拮据苦終歲勞勞徒爾爲母曰嗟予子黍稷乃耘耔母曰  
嗟予季經訓乃畚菑耕讀世其家昌熾神龜著季子鯤天祿脩脯擁臯  
比兩孫采芹藻堦篋環相吹領此蔗甘味爲憶茶苦時俯仰感今昔忉  
怛含酸悲熒熒篝中燈軋軋機上絲沈沈古井水鬱鬱蒼松枝世態有  
冷暖飲冰寒不知世味憎苦辛茹蘗甘如飴吁嗟此巾幗肝膽眞鬚眉

江津縣志

卷七之六

列女下

七

今年秋八月母壽七旬期季君寫事狀敷衽前致辭上言母氏節旌表  
刊豐碑下言母氏壽愛日薄崦嵫里黨祝阿母福履歌維祺子孫祝阿  
母顯揚相與期八月槐花黃皇路當清夷聯翩戰鬪棘鵬搏天翼垂一  
擊竟不中慙媿空空兒賤子讀事狀觸我平生思爲君進一解解君長  
鬱伊平子歎四愁伯鸞興五噫窮達自有命富貴安可蘄景彼老萊子  
綵舞相娛嬉賢哉尹焞母孝養心則怡君今耕有山山深產華芝君今  
釣有水水淺饒魚鮪何當奉賢母含和樂天頤會逢東廣微重補蘭陔  
詩 邑人姚弼憲詩古云明德後蔚然有達人士行才卓犖仲郢文斑  
斌亮乃母氏善毓此明哲倫今茲表貞壽可步陶柳塵 冰雪笑桃李  
春風血淚斑手編高士誄目斷望夫山白髮憐姑老黃楊愁歲艱篝燈



夜紡績教子強開顏 家乘原根本遺言久凜旃劫中畱故本亂後解  
歸田世服先人矩家饒孝子體笙詩如可譜爲補女師篇 能勞後有  
繼兩世擷芸香問字揚公宅研經鄭氏鄉春風周梓舍愛日護萱堂紀  
述有椽筆侑觥慚短章 五古云歲寒識貞松烈風知勁草艱辛玉成  
之冥冥有天道於鑠賢女師七誠夙研討苦節育遺孤亮存雪中鬻桂  
苻何狻猊兇鋒脅城堡家乘佩遺言劫盡珍殘藁世運陂能平且復謀  
梁稻菽糲擷餘甘農桑亦娛老明德有達人講學砥海棗葳蕤列蘭蓀  
連翩科第早竭來娛稀齡戩穀自天保洋洋聖有謨焜煌賫丹誥懿彼  
彤管輝摛此文人藻始信荼苦中崇德以爲寶 邑人張彝仲輓詩梅  
花冷瘦香飛雪雪寒凍死虬枝鐵一縷花魂萬劫更化作人間節婦節

江津縣志

卷七之六

列女下

八

節婦之節誰與倫鼎岬鬱律含氤氳儘多春夏融和氣消受居平清冷  
人居平畢竟事如何諸君試聽下走歌無須譜牒誇華青孝子神仙名  
不磨長壽軼事傳書史更有江陽夏孝子孝根仙骨無異同兩家門第  
皆金紫母年十九來會稽鸚鵡鰥鰥雙雙齊嚴陵合贅仙尉女孟光自  
是梁鴻妻豈獨齊眉能舉按里黨有口咸稱歎五世同居食指多家政  
井井條而貫上事翁姑旁伯叔色養雍雍兼肅肅洗濯且分僕婦勞篝  
燈更佐夫子讀太和在室誰之功無間人言新婦淑天柱胡爲西北折  
地維何事東南裂蒼蒼者天不可知慣向世間畱憾缺棄養方與風木  
悲傷心又瀉離鸞血眼前尙有兩孤兒此身未敢輕同穴喪祭摒擋事  
甫畢壓頂九天驚霹靂十萬貔貅光復軍趨走巴渝風雨急萑苻乘勢



更披猖比櫛爬梳騷絡繹負襁扶持百忙中皿器輒輕盡遺失獨攜一册兵中來雖經顛沛未拋擲豈無珠翠可卷懷母視家乘貴金璧野婦村姑笑母愚母曰嗟乎汝未悉水有源流木有根此册况係亡夫筆亂後歸來何蕭條場圃牆垣生蓬蒿剪除荆棘事漑植備極艱苦忘其勞手胼足胝豈不惜或恐飢凍兒啼號紡績夜伴兩兒讀勉兒汝長須人豪大兒弱卽不好弄小兒嬉戲能書蕉能書蕉母心喜有子繼夫夫不死瑣瑣鹽齏六十年盡瘁鞠躬止於此明德之后后果昌馥桂芬蘭子有子華堂煦煦多春暉子婦怡怡奉滄瀨母德翼卵如伏雛母壽流年同積水海屋籌添詎有涯母謂此身可已矣回思初嫁來此家春氣勃勃方朝霞中經變故那可說洗面有淚珠成麻何圖尙復有今日卽有

江津縣志

卷七之六

列女下

九

今日猶空花人事剝復理莫定眼見大陸生龍蛇造化自然有生死不死滯化徒咨嗟母福本無窮母論亦何通八十五年止此自此以後無始終慈雲在天蔭更遠皓月匿采光猶融元陰潤物物不覺默運潛化天之功寄語嗣君悲無庸母雖云沒有遺風口碑傳述人人同天爵已比人爵隆况有靈爽憑其宮

胡涵坤妻程氏夫死無子抱子立嗣子復夭折抱孫孫以孝聞氏兄程德音有文紀其事

文云氏爲胡君涵坤之繼室余之嫡堂妹也其元配亦程姓無子早沒氏少有至性于歸時年十七越三載涵坤染外感誤醫藥竟溘逝氏慟不欲生願以身殉賴護救得不死族戚爲之婉勸曰爾以身殉固烈無



出如禮祀何畱爾一身學果羸負螟蛉使亡夫之鬼不至餒而孰輕孰重爾其圖之又復百端譬喻氏意稍解喪事畢雇一嫗爲伴操作甚勤暇則以紡績爲事昕夕無間焉涵坤兄弟三人氏夫居仲長兄涵泰一子係大宗不應過繼季弟涵容尙無子欲權變擇愛貲產薄繼嗣者無所利用是展轉迄未承立然立嗣觀念未嘗一日去諸懷也先是弟兄之析居也翁姑尙在所提膳業僅給饗殮無何姑卒翁從俗營齋奠所耗金錢悉由假貸因之鬻產而涵泰弟兄以妻父雄於財胥挈眷依岳家去遺翁年已七十子身無所歸氏慨然曰戚黨困窮猶思拯救豈有夫翁衰蹠而忍令噉飯無所乎設客死於外將子孫之謂何也於是迎養其家勤定省奉旨甘唯謹氏與嫗則雜菜羹以食不足則紡績易錢

江津縣志

卷七之六

列女下

十

佐其乏翁嘗語族戚曰吾媳賢設吾兒尙在其服勞奉養未必有加於此也人以其稱其孝後翁病彌畱時謂氏曰我老病且死汝似續一事迄未定汝欲繼親支血胤意良佳今娣姒數年無誕育將盼此呱呱者於何日也我死後汝於房族中循愛抱例繼一子可耳何用株待爲言畢遂逝氏以翁言告於族就堂族中擇一人爲後甫三歲名榮宦氏恩勤愛護等於所生以養以教至於成立爲之結婚完娶氏暗喜以爲抱孫可望夫嗣可續也乃未及一年榮宦復夭折氏哭之哀曰予欲爲胡氏延一綫耳天乎天乎何爲令我躬丁此巨厄也猶冀寡媳同居重婦苦守乃媳母家來弔憐其女齒太穉恐難終節婉轉奪其志醮去氏迴思一生辛苦轉瞬成空觸物生悲奄然遂病族黨見其悽慘酌議抱孫



於族之貧窶者擇一子繼榮宦後甫六歲名澤膏氏撫孫如前子成丁後授室周氏澤膏少不能讀及長則持家善居積其事祖也尤承順無違或祖母有微恙侍湯藥未嘗左右離每赴親朋宴席上有異味珍果必懷歸以遺祖母有事出外隔家數十里夜必籠燭歸人問其故則曰吾服事祖母久吾不歸卽吾婦在前亦難適意也其誠篤如此人咸以爲節孝之報云氏於前清光緒二十八年經禮部請於朝得旨旌表建坊以家貧未建有曾孫二氏現年七十五尙存

漆源成妻周氏夫歿矢志不醮事親孝教子義處家庭間多人所難劉澤嘉爲之傳

傳云孺人學者周仙舫之第五女幼承庭訓有至性聞老輩談節義事

### 江津縣志

#### 卷七之六

列女下

士

則色欣動年十八歸漆源成生一子志軒而所天不祿孺人年二十四傷命薄惟尋死有以事親撫子詰責者屈於大義則應曰諾自是飲冰茹苦者有年漆家素不豐衣食惟十指是賴孺人晝并日夜紡績粗糲自甘以精膳奉翁姑惟謹爾有貧之者勸之醮謂富可立致不然有始無終悔何及孺人泣曰家貧親老無可恃命也命前定雖十嫁奚益且女子貴從一苟慕浮華而之他族則如喪明之翁跛足之姑何哉違父訓棄孺子羞泉下人一舉而數失具寧死不爲也勸者語塞後遂無饒舌者初源成昆弟四人伯兄早亡嫂下堂去遺孤東盛被人誘多不法事翁怒將死之孺人跪諫始免且以存孤自任遂子東盛教誨如所生東盛亦率德改行則存兄公禋祀者孺人也無何三兄復亡繼嫂楊氏



再醮去遺前嫂之子一女二孺人則育之成人完婚嫁焉無何東盛妻  
亡遺一女甫三歲至是爲東盛也母者不得不爲東盛之女也母東盛  
則游黔中十年始歸孺人復爲之娶室張得孫而後喜可知已曰子願  
了矣無何二兄又亡諸子亦依依孺人無違者德盛矣心瘁矣自是家  
漸起翁商獲利始置田閩孺人見宗族有貧乏者則助姑卹之曰祖宗  
一脈也鄉鄰有急難者卹之如宗族曰卹鄰如寶也生平所爲多類是  
其後生齒繁歲比不登議分爨久不決孺人則贊翁姑給伯仲兩房各  
百金而後四分之並力勸三房以讓產順祖後代必昌等語議遂定翁  
歿姑病年八十遺穢狼藉孺人曰亡夫輩惟一老嫂在服事尙需子媳  
何能侍姑則迎姑歸力於養躬浣濯媳與女傭間欲奪之孺人不許曰

## 江津縣志

### 卷七之六

列女下

三

此正吾代夫盡職之日且老年風燭何敢庖代以畱不盡姑安其孝謂  
汝能如此吾子爲不死也因撫其背直呼之曰兒以爲樂云清例節婦  
年五十得請旌族黨遂謀所以光孺人孺人曰守節分也吾求無愧而  
已今國家多難不能與眾謀安寧欲爲未亡人求虛榮耶堅不允並罷  
生日宴客之費周貧者又七年乃終民國九年志軒以狀來嘉賢之爲  
作傳

程師泌妻李氏自號默仙女史幼穎慧且孝父李昉由進士令完縣攜之  
至署公餘課讀遂工吟咏繼又侍其叔李瀛出守衢州府針綉之暇輒親  
書史曰是詩學日進並工楷法旁通靈樞素問諸書適塾江程編修伯鑾  
之長子甫二載夫客死湖北當陽縣氏年二十二無出以夫弟之子承祧



矢志撫孤楚南曾文正國藩請於朝旌表如例年八十二卒著有曇花一  
現集音節淒楚其姪孫李廷采梓行之氏嘗持論謂古來女子以才稱者  
多矣然才而以德濟之庶不爲世詬病可以想其爲人綜氏一生始則才  
女繼則淑媛又繼則貞嫠終則壽母一身兼之難矣哉氏中年仍返江津  
住鶴山依其母家云

寫哀云感我憐君不盡悲萬般志願此生違同心昔日誇雙好比翼今  
朝悵獨飛一曲雲歌人去也數行風信事全非形容莫道都消瘦還有  
迷離兩眼肥 祖帳無端各一天歸期空自卜金錢願違白首歌黃鶴  
書檢青燈泣杜鵑人返芝田音永斷鸞孤菱鏡月空圓三生赤繫緣何  
淺雲散風流感變遷 零落霜闌葉滿墀難勝腸斷晚秋時理妝不復

### 江津縣志

#### 卷七之六

列女下

三

重磨鏡翦燭何堪再讀詩地下修文緣底事人間比翼是分離孤幃寂  
寞瀟瀟雨如夢如癡感不支 閨閣今生萬事休悲歡都付水東流孤  
明心等天中月晚節人期雪上頭寂寂寒燈空舊夢蕭蕭風雨落殘秋  
他年隨駕青鸞去捧硯從君賦玉樓 夜雨不寐云夜雨寒秋柝孤幃  
夢不成一燈看鼠食四壁聽蟲鳴蕭瑟人琴感支離病體憚吾生何所  
戀大義自分明 春晝云鶯歌春晝永翦翦一簾風往事如雲散虛心  
似竹空參差階草綠上下燕襟紅繡倦閒吟處花磚日未中 落花云  
去古日已遠撫心今益苦窗下春蠶生梁間燕新乳侍女捲簾櫳風輕  
日正午鳥忽一聲啼花落紛如雨命薄亦如人離蹤那可數躑躅俯閒  
階摧崩此肺腑 四月久雨排悶云連日蕉窗暗了東雨未晴庭前無



鳥篆林外有雞鳴衣冷棉重著爐存火更生昏昏添睡思津吏報堤平  
對酒云濁酒難將塊磊澆菱花未老鬢先凋詩書半向愁中廢歲月  
都從病裏消滿眼鶯花懷故國連朝梅雨漲春潮獨憐幽竹軒窗下也  
解虛心上九霄 苦雨云新正返故鄉忽忽歲將半滴瀝雨生寒夾衣  
猶未換赤日欲烘晴濃雲凝不散遍地綠苔生廚煙溼炊爨重疊山氣  
昏竹雞嘯不斷感時時若此撫己空長歎 偶感云不堪回首憶京華  
孤影逢秋瘦更加偶有閒情親筆研絕無癡願惜燈花目光已覺年來  
暗茶味還從病後差寂寂小庭疎雨後一痕涼月上窗紗

杜鳳廷妻曹氏幼通女訓才智明敏年二十八鳳廷遭家難死焉氏痛不欲生以世無杵臼一死不足塞責強起撫子天鳳天麟而與族人訟先後

### 江津縣志

#### 卷七之六

列女下

古

八年卒得直天麟中光緒甲午科武榜眼及第入侍禁廷氏謚封二品夫人旌表節孝

江炳琳妾張氏炳琳字介侯戰歿黔省詳鄉宦氏孀年二十四殉夫不果遂矢志守節旌表如例其外孫開邑沈家彬有文紀其事

事略云節母氏張巴縣人先外祖江介侯公之側室其孫以祖妣聶太恭人遺命尊之爲繼祖妣家彬之外祖母也年十七歸介侯公時外曾祖古槎明府方告歸治家嚴整有法度門內秩如節母無非儀無曠事用能得堂上歡事嫡室聶太恭人滋益敬咸豐中介侯公以討賊戰歿黔之兩路口節母隨聶太恭人在任所聞難聶太恭人掣介侯公佩刀自刎家人奪救不果節母仰藥思自盡喉齧潰裂百方解治始甦瞋目



置家人誤我同城官吏急謀送歸謂留此恐俱亡遂即日扶掖登輿先忠櫬返里先是介侯公權遵義第時節母曾舉一子以時方解瓊安圍命之曰世安猶克狄名子意也未周歲殤節母大慟思爲後計強進粥然絕粒逾十日矣自是病經年大府以介侯公死事狀聞得旨褒卹乃力疾佐聶太恭人撫夫猶子世清爲嗣甫四歲爲之請蔭騎都尉世職方是時介侯公忠骸雖已安葬而原籍專祠猶未建則謀之聶太恭人毀家得金萬許鳩工庀材經始同治六年越四年辛未告成凡五閱寒暑又割膏腴田二百石供祭祀人皆多聶太恭人之能斷而不知皆節母贊襄之力也越二年聶太恭人棄世臨歿執節母手謂清舅曰吾與若撫汝成立汝事若猶事吾也節母治喪備禮盡哀如儀自是家政之

## 江津縣志

### 卷七之六

列女下

五

經營墳塋祠事之修舉皆節母是賴光緒丙子爲清舅娶於聶太恭人姪也節母有女一以丁丑歸先君家彬之所自出聶太恭人有女一適宜賓彭其遇彭氏姨於先母恆厚而尊禮節母若親出焉癸巳疆吏上節母事於朝旌表節孝以清舅貴賜封恭人後十餘年清舅暨聶淑人先後卽世遺孫四女孫二曾孫三曾孫女一節母均撫之有恩守節垂六十年年逾八旬於男女錢布猶勤勤不自暇逸民國八年九月九日卒開縣家彬所年八十有二撒幌之日居人聞空中有音樂聲云以次年三月歸葬

江世成妻丁氏巴邑宿孺丁謂長女年十七歸世成世成病牀褥三年飲食湯藥皆氏調侍孀年二十八由是長齋繡佛繼子懋祿爲嗣嘗舉前賢



嘉言懿行因果諸書詳爲訓誡若禮法輒嚴譴後懋祿仕民國著有直聲者氏之教也卒年三十六旌表如例

江載鉞妻許氏成都士人女孀年二十九卒年五十六旌表如例

江世楷妻楊氏楊懋功長女孀年二十九撫二子均成立繼因長子歿同媳李氏又撫孫年六十五終旌表如例

江申祿妻李氏前旌婦楊氏媳李徽五之女孀年二十四無出抱夫弟子爲嗣上事孀姑下撫弱息卒年四十八

江世璠妻龔氏巴邑龔錦緒之女孀年二十七抱子承祧年五十八終周瀛甫妻陳氏陳芳善之女年十七于歸有日適其姑病遂先期成禮入門後姑疾弗瘳或謂以親人血和藥飲之當可愈氏如其言刺血盈盞和

### 江津縣志

#### 卷七之六

列女下

六

藥進之不數日而病有起色人謂其誠孝所感生子女各一年二十四而夫故自是養孀姑教幼子仰事俯畜佐以十指始無凍餒憂後其子亮弼入邑庠娶於劉生三子差自慰乃未幾其姑卒不五年而子又逝痛苦較前尤甚而疾病隨之矣丙申冬鄰舍弗戒於火延燒二百餘家氏之居付一炬焉又以鄰人侵地迫興訟而卒不得伸兼之媳寡孫幼甕無升斗衰老貧苦病遂大漸卒年六十守節三十六年矣

周亮弼妻劉氏劉輝藻之女前節婦陳氏之媳陸軍二等軍醫正仲璜之母也氏幼失恃繼母待之虐承順無間年二十于歸生三子焉時亮弼鄉試歸得病姑疾亦篤氏以一身調侍衣不解帶者累月後姑疾漸愈而夫病不起氏年二十八孀姑多病幼子無父痛苦可知氏於侍奉之餘教子



讀書至丙申冬鄰火延燒氏倉卒扶姑攜子以出佃戶陳順乘火劫掠捲衣服什物以去次晨被人偵確卽憑鄰保前往查獲原贓具在僉謂可送官治以昭炯戒氏曰不然彼乘火行劫罪固不赦而吾家旣遭回祿僅雇一老媪而無成人儻非彼之行劫則我之所有又何從而出諸火是天假手於彼以爲我保全之也又何責焉其仁而有識如此氏持家勤儉日昃不遑事畜之資稍有挹注而姑病日增臥牀者五載湯藥之奉皆氏躬親料理無或懈鄰里有稱焉姑卒哀毀盡禮後子漸成立始得息肩氏行年六十尙存守節已三十二年矣

顧左妻李氏孀年十九遺一女無子事姑孝撫弟妹若慈母焉抱夫弟子祖蔭承祧年四十九而終旌表如例氏夫弟顧奉時爲之傳

### 江津縣志

#### 卷七之六

列女下

七

傳云嫂氏李先伯兄左之正室也先伯兄性嗜酒至廢食嫂引喻勸阻卒無效遂困於飲易簣時嫂年十九遺女一不欲偷生者再以仰事需人梗於義姑存一死用博堂上歡俯育猶緒餘也庚辰先父繼先大父志游貢井內事悉以畀嫂嫂爲預算計爲歸約法無鉅細事成井井不紊丁亥先妣程病風痰不起時兄妹三人皆穉嫂泫然曰弟妹幼無依未亡人早寡何不幸耶然吾責也奚辭爲乃置二榻左右向挈弟妹輩分臥之夜中往來看護晝則攜持保抱飲之食之若慈母焉而操作仍弗懈迨弟妹成立女字程門又值繼母段善病日凡藥數服皆嫂親調之飲劑後病狀何若先父必以嫂爲詢以故雖宵深尙假寐病榻前先父乃稱之曰賢初嫂矢志時先父慮不終守恆戚戚焉積數年嫂殊甘



岑寂寡言笑凜凜然自若矣先父乃呼時兄弟而言曰汝嫂氏良苦吾知汝嫂貞且堅吾門不幸中幸也汝等有子無忘嫂氏節若孝須以大宗爲念乙巳時子祖蔭生遂承伯氏祧遵先父命也是年先父不祿嫂哀戚逾常而精神憊甚矣明年時爲請旌表報可又明年病血虛醫藥罔效彌留時猶諄諄以勤儉爲囑身後事曾不一言及之尋卒年四十九以前清宣統三年臘月戊午卒爲太學生李鑑冰之長女邑廩生李繼白之嫡堂妹時不敏謹誌其略用垂不朽

蹇子忠妻何氏何地位之女孀年十九生子甫三日矢志撫孤不厭貧苦事姑以孝課子以勤及子婚配成人年四十而終人稱苦節

陳榮生妻劉氏孀年二十五撫孤守義備歷艱辛民國乙卯年壽終

江津縣志

卷七之六

列女下

六

羅吉海妻何氏何德培之女孀年二十九矢志撫孤壽七十七而終

吳靜臣妻劉氏劉光祖長女孀年二十三撫二子成立次子國琦官陸軍

步兵上校加少將銜五等文虎章氏之教也現年六十民國八年請准褒

揚

陳文川妻丁氏孀年二十一子殤抱子承祧前清旌表

王廷均妻幸氏幸元發之女孀年十九遺孤半歲守志撫成歿年六十二

蹇子槐妻匡氏匡樹高之女孀年二十九歿年四十八

江資柱妻劉氏劉肇魁之女孀年二十七現年七十

羅世賢妻蕭氏蕭永昭之女孀年二十四歿年八十一守志五十七年前

清旌表



羅鎮元妻陳氏陳繼之女孀年三十抱子立嗣歿年六十守志三十年前  
清旌表

丁國霖妻石氏石中璋之三女孀年二十五現年七十二撫二子成立  
李肇倫妻江氏孀年三十現年六十六

孟先輅妻陳氏邑庠生陳西垣之次女好讀書孝經女四書列女傳皆能  
解年十四歸先輅甫三載而孀抱夫弟冠堂子繼賢爲嗣時繼賢生未踰  
月氏辛苦撫成中年禮佛持長齋常焚香誦金剛經及太上感應篇數十  
載如一日年六十歿前清旌表

江載恬妻鄒氏孀年二十二歿年六十三前清旌表

謝海陶妻關氏孀年二十現年五十六

江津縣志

卷七之六

列女下

九

賴鏡塘妻江氏前清癸酉拔貢朝考知縣江古楹之女丙午舉人貴州遵  
義知縣卽補知府固勇巴圖魯追贈道銜奉旨建立專祠江介侯之胞姊  
少通書史年十九歸賴又十年而夫歿遺三子皆幼氏矢志守孤親課讀  
不懈長子汝弼清同治癸酉拔貢書香不墜母力爲多年七十六終前清  
勅封旌表各如例

孟先琳妻李氏孀年二十四歿年四十五前清旌表

孟先璧妻傅氏孀年二十九歿年五十

孟先彝妻諸氏孀年二十八歿年七十前清旌表

張應賢妻李氏李明三之女應賢歿子方二歲矢志撫成苦節三十六年  
前清旌表



呂萬鍾妻徐氏孀年二十九歿年八十守志五十一年

何源杰妻漆氏孀年十九歿年六十九守志五十年

柴廷燮妻陳氏孀年二十三現年七十四

柴文棟妻楊氏孀年二十歿年六十五守志四十五年

劉恆豐妻李氏孀年二十時姑年七十遺孤二家甚貧氏紡績以救飢寒  
事畜倚之現年逾六旬尙健

江禹賢妻劉氏孀年二十三撫二子成人現年五十七

王尊富妻陳氏邑貢生陳衡山之孫女孀年十九無子而姑病不起氏抱  
子立嗣奉姑盡孝現年五十一

秦在有妻王氏孀年二十三遺二子長子旋逝撫次子成立家道先貧後

江津縣志

卷七之六

列女下

三

富壽七十一前清旌表

楊式齋妻漆氏孀年二十四撫子士欽成名蔚爲通儒氏之教也歿年七  
十五前清勅封旌表各如例

王炳章妻熊氏孀年二十四歿年六十二事姑教子克盡厥職前清旌表

林增榮妻王氏孀年二十八翁姑多病侍湯藥不離左右夫兄子一歲失

怙氏撫之如所生守志四十餘年

李均妻萬氏孀年二十二晨昏奉翁姑外恆坐一小樓禮佛念經謝絕外  
緣現年五十九

姜正華妻蘇氏孀年二十四撫遺腹子成立歿年五十九前清旌表

施魯珍妻程氏孀年二十夫病曾割股以救尤篤孝道



李尹村妻周氏孀年二十三撫二子均成人相繼偕亡僅留一孫氏又與媳譚氏撫孫成立現年將九十猶健

李志義妻譚氏卽上李周氏之子媳孀年二十一遺孤二歲孀姑年老熒熒子立備極艱苦現年七十五世同居

王祥豐妻李氏孀年二十九家貧窘遺孤六皆撫之成立六子烈輝頗擅文名後子孫達二十三人享年八十二

王金衢妻雷氏孀年二十八遺孤四次子沛嵐季子震東皆習法政任教育歿年六十

冉光廸妻蕭氏孀年十九抱子立嗣事姑教子克盡厥職現年六十孟榮尊妻王氏夫死不嫁紡績自食歿年六十二

### 江津縣志

#### 卷七之六

列女下

三

曾傳昆妻陳氏夫故撫孤成立苦節三十餘年而歿

宋智周妻陳氏夫歿支持門戶恭謹好善前清旌表

余宗盈妻戴氏孀年二十五前清旌表

李元甫妻尹氏前清旌表

冉從卿妻詹氏妾何氏從卿獨子詹無出親老勸夫納何爲妾何生二子而從卿卒時詹年二十六何年二十四同心守志事親撫孤何尤能持家均前清旌表

姜國鈞妻郭氏孀年二十九與亡姑蘇氏同受旌表歿年八十七

劉宗耀妻龍氏劉祖志妻王氏均前清旌表

龔清選妻王氏孀年三十現年七十三



楊治文妻熊氏孀年二十八撫子成家

曹炯高妻王氏節孝前清旌表

胡愛品妻周氏孀年二十一抱夫兄子永貞爲嗣無何子亡乃撫二孫次孫又亡長孫娶室舉三曾孫而夫妻皆亡曾孫又亡其二氏之哀可知已曾廷壽妻江氏孀年二十六家貧紡績度日撫成伯卿習傳二子

黎萬春妻蘇氏孀年二十五子歲餘現守節三十五年

蒲文貴妻程氏孀年二十三撫孤守節增買田產歿年七十四

蒲永祿妻謝氏孀年二十九抱子守節養衰姑甚謹歿年九十前清旌表李財妻劉氏孀年二十七現年六十六

萬惠昌妻王氏孀年二十四歿年八十三前清旌表

### 江津縣志

#### 卷七之六

列女下

三

萬錫萱妻周氏孀年二十九現年五十

曾繁安妻鄧氏于歸時姑蕭氏病痺繁安患癘服勞奉養數十年如一日曾封左股和藥以救夫病後繁安卒欲引刀自刺上念衰姑下恤諸孤以是中輟卒年六十六前清旌表

朱學澤妻劉氏孀年二十九子一甫四歲姑老家中落賴氏力支持卒年七十餘前清旌表

陳廷楨妻錢氏孀年二十九歿年七十二前清旌表

黃運鵬妻彭氏彭元亨之女現守節三十年

牟德緒妻余氏孀年十八抱夫弟之子能文爲嗣事祖姑與姑甚孝

程毓珍妻余氏毓珍殉難詳先烈氏年二十一誓以身殉手及其女自縊



死夫徒死無益一死未足塞責哀其志可也

杜來宣妻楊氏孀年二十五歿年五十五矢志撫孤成立

劉明績妻李氏孀年二十八家道中落茹苦撫孤後子歿復撫幼孫成立  
守節五十年前清旌表

杜來爲妻文氏孀年二十七現年六十九

杜春祿妻蘇氏孀年二十九歿年六十二

劉德雨妻吳氏孀年二十守志撫孤子死又撫孫歿年五十一

彭明用妻程氏彭元義妻羅氏姑媳也程氏孀年二十一矢志撫子羅氏  
孀年二十二稟承姑訓擇賢抱撫一門兩節均前清旌表

陳昌辛妻華氏文生陳邦治生母也孀年二十一矢志撫孤時家不豐邦

### 江津縣志

#### 卷七之六

列女下

三

治幼請學商氏不允謂汝家故多科第汝若棄儒業何以對祖若父於地  
下且負我青年苦守罪不小汝能讀雖饗殮不繼無害也邦治遂發憤成  
立翁姑老氏供膳必親操作不假手於人分爨後二叔家日落氏推翁姑  
鍾愛之意嘗具食分給之以博堂上歡翁姑年俱八十餘同年月日無疾  
終氏猶以未侍湯藥爲終身憾其孝可想尤好施與雖家不中貲而能撙  
節所得以周貧乏歲以爲常前清旌表

陳培均妻何氏孀年二十一奉親教子翁卒事姑尤虔寢處與俱食必親  
奉持身端謹族里尊之前清旌表

何禮云妻鍾氏孀年二十六義方教子子歿又撫孫三人族里賢之沒年  
八十二前清旌表



戴信品妻萬氏年十六歸戴僅數月而信品歿於水氏荆釵裙布勤儉自守年三十刲股療母不數月氏病終

萬邦貞妻黃氏孀年二十五抱子立嗣孝敬和睦家內無詬誶聲歿年五十二

劉淵妻刁氏歸逾年而夫故時年二十無出越十七年始抱子立嗣又十三年始旌表豎碑歿年七十子孫滿前焉

敬宗妻李氏孀年二十九孝養翁姑姑歿撫育弟妹成立

劉明治妻陳氏孀年二十二孝順翁姑姑教子成立

黃宗才妻陳氏孀年二十五孝養孀姑姑歿獨立撐持門戶抱夫弟子為嗣

### 江津縣志

#### 卷七之六

列女下

三

賴汝弼妻何氏汝弼詳文學氏年十七歸賴逾年而姑歿又逾年而夫歿迭遭變故哀毀欲殉不果強起撫前室子女六如所生課讀尤勤男鳴玉出嗣男鳴鑾先後遊泮男鳴珂能讀父書知醫皆氏之教也民國十一年請准褒揚大總統錫以竹孝松貞匾額

王卓亭妻謝氏孀年二十一事姑教子子亡又撫孤孫歿年五十三

李偉臣妻譚氏中國公學畢業生均平之母孀年二十六奉祖若姑克盡孝道養生送死一身任之教子成立進退有禮鄉黨稱焉

萬小泉妻漆氏孀年二十八歿年八十八五世同堂

萬仲昭妻羅氏孀年二十七家貧甚撫前室子成人前清旌表建坊年七

十二



劉祖鎬妻馬氏孀年十九撫孤成立家獲小康四世同居歿年七十四前清旌表

徐有芳妻劉氏孀年十九撫子女成立歿年七十

熊維寬妻江氏孀年二十四歿年六十九

況澤沛妻曹氏孀年二十五終身長齋奉佛焉

蒲學先妻喻氏青年茹苦抱子立嗣歿年九十

黃映炳妾楊氏年十六于歸半月而夫歿誓不他適年逾七十乃終

王大培妻況氏青年茹苦撫一子成立娶媳劉氏生一孫而子又卒兩世孀居至今孫又生孫焉

冉隆恕妻李氏孀年二十一遺孤甫四齡氏曲意事姑辛勤教子現年七

### 江津縣志

#### 卷七之六

列女下

三

十尙健孫曾滿前能世其家前清旌表

冉隆恩妻況氏孀年二十七支持門戶撫子成立清德慈惠鄉黨稱之沒年七十八前清旌表

何禮興妻張氏孀年二十六歿年八十三前清旌表

何清池妻白氏孀年二十五歿年六十八

彭儒進妻劉氏何禮敬妻劉氏曾紀衡妻白氏劉宗瑄妻陳氏劉祖霖妻傅氏李維昌妻何氏陳芳楨妻劉氏李亦超妻陳氏均稱節孝前清旌表

戴天鵬妻任氏孀年二十六撫子成立事翁姑盡道無伯叔生事葬祭皆一身任歿年八十前清旌表

戴仁友妻張氏卽上戴任氏之媳孀年二十七夫故子殤抱子榮芳承祧



姑年老中風疾不能言動凡起居飲食惟以手指畫氏年近六旬率媳張氏侍養恆得其意之所在歿年九十前清旌表

戴榮芳妻張氏卽上戴張氏之媳夫病危氏割股以進卒不起時年二十九事祖母任氏姑張氏以孝聞夜恆紡績聽兩孫誦讀畢乃歸寢後兩孫星輝光輝皆入膠庠氏督責之力爲多前清旌表

戴榮衢妻陶氏孀年二十抱子承祧事姑以孝聞老猶終日紡績人稱苦節歿年逾八十

程應舉妻龔氏孀年二十一立其夫弟次子翔爲嗣多方教養俾至成人旋入黌宮事舅姑務得歡心歿年七十餘曾載入府志節孝

程元書妻卞氏年十五于歸未一載而寡誓死守節奉姑遺腹生一子養

### 江津縣志

#### 卷七之六

列女下

三

姑十餘年姑歿喪葬如禮

程鑑藻妻張氏孀年二十六紡績撫孤事舅姑生盡孝卒盡禮延師課子婚嫁成人苦節四十年前清旌表

杜春玉妻鄭氏孀年二十二子僅數歲氏勤儉教子貿易家亦小康歿年七十四

陳宗椿妻劉氏生三子而夫故氏辛勤苦節現年六十九

何圖妻趙氏職員趙蓮舫之女孀年二十九苦節五十一年歿年八十前清旌表

何德慶妻楊氏孀年二十一撫遺腹子苦節五十年前清旌表

何仕杰妻羅氏孀年二十八事姑孝教子有方歿年九十一前清旌表



胡元治妻綦氏孀年二十四子幼族人圖產謀斃其子氏潛引子回綦家  
教讀成立始歸苦節五十三年

胡崇垣妻廖氏孀年二十七抱子立嗣家業中興歿年七十前清旌表  
陳爲珩妻羅氏孀年二十二事翁撫弟備極艱辛無何弟亦不祿尤率弟  
婦楊氏矢志不渝抱子承祧家聲克振現年七十一前清旌表

陳爲琛妻楊氏孀年二十二卽上陳羅氏之弟婦事翁敬嫂咸得歡心抱  
子承祧以一身兼師父之任現年六十民國褒揚

溫登林妻趙氏生四子而夫故姑病割股救愈現年六十六

陳芥舟妻劉氏孀年二十八撫子方成立忽夭折又撫遺孫現年六十二  
涂昌祿妻胡氏孀年二十九哀不欲生幸遺一孤撫而教之現年六十二

### 江津縣志

#### 卷七之六

列女下

三

楊洲妻涂氏撫子成立前清旌表

杜光表妻鄭氏孀年二十二立夫弟子維周爲嗣苦節撫養鄉里賢之

杜光遙妻徐氏孀年二十家窘多債氏百計經營盡償之抱子承祧漸致  
饒裕現年五十二

何文彬妻王氏孀年十八家貧甚鄰戚咸勸以他適氏矢志撫孤不二

何文連妻謝氏孀年二十四無子家貧甚弟婦劉氏亦寡已他適惟氏紡  
績奉姑自若歿年六十五

楊維根妻鄧氏節孝前清旌表

鍾學華妻古氏孀年二十七現年六十民國褒揚

程德勳妻鄒氏孀年二十六抱夫弟子爲嗣現年六十一



程國蔡妻夏氏節孝前清旌表

劉正太妻袁氏孀年二十餘苦節撫孤歿年八十

趙傳卿妻漆氏孀年二十一撫孤成立現年五十四

王宗發妻呂氏孀年二十八現年八十三尙健

王洪高妻黃氏孀年二十歿年八十二

古祥雲妻夏氏孀年二十七現年六十前清旌表

楊學典妻萬氏孀年二十八

夏朝魁妻邱氏孀年二十九歿年八十餘

鄭忠堂妻楊氏家極貧代償遺債多金撫庶出子如己子

陳大瀛妻涂氏孀年二十八歿年六十七前清旌表

江津縣志

卷七之六

列女下

天

樊在章妻周氏孀年二十餘前清旌表

謝四海妻胡氏年二十四海被髮匪捉去不歸氏孀居三十餘年

戴天楷妻王氏孀年二十八歿年七十前清旌表其子爲之立祠名一誠

祠

王天同妻劉氏年二十六天同被髮匪捉去不歸氏孀居四十五年

戴義方妻程氏孀年十八苦節撫孤

李宗增妻樊氏孀年二十抱子承祧

戴禮品妻吳氏孀年二十一現年六十八

黃正高妻戴氏青年守志歿年八十六前清旌表

鄭芝華妻廖氏孀年二十餘現年七十前清旌表



何顯富妻丁氏孀年二十餘現年五十餘

杜春舒妻王氏孀年二十四前清旌表

鄒開課妻黃氏孀年二十二歿年六十二

鄒江柱妻劉氏孀年二十一歿年六十六

鄒繼謙妻趙氏孀年十九歿年四十四卽上鄒劉氏之媳鄒黃氏之孫媳  
一門三節前清旌表

周文定妻李氏孀年二十一歿年五十八前清旌表

李從章妻楊氏孀年二十九歿年五十七

戴春宣母曾氏孀年二十歿年七十餘

程作舟妻吳氏孀年十八歿年四十

### 江津縣志

#### 卷七之六

列女下

三

鄭朝剛妻戴氏青年守節歿年八十五

趙茂軒妻余氏孀年十九撫夫弟之子爲子現年六十勤儉如故

羅壽山妻施氏孀年二十歿年七十餘前清旌表

王宗才妻刁氏孀年二十餘歿年七十三

羅香山妻陳氏孀年二十餘歿年六十餘

王馭祿妻劉氏舉人王元亨之母孀年二十餘歿年八十三前清旌表

何若愚妻程氏孀年二十餘歿年六十九

李昌發妻邱氏孀年二十餘歿年六十五

萬惠昌妻王氏孀年二十餘

萬培邦妻吳氏孀年二十餘歿年五十四



黎輝廷妻李氏孀年二十餘歿年五十五

王熹妻慕氏孀年二十六歿年八十五前清旌表

陳東銘妻陶氏孀年二十二現年五十二

張洪源妻莫氏孀年二十九現年七十九

邱明法妻徐氏夫故撫孤成立媳幸氏早亡遺一孫道傳甫四歲又氏撫成道傳入邑庠歿年八十一前清旌表

周正恩妻龔氏青年守節歿年六十餘前清旌表

陳奎銘妻周氏孀年二十現年六十餘

戴典五母於氏節孝前清旌表

劉克珍妻郭氏孀年二十九撫孤成家歿年七十餘

江津縣志

卷七之六

列女下

三

李鏗妻王氏孀年十八歿年五十

樊常遠妻李氏孀年十五撫遺腹子成立現年四十五

胡洪愷妻李氏孀年十七苦節四十八年

譚學恕妻羅氏年二十九夫遊黔身故氏養親教子婚嫁喪葬一身任之

現年六十七

李華壽妻杜氏孀年十九子四月女歲餘姑六旬中風卧牀家又貧破屋數間蔬土數塊而已氏紡績佐炊之死靡他歿年五十一

賴輝妻黃氏孀年二十九家貧事翁姑鬻釵環以奉甘旨撫孤成立前清旌表

樊如垣妻唐氏夫故持家訓子備嘗辛苦歿年七十二前清旌表



胡國偉妻王氏守節教子

彭宏璫妻樊氏孀年二十八無子斷髮自誓不他適姑病氏割左臂以進姑竟愈現年六十

王正光妻陳氏孀年十八子紹政將授室而夭又撫子紹崇爲嗣生孫未一月紹崇又故氏復撫孫成立可謂難矣

杜大丕妻王氏孀年二十三弟弱姑病惟氏是賴

丁永齋妻簡氏丁慕韓之繼母夫故家徒四壁所嘗諸苦多人生未歷之境慕韓著有丁母行述萬言鍊石人讀之亦泔泔墮淚人民國慕韓請淮襄揚邑人夏風薰有六十壽詩

詩云金匪燬不精璞匪琢不澤鏡匪磨不光膏匪煎不烈以此驗人物

### 江津縣志

#### 卷七之六

列女下

三

古道未消滅中樞與須眉一理無間隔綱常乾坤扶正氣天地塞榮哉節母壽偉哉賢母節擘擘賢節母淑身本內則重闈甘旨供三世滄瀨潔順正敬無違願言藁砧悅藁砧雖云悅中途忽蹉跌高異梯雲登墜乃縣布絕一落千丈危痿痺至永訣爲語前妻子唏噓復哽咽幼穉靡所依呱泣三年血相彼英俊姿或能高閥閱視若掌上珍當成錚中鍊毋爲道慶咎毋爲象先責願爲方進母織履膏火給願爲鄭丹兒治笈衣裝設果幸公綽賢人疑出自薛又幸李銓悌兄不視同越道盡陸景融孝聞翟光業堂階叶怡怡宗族稱嘖嘖吁嗟慈母慈能活孽子孽天欲降喪亂風雲變不測人事筆硯間終非英雄策宦學與事師從戎憤改轍但苦色笑違更嘆資斧缺炎涼窘籌措歧路增嘆息惘惘出復入



行行呼不得母曰好自爲牽裾乃泣別從此瞬千里西東復南北巴蜀  
儲韜鈴燕趙結豪傑濯足游滄瀛振衣轄閩浙旌旆方揚威江山遽改  
色板輿奉迎難天涯歸省切八年一重逢慶幸轉悽惻阿母爲煖壺弱  
妹爲設席親舅爭問訊里人相慰藉持此清白心可爲知者說兩弟露  
頭角同時婚姻結母心慰團圓世途憂反側道家忌爲將保身惟明哲  
京西山富饒采鑛勝金穴造化爲爐錘扶持賴神力迴憶三十年苦茹  
甘荼藥迄今六十春陽回煖冰雪嗟乎繼母傳視此繼母德巍巍華蓋  
山皎皎几江月山維石不枯月維光不蝕照見來往人坊表認綽楔躋  
堂酌醪醴環視斑彩列允矣煒彤管匪可罄楮墨一言以蔽之歲寒知  
松柏

江津縣志

卷七之六

列女下

三

李昌文妻顏氏歸李二月而寡時年十六矢志不二奉親持家至孝至勤  
翁姑病幾次割股以進歿年六十一民國褒揚

袁耀正妻鄭氏養姑教子苦節三十餘年前清旌表

李品埈妻何氏孀年二十子幼家貧不克自存氏紡績度日前清旌表

李尙珍妻冷氏孀年二十四毀容撤飾孝親教子前清旌表

李昌鑫妻顏氏歸李半載而寡時年十六不苟言笑家政內外一身任之

抱子承桃生二孫歿年五十二

鄭增壽妻張氏孀年二十六氏矢志奉姑以終餘年撫前室子與己子成  
立勤紡績儉日用家政內外無異夫存苦節二十餘年置田二十餘畝歿

年五十四



余朝卿妻徐氏孀年二十四守志五十年

余有先妻李氏孀年二十歿年六十四前清旌表

萬樹釗妻穆氏孀年二十二

余朝瀛妻廖氏孀年二十六現年六十九

梁小亭妻劉氏孀年二十二遺孤尙襁抱氏以親老子弱爲念堅貞自守繼子又天抱子立嗣歿年六十七

余朝恆妻廖氏孀年二十現年七十二

余朝垣妻周氏孀年二十現年六十七

王家齊妻張氏孀年二十四事姑教子歿年五十

曹基倫妻聶氏孀年二十三歿年六十一

### 江津縣志

#### 卷七之六

列女下

三

何德盛妻楊氏曹全煥妻杜氏劉錫濤妻蘇氏聶世鐸妻李氏均著節孝前清旌表

劉輝智妻曾氏夫故遺一子八歲姑及叔迫之醮氏忿鬻身爲傭方兩年子浴水歿氏歸家不能容大號三日回母家不食十餘日而卒

劉汝賢妻穆氏矢志撫孤歿年七十二

蘇煥麟妻曹氏抱子承祧守志十餘年而歿

曹鍾映妻陳氏孀年二十五現年六十

曹基域妻周氏孀年二十四撫三歲子成立家政嚴肅

聶鈞樞妻楊氏青年守節撫孤成立現年六十四

聶世臣妻楊氏青年守節歿年六十九



陳方洪妻楊氏孀年二十家貧不醮事親教子無懈現年五十四

凌光麒妻楊氏孀年十八抱子承祧事翁姑二十餘年無倦容現年六十

六

杜汝懷妻楊氏孀年三十矢志撫孤養姑曹氏三十一年一日姑爲火焚氏念不可用水急用兩手撲滅之手焦爛而姑免歿年七十三

楊繼先妻程氏前清旌表

陳萬明妻羅氏孀年二十五撫夫兄之子爲嗣前清旌表

王純九妻周氏孀年二十六抱子承祧割股救姑守節三十七年前清旌表

王純潛妻韓氏孀年二十三事姑孝教子義性好施與歿年八十六前清

### 江津縣志

#### 卷七之六

列女下

三

旌表

王祖淋妻龔氏孀年二十五姑病風侍養數年無異言姑卒哭泣盡禮現年七十餘

龔清一妻韓氏孀年二十九現守節四十餘年前清旌表

龔清選妻王氏孀年二十九現守節三十餘年前清旌表

龔洪道妻周氏孀年十九守節三十餘年前清旌表

漆國楨妻周氏孀居十九年而卒

周宗祐妻潘氏孀居三十四年而卒

彭安吉妻涂氏孀年二十九上事翁姑下撫遺子以孝慈聞歿年六十二  
前清旌表



袁需坪妻王氏現守節三十一年

漆崇基妻龔氏現守節三十四年

漆體泉妻刁氏孀居九年而卒

周可貞妻藍氏現守節三十六年

漆鑲妻張氏現守節三十五年

漆蘭陔妻江氏守節二十五年

龔清濂妻李氏守節四十三年

袁于燾妻王氏守節三十餘年髮匪入境仆水死

謝始齊妻張氏孀年二十四現年六十三

聶鈞文妻劉氏孀年二十九現年八十一

江津縣志

卷七之六

列女下

三

李良興妻施氏孀年二十六苦節六十二年五世同堂

李思章妻曾氏孀年三十歿年七十一

李景光妻吳氏孀年二十二歿年五十四

李瓊光妻劉氏孀年三十典質釵環以養翁姑苦節三十三年

聶鈞仁妻李氏孀年二十五抱子立嗣

李三光妻石氏孀年二十一歿年八十四

曹炯池妻何氏孀年二十五子早逝又撫孤孫心血瘁焉現年五十九

李澤崇妻謝氏孀年二十現年五十二

韓燦妻謝氏年十八于歸僅七月而孀抱子承祧孝事孀姑

韓樹珍妻聶氏孀年十八撫一子成立現年五十六



楊寶琳妻張氏孀年十四抱子承祧氏貧家女而知讀不忘恭敬現年四十五任游溪鎮女校教員

李用富妻鍾氏孀年二十八歿年九十三前清旌表

高增豫妻楊氏孀年二十四現年六十五

劉靜山妻彭氏孀年二十二現年五十四

謝治廷妻聶氏孀年二十八苦節五十四年前清旌表

聶世康妻何氏孀年二十九前清旌表

田澤裕母李氏孀年十九澤裕其遺腹子也撫之成立

熊家猷妻彭氏青年守節歿年七十

王國璽妻張氏孀年二十六現年六十六

### 江津縣志

#### 卷七之六

列女下

三

李福英妻陳氏孀年十九現年八十五前清旌表

李培性妻宋氏孀年二十言笑不苟現年近六旬

桂心奎妻何氏青年守節現年六十

謝榮恩妻江氏孀年二十八夫故無子守節不改現年七十

聶世音妻凌氏孀年二十六抱子承祧撫女養姑前清旌表

聶世勻妻趙氏青年守節現年七十五

李元甫妻尹氏孀年二十三歿年八十前清旌表

張鴻業妻楊氏節孝前清旌表

周人和妻喻氏孀年二十八歿年七十九

張廷爵妻余氏孀年二十三



張廷載妻曹氏孀年二十四

張鴻珍妻陳氏孀年二十八

聶鈞泉妻劉氏孀年二十一現年五十二

王泰春妻李氏孀年十七養姑抱子始終如一現年七十三

趙永江妻張氏孀年二十一一女早殤遺腹子一亦多病幸撫成立苦節三十餘年

趙金寶妻馮氏事姑守志歷三十餘年

蒲世銳妻張氏孀年二十五現年六十六

彭傳澤妻蕭氏孀年二十二撫遺腹子極勤苦

譚召南妻溫氏孀年二十一抱夫兄子為嗣

江津縣志

卷七之六

列女下

三

黎祚滔妻蕭氏孀年二十五家貧甚撫三子成立現年六十七

黎紹廷妻朱氏孀年二十八現年六十六

胡文龍妻譚氏孀年二十九現守節四十八年

冷國志妻張氏孀年十八守節六十七年

劉師向妻周氏孀年二十一抱夫兄子為嗣現守節三十五年

歐陽裕沛妻馮氏守節三十一年曾割股救親

蔣學紳妻伍氏孀年十七歿年八十七前清旌表

孫文灼妻何氏孀年二十四歿年八十四前清旌表

王樹華妻蒲氏孀年十九守節三十六年前清旌表

曹椿陽妻張氏孀年二十六現守節三十三年



張家禮妻成氏孀年二十八守節四十二年

曹維棋妻張氏孀年二十五現守節五十九年

周世紳妻王氏于歸六年而孀家貧事親孝守節四十一年前清旌表

張德高妻羅氏家貧勤紡績以養親育子現年六十六

周輝祿妻陳氏守節四十年

王治書妻何氏孀年二十六歿年五十七

王榮軒妻成氏孀年二十歿年五十一

王應生妻傅氏孀年十八歿年八十三

王應臺妻周氏孀年二十歿年六十九

王文斌妻胡氏孀年二十五歿年八十三

### 江津縣志

#### 卷七之六

列女下

三

張子西妻卞氏孀年二十六家貧能讀勤紡績事翁姑以孝聞教其子及夫弟有良師之風

曹顯松妻鄒氏守節六十五年八十二而卒前清旌表

張清和妻羅氏孀年二十三家貧或爲人傭工事親撫弟不辭勞苦凡三十餘年而歿

十餘年而歿

廖鍾珩妻張氏孀年二十一撫孤成立孫曾輩出前清旌表現年七十八

陳永鴻妻李氏孀年二十八撫孤成立前清旌表歿年九十四

譚萬杞妻張氏孀年二十八歿年七十七前清旌表

譚春秀妻馮氏孀年十八家貧苦節抱子立嗣歿年六十三前清旌表

羅登武妻周氏孀年二十二抱夫弟登高之子名祖品爲嗣未幾登高亦



逝其妻周氏抱祖聯為嗣而祖聯浪費旋夭復遭蠹族興訟事息始以祖品兼祧焉歿年八十二前清旌表

羅登高妻周氏卽上羅周氏之弟媳子祖品出嗣抱子不才仍以祖品兼祧如上述歿年七十九

曹祖輝妻漆氏孀年二十歿年六十一

張煥霖妻江氏于歸數載其夫被髮匪擄去氏抱子養親代葬翁姑鄉里稱之歿年七十餘前清旌表

朱毓秀妻江氏于歸八載而夫故現年六十

聶鈞福妻李氏孀年二十四現年六十七前清旌表

張廷佐妻刁氏孀年二十孝敬勤儉不苟言笑

### 江津縣志

#### 卷七之六

列女下

三

廖自元妻唐氏孀年三十教育婚嫁備極辛苦

陳際虞妻梅氏孀年二十五現年五十八

鄭安吉妻劉氏孀年二十抱子立嗣前清旌表

簡昌洪妻劉氏孀年十九抱子立嗣現年五十六

張天敘妻侯氏孀年二十二現年六十三前清旌表

楊春普妻張氏孀年二十一前清旌表

楊起儒妻劉氏于歸九年而夫故現年五十

楊燦章妻高氏于歸十一年而夫故現年六十二

張叔道妻吳氏孀年二十二歿年七十二

楊照臨妻熊氏于歸十年而夫故現年五十七



袁蔭椿妻潘氏孀年二十六家貧苦節現年七十

文星漢妻李氏孀年二十七抱子為嗣子卒又撫兩孫現年六十三

李有杰妻蘇氏孀年二十家貧奉親撫孤歿年七十七

焦金模妻陳氏孀年二十九撫三子成立現年七十

賀思位妻張氏孀年十九現年五十餘

李國成妻游氏民國三年氏家被劫氏被捉往飛龍廟索銀贖取氏罵賊不懼旋自縊後經嘉昇鄉捕獲正匪供出上情始知氏死狀及埋地將屍運回時已數月面如生

高世儀妻袁氏孀年二十六現年七十二

唐煥奎妻李氏孀年三十現年六十八

江津縣志

卷七之六

列女下

罕

簡昌太妻傅氏青年守節現年六十三

邱有穀妻徐氏孀年二十七歿年八十一前清旌表

邱錫之妻李氏孀年二十九家貧甚遺三子賴氏撫成歿年七十九

張政廷妻高氏孀年二十四抱子國材為嗣奉翁姑盡孝前清旌表

張斗垣妻楊氏孀年二十奉姑教子宗族稱之現年五十九

張基誠妻石氏節孝前清旌表

謝錦佑妻聶氏謝治煥妻楊氏姑媳也均青年守節撫孤成立前清旌表

楊天香妻李氏孀年十九撫遺腹子成立歿年八十四前清旌表

楊玉巖妻李氏孀年二十五歿年八十

楊先琛妻黃氏孀年二十七現年七十二



楊治文妻熊氏孀年二十八

熊國臣妻譚氏孀年二十一歿年五十

熊代之妻高氏夫故無子祇孀姑二一老一瞽氏強笑慰姑曰子在氏爲姑也媳子死媳爲姑也女當一體侍養鄉里稱之

劉錫奎妻夏氏孀年二十八抱夫弟子澤芳爲嗣歿年七十二前清旌表  
張錫鎔妻聶氏孀年二十一抱子立嗣並舍自業團山堡作義冢尤見慈善歿年六十五前清旌表

張政澤妻楊氏孀年十七抱子立嗣謹事孀姑前清旌表

何榮貴妻夏氏孀年二十八歿年九十八

蘇欽朝妻凌氏孀年二十七持家勤儉守節如一歿年五十五

### 江津縣志

#### 卷七之六

列女下

聖

蘇洪文妻杜氏孀年二十八貧不能舉火宴如也歿年五十七

李福祥妻桂氏青年勵節並以孝聞曾捐修寺一前清旌表

宦必才妻劉氏于歸二年而夫故抱子茂椿爲嗣茂椿死又撫遺孫歿年八十八前清旌表

趙春和妻王氏孀年二十孝翁姑和妯娌勤家政不怠

王海洲妻潘氏孀年二十八歿年八十一撫四子二子入邑庠前清旌表  
戴作規妻程氏未字時夫家中落程父母欲悔婚氏堅持過門就灰屋破壁中成禮腰纏私積錢八百作輿費自是勤苦度日夫早故子數歲撫成勗業孫曾繁衍現年百歲

袁肅椿妻李氏姑病氏禱姑所供觀音像畢割肝和藥以進姑食而愈氏



亦不覺痛苦其愚不可及如此

袁世傑母李氏姑病割股以進尋愈

成善喜妻杜氏數歲而孤事母極孝適成後事翁姑如事母翁歿殮債逼不能葬伯某以半價買其田始成喪家因之中落紡績度日後母老無依迎而養之終身不怠

陳元洪妻李氏家奇貧夫商外無耗姑年七十事之謹紡績佐甘旨未嘗缺姑染痢經月不愈氏負姑如廁日數十次無倦容姑死無衣棺氏鬻子於鄰爲治喪具鄰翁助之金而返其子及子長經商致富氏亦享高年蘇燦平妻成氏未字時奉祖母何朝夕不離何病艱行氏奉之謹無氏不歡也適蘇奉翁姑如奉何家貧以紡績餘資勗子楚閩成學

### 江津縣志

#### 卷七之六

列女下

望

李信榮妻王氏未字時事雙親無違朝夕適李後以翁姑年老禱神求壽姑病年餘侍湯藥未嘗離及卒率其子姪數人廬墓上書則令其就學夜於墓舍課之讀三年始歸

樊世鑄妻張氏事親孝姑三次患病均氏侍養且割股以救前清丁督奏淮旌表且獎以坤德承天四字

韓信嘉妻夏氏家資僅三百餘金守夫遺命捐金二百入中學校時以爲難中學校爲之豎碑劉澤嘉有文紀其事

事略云維中華光復之十有一年曹玉珊再長津中校增招班次更修鬢宇則有韓夫人捐金一事韓夫人者故夏氏之女而邑儒韓信嘉妻也信嘉幼於前清德宗某年臨幼囑夫人曰我無子所積蓄遺汝者直



銀三百餘兩而已我死除汝用度外捐作公益事言訖而卒夫人圖以身殉仰藥數次俱不果則遵其命自以舌耕度日不妄靡一錢垂二十  
年今老矣乃者以銀百兩作已身後費而以餘銀二百兩捐入中校助  
工是時中校方款絀用不足得之如甘露焉嗚呼自世道澆人死財急  
公義之風求之齷齪富人則大訾求之尋常男子不駭則走而況韓君  
貧士夫人巾幗守之二十年如一日推此行也何公益之不舉中國強  
矣豈曰非賢然世人猶有公而肥私者

丁德成妻江氏視前妻子如己出夫故後前妻子議分爨氏劃產業三股  
以兩股與前妻子而已子得其一前妻子亡家漸落遺子女及媳生計窘  
乏氏月給穀五斗恤之

### 江津縣志

#### 卷七之六

列女下

三

李淑仙一名乾真拔貢李樹昌之妹性孝以母張氏年八十無人奉養遂  
誓不嫁母歿長齋念佛終其身

鄒繼瑄妻羅氏過門守節矢志不移

王正智妻趙氏年十七過門守節抱子立嗣

牟華月妻郭氏過門對靈束髮守節四十餘年

何榮高妻李氏年十九過門守節孝事翁姑知事何聞之特書冰心鐵性  
匾獎之

張光華妻劉氏過門守節家貧不怨前清旌表

凌炳遠妻聶氏年十六過門守節又十年卒

王映龍妻鄒氏過門守節歿年八十五



曹炯埜妻羅氏于歸之日午後一鐘而夫故姑蔣氏當眾問其能否守節氏以死自誓遂爲之抱子從此事姑孝撫子慈貞守五十四年民國二年卒

按古人化起閨門易曰利女貞劉子列女傳於貞順節義三致意焉歐陽修獎王凝之妻而鄙馮道重節也知恥也近世乃有破女子貞操之說者持論甚新極其潮流未知所屆雖然吾中國數千年禮教之大防豈遂因之潰裂共姜守義巴婦懷清則而行之豈伊無人畱此一編以告來者其有才德急公義之婦亦著於後

江津縣志

卷七之六

列女下

四



江津縣志卷七之七

人物志下

流寓

宋

杜莘老字尹耕宋史作字起莘眉州青神人唐工部甫十三世孫也家貧讀書慷慨有大志與狀元王十朋相友善言我得志饒君子不饒小人後中紹興庚辰進士辛巳八月上親擢殿中侍御史取眾所指目者悉擊去直聲震天下嘗歎曰臺諫當論天下第一事若言其次是欺心不敬其君十朋以書賀云殿院排擊奸邪保全善類果踐平日之言後爲忌者中傷莘老亦請外遂以直顯謨閣知遂寧府居官多惠政課績爲諸州最晚家

江津縣志

卷七之七

流寓

一

江津卒葬城南杜村虞允文過而題其墓曰剛直御史

王十朋輓詩流落杜莘老平生一飯忠大賢宜有後異代果生公文豔神藜燭霜蹄御史驄九原呼不起蕭瑟柏臺空 親擢逢明主臺綱振

一時觸眞同解廌問不到狐狸姦佞已落膽江湖甘把麾賢哉郭有道無愧蔡邕碑 我昔遊三館聞公論立朝端如平日語果不小人饒節義眞齊固年齡不逮喬英魂已天上楚些詎容招

李仔字任道黃庭堅與王觀復書云有李仔任道者梓州人流寓江津二十餘年言行有物參道得要老成人也

蘇邁東坡子以謫官徙居江津聖鍾里子孫因家焉其裔伯瑜者以賢名世省志作蘇過



邑人王昌年辨曰舊志載蘇氏流寓津邑者或曰邁或曰過亦疑不能明嘗閱王明清揮麈後錄謂過以眞定倅赴官至河北爲賊所脅不屈通夕痛飲卒晁以道志其墓謂暴疾卒鎮陽行道中而邁亦未嘗聞有入蜀之文金史蘇嗣之傳載東坡頴濱叔黨俱葬邾城之小峩眉山世皆居許昌嗣之轍五世孫其母白氏寡居撫以成立後嗣之往汴許被兵白盡節死蘇氏疑皆居許明蜀人李克嗣巡撫河南修邾城墓取後人之在杭者守之此時許疑無蘇氏矣李東陽跋子由告身乃大觀二年徽宗造八寶成加授中奉大夫者藏於霍山裔孫文斌家文斌卒妻仵氏撫三歲孤虎底於成成化四年虎以卷軸斷裂託某裝飾某掩而得之後廬州守馬君購以金於南京訪虎還之蘇氏後疑皆在江左矣

## 江津縣志

### 卷七之七

流寓

二

往歲編纂眉州志見青神太史余成勳眉山蘇氏祀田記載嘉靖庚寅侍御邱君道隆按部眉山修理蘇氏祠堂爲買置祀田聞杭多東坡後人欲招之以奉祀後於江津縣得蘇學者持所藏東坡小像來辨其手翰考其譜系則頴濱後也觀此則邑之流寓確有蘇氏明甚且非邁與過而實子由之裔也史載子由子遲适遜三人而後之見於傳記者東坡之後無聞焉豈頴濱獨繁衍與子由頴濱遺老傳云先君之葬在眉州之東昔嘗約附於其廬雖遠不忍負也其卜居賦序云昔先君相彭眉之間指其庚壬曰此爾兄弟之居也今子瞻不幸已藏邾山予年七十有三異日當蹈前約其賦云諸子送我歷井捫天庶幾百年歸掃故阡而王定國輓蘇黃門詩亦云徒泣巴山路空悲蜀道程弟兄仁達意



千古各垂名足見子由之志矣而子由卒祔東坡於邾城想子由雖不克歸葬而子孫猶遵治命後返於蜀與後略

邱仲孚宣城人與弟仲安仲通仲和寓居津邑高湖里俱以文學著聞合葬鳳冠山下今俗云四邱墳是也時序莫考

清

陳竹波書畫天成嘗寓津多奇跡邑人龔萬材爲之傳

傳云陳竹波其先不知何許人材有族叔臨川者試於渝遇之逆旅抵掌談相得甚遂偕歸寓其家性嗜飲每飲輒醉醉則頽然卧卧不擇處或牀或凳或石或泥塗取其便而已臨川設肆於李市場肆有樓俯臨通衢竹波暇往肆中登樓憑眺忽欄折而墜折其足卧地呻吟臨川大

江津縣志

卷七之七

流寓

三

驚亟往扶之竹波揮手曰無須但取酒來我自能起如其言持酒往竹波擎瓶至口飲之盡蹶然而興若無所苦者人咸奇之里中有刁姓者聞其名自往邀之竹波囑先行少頃當自至及刁姓返則門閉而竹波已在室中怪問之則曰我由間道來得先至耳人益奇之竹波善書畫書法遒勁而畫亦通神渝城塗山二字卽其所書嘗爲作畫拾蔗渣濡墨亂擲紙上取而視之則如羣雀出林飛動躍騰各極其妙先君子味三公與之善嘗倩其作畫竹波諾取百餘紙連綴爲巨幅長約二丈闊八九尺磨墨汁數斗盛以巨鉢束亂草爲筆鋪紙於地跣足踞其上濡筆揮之紙長筆不能及則雙手握筆奔突往來墨淋漓須臾而就視之爲拐李形背負葫蘆手拄杖神態飄逸宛然蓬壺三島人竹波衣敝袍



黯然而黃褐色垢膩幾滿終歲未嘗易髮蓬蓬面帶雛紋有使之年輒曰吾來歲爲七十閱一歲詢之仍以此語對閱數歲詢之亦然究莫知其年幾何也至臨川家十餘年而死死時飲酒大醉仰地上卧撫之僵矣死後數月里人夏贊春赴渝偶與逆旅主人談竹波事主人曰惜先生來遲若早數日可見竹波贊春異而詢之主人曰竹波死較場纔數日耳死時人以其形類仙謂衣能避祟爭裂取之幾盡吾猶親見其屍贊春愕然曰竹波死於吾鄉安得死於此主人堅執不誣贊春大奇歸告里人亦莫不以爲奇也或曰竹波蓋仙人或曰隱士其說莫能決云按津地非衝要自古文人碩彥名公鉅卿流寓是邦輝映山水者蓋寡正不必諱然亦不必攘人之有如郭象竊注爲大雅所譏安石爭墩蹈

## 江津縣志

### 卷七之七

流寓

四

名士之習也已方志如此何以信今傳後今按舊志士女名臣條首列宋范鎮似范蜀公亦曾流寓津者此蓋因邑長池地方相傳有范鎮墓而誤者也袁方城辨曰考宋史范鎮本傳載公成都華陽人仁宗朝舉禮部第一神宗時爲翰林學士以論新法忤王安石以戶部侍郎致仕遷居於許哲宗立用韓維薦詔拜端明殿學士辭奉崇福宮祠封蜀郡公仍致仕從孫祖禹謁歸詔存問賜以龍茶並無遷居江津之文又按公卒於哲宗三年十二月而宋史本紀哲宗三年載范鎮定鑄律度量鐘磬等以進故本傳亦稱公生平精於樂律考定大樂自請大府銅爲之逾年而成帝及太后御延和殿詔執政同閱賜詔嘉獎復下太常詔三省侍從臺閣皆往觀焉鎮時已屬疾樂奏三日而卒年八十一據此



似公之卒尙未歸蜀且公如果葬津必將畱子孫守墓考本傳未載公之子爲誰而云娶龐昉之女爲孫婦則公有子明甚又公兄鎡有遺腹子流落兩蜀間公未仕時徒步往求二年乃得之名曰百常兄錯之子百祿登第舉才識兼茂科累官中書侍郎從孫祖述祖禹皆歷顯位著在史冊何至津邑范氏獨寂滅無聞名臣之後當不至是云云考最詳核一洗前誤今志從之削而不書蓋不欲錯認魯公貽識者冬烘之誚示慎也

江津縣志

卷七之七

流寓

五